

پنجابی زبان و سچ تقابستان دا بہترین نمونہ

تقابست دی معراج

مُرتب
صاحبزادہ حافظ مجمل حسین صاحب بریل

شاکر پبلی کیشنز لاہور

پنجابی زبان وسیع نقابتاں دا بہترین نمونہ

نقابت دی معراج

مُرتب

صاحبزادہ حافظ بیل حسین صابری
ایم اے عربی و اسلامیات، فاضل جامعہ نعیمیہ

ادوی بازار لاہور
فون: 0322-22 22 740

شاکر پبلی کیشنز

پنجابی زبان و سچ نقابتاں دا بہترین نمونہ

نقابت دی معراج

مرتب

صاحبزادہ حافظ محمد حسین صابری
ایم اے عربی و اسلامیات فاضل جامعہ نعیمیہ

ادویات بازار لاہور
فون: 0322-22 22 740

شاکر پبلی کیشنز

جملہ حقوقِ ملکیت بحق ناشر و محفوظ ہیں

نقابِ نبوی معراج

باہتمام: ملک محمد شاکر

سن اشاعت: مئی 2015

طابع: اشتیاق اے مشتاق پرنٹرز لاہور

قیمت: 340/- روپے

شہیر برادرز

اٹھویا بازار لاہور
فون: 042-7246006

ملنے کا پتہ:

نظامیہ کتاب گھر

زمینہ سنٹر اردو بازار لاہور

اسلامک بک کارپوریشن

اقبال روڈ کیمٹی چوک راولپنڈی

احمد بک کارپوریشن

اقبال روڈ کیمٹی چوک راولپنڈی

ضروری التماس

قارئین کرام! ہم نے اپنی بساط کے مطابق اس کتاب کے متن کی تصحیح میں پوری کوشش کی ہے، تاہم پھر بھی آپ اس میں کوئی لفظی یا کئی تو ادارہ کو آگاہ ضرور کریں تاکہ وہ درست کر دی جائے۔ ادارہ آپ کا بے حد شکر گزار ہوگا۔

فہرست

۵	درود تھینا	✽
۲	نظر انتساب	✽
۷	اظہار تشکر	✽
۸	نقابت نمبر: 1	✽
۲۹	نقابت نمبر: 2	✽
۵۸	نقابت نمبر: 3	✽
۷۹	نقابت نمبر: 4	✽
۱۰۰	نقابت نمبر: 5	✽
۱۲۹	نقابت نمبر: 6	✽
۱۵۰	نقابت نمبر: 7	✽
۱۷۲	نقابت نمبر: 8	✽
۱۹۳	نقابت نمبر: 9	✽
۲۳۰	نقابت نمبر: 10	✽
۲۶۰	نقابت نمبر: 11	✽
۲۹۵	کلام نقابت	✽
۲۹۵	نبی صلی اللہ علیہ وسلم کی شان دے چھنڈے	✽

- ۲۹۶ سوہنے نال پیاروی گل کیتی ❀
- ۲۹۷ محفل سجدی پئی اے ❀
- ۲۹۸ ترے نان توں وارے سارے ❀
- ۳۰۰ آقا ﷺ جدوں لحد وچ آئے ❀
- ۳۰۱ پیاروا زمانہ ایں ❀
- ۳۰۲ آپ دابو ہامل مدینے ❀
- ۳۰۳ شعلہ جیویں اگ دا ❀



درود تنجینا

اَللّٰهُمَّ صَلِّ عَلٰى سَيِّدِنَا مُحَمَّدٍ وَعَلٰى اٰلِ سَيِّدِنَا

مُحَمَّدٍ صَلَوةً تُنَجِّينَا بِهَا مِنْ جَمِيعِ الْاَهْوَالِ

وَالْاَفَاتِ وَتَقْضِيْ لَنَا بِهَا جَمِيعَ الْحَاجَاتِ

وَتُطَهِّرُنَا بِهَا مِنْ جَمِيعِ السَّيِّئَاتِ وَعَتْرَفَعْنَا بِهَا

عِنْدَكَ اَعْلٰى الدَّرَجَاتِ وَتُبَلِّغُنَا بِهَا اَقْصٰى

الْغَايَاتِ مِنْ جَمِيعِ الْخَيْرَاتِ فِي الْحَيَاتِ وَبَعْدَ

الْمَمَاتِ اِنَّكَ مُجِيبُ الدَّعْوَاتِ وَرَافِعُ

الدَّرَجَاتِ وَيَا قَاضِيَ الْحَاجَاتِ وَيَا كَافِيَ

الْمُهَمَّاتِ وَيَا دَافِعَ الْبَلِيَّاتِ وَيَا خَلَّ الْمَشْكَلَاتِ

اَغْنِنِيْ اَغْنِيْ اَغْنِنِيْ يَا اِلٰهِيْ اِنَّكَ عَلٰى كُلِّ شَيْءٍ

قَدِيْرٌ ۝

نظر انتساب

میں اپنی اس کاوش کو اپنے نانا حضور تاج الاولیاء، صوفی باصفا،
 رہبر و رہنما، حضور خواجہ صوفی محمد شریف سخی سرور لچپال
 سرکار اور اپنے دادا حضور صوفی باصفا، ہادی و رہنما، حضور خواجہ
 صوفی معراج دین لچپال سرکار کے نام منسوب کرتا
 ہوں، جن کی نگاہ ولایت نے ہزاروں قلوب و اذہان کو
 نور معرفت سے آشنا کروایا۔ اللہ تعالیٰ ان نورانی
 ہستیوں کا فیض گرامی قیامت تک جاری و ساری
 فرمائے..... (آمین ثم آمین)

خادم الفقراء

صاحبزادہ حافظ محمد تجمل حسین صابری

اظہار تشکر

تمام حمداں، تمام ثناواں اور تمام تعریفاں اللہ رب کائنات
 دی ذات بابرکات واسطے نہیں اور درود اوہدے پیارے
 نبی، نبی مکرم، شفیع معظم، تاجدارِ انبیاء، شبِ اسری دے
 دولہا، احمد مجتبیٰ، محمد مصطفیٰ صلی اللہ علیہ وسلم واسطے نہیں
 جہاں نہیں بھٹکے ہوئے لوکاں نوں حقیقت داراہ وکھایا
 صَلَّى اللهُ عَلَى النَّبِيِّ الْأُمِّيِّ وَالْإِهِّ وَبَارِكْ وَسَلِّمْ



نقابت نمبر: 1

بِسْمِ اللّٰهِ الرَّحْمٰنِ الرَّحِیْمِ

نَحْمَدُهُ وَنُصَلِّي وَنُسَلِّمُ عَلٰی رَسُوْلِهِ الْكَرِیْمِ

اَمَّا بَعْدُ

فَاعُوْذِبُ بِاللّٰهِ مِنَ الشَّیْطٰنِ الرَّجِیْمِ

بِسْمِ اللّٰهِ الرَّحْمٰنِ الرَّحِیْمِ

قَالَ اللّٰهُ تَعَالٰی فِی الْقُرْاٰنِ الْمَجِیْدِ وَالْفِرْقَانِ الْحَمِیْدِ

اِنَّ اللّٰهَ وَمَلَائِكَتَهُ یُصَلُّوْنَ عَلٰی النَّبِیِّ یٰ اَیُّهَا الَّذِیْنَ اٰمَنُوْا

صَلُّوْا عَلَیْهِ وَسَلِّمُوْا تَسْلِیْمًا

الصَّلٰوةُ وَالسَّلَامُ عَلَیْكَ یَا سَیِّدِیْ یَا رَسُوْلَ اللّٰهِ

وَعَلٰی اٰلِکَ وَاَصْحَابِکَ یَا سَیِّدِیْ یَا حَبِیْبَ اللّٰهِ

الصَّلٰوةُ وَالسَّلَامُ عَلَیْكَ یَا سَیِّدِیْ یَا رَحْمَةَ الْعٰلَمِیْنَ

الصَّلٰوةُ وَالسَّلَامُ عَلَیْكَ یَا سَیِّدِیْ یَا شَفِیْعَ الْمُنٰدِیْنَ

عزیز دوستو! نوجوان ساتھیو! بچو اور بزرگو!

پردہ نشین میری ماؤں، بہنوتے بیٹیو!

السلام علیکم ورحمۃ اللہ وبرکاتہ!

تمام حمداں، تمام تعریفاں، تمام ثناواں اللہ رب کائنات دی ذات

بابرکت واسطے نہیں..... تے درود اوہدے پیارے نبی، نبی مکرم، شفیع معظم،
 تاجدار ارض و سماء، سید الانبیاء، حبیب کبریا، احمد مجتبیٰ، محمد مصطفیٰ ﷺ دی
 ذات بابرکات واسطے نہیں
ارباب علم و دانش!

اللہ رب کائنات دا کروڑہا احسان اے جس نے سانوں ساریاں نوں
 اتنی خوبصورت اور پاکیزہ محفل وچ بیٹھ کے اپنے سوہنے محبوب دا ذکر کرن دی
 سعادت و توفیق بخشی اے۔

رب کریم توں دعا اے کہ مالک کائنات ساڈی سب دی حاضری اپنی
 پاک بارگاہ وچ قبول فرمائے..... اور اس پاک محفل دے صدقے ساڈے
 سب دے صغیرہ کبیرہ گناہ معاف فرمائے۔

میں اتنی خوبصورت اور پاکیزہ محفل دے انعقاد کرن تے محبت مشن
 انٹرنیشنل دی تمام انتظامیہ نوں مبارکباد پیش کرناواں..... الحمد للہ! ہج
 سانوں ساریاں نوں ایک وی کائل، شیخ اکمل دی زیارت ہووے گی.....
 الحمد للہ سرزمین چکوال توں ساڈی محفل دے نیرتاہاں، حضور سیدی پیر محمود
 الحسن شاہ صاحب خاکی المعروف پیر مستوار قلندر دامت برکاتہم العالیہ
 تشریف فرمائیں..... میں اپنی پوری ٹیم محبت مشن انٹرنیشنل دی جانب توں
 آپ سرکار نوں ”خوش آمدید“ اور ”جی آیاں نوں کہناواں“ آپ سب سرکار
 مستوار قلندر لہجیاں دی زیارت کرو تے اپنے ایمان دی تازگی حاصل کرو!

ارباب علم و دانش!

میں اپنی نقابت دا آغاز حمد باری تعالیٰ دے ناں کرناواں..... تسی
احباب محبت ناں سماعت فرماؤ..... جیہڑی گل تہانوں چنگی لگے تے سمجھ وی
آوے تے تسی محبت ناں کہنا اے..... ”سبحان اللہ“

ایک واری محبت ناں آکھو..... ”سبحان اللہ“

میرے مولا تیری بارگاہ وچ سدا کرنی اے
اک گناہگار نے بخشش دی دعا کرنی اے
میری روح میریاں سانواں نون طہارت دے دے
تیرے محبوب محمد ﷺ دی ثنا کرنی اے

اور!

میرے رب توں رب المرغوب ربا
مشرقیں دا رب مغربین دا رب
رب روزی پیا دیوندا یزیدیاں نون
بو کے کربلا والے حسین رضی اللہ عنہ دا رب!

اور!

مہربانا! ڈیشانا! تے سلطانا!
وڈے کرم کماے نی بھلا ہووے!
ککھاں وچ پے رلدے سن بخت میرے
(ککھوں لکھ بنائے نی بھلا ہووے)

کھر شور زمین ساں مدتاں توں
 بوٹے کرم دے لائے نی بھلا ہووے
 سارا پتہ سردار نوں کیتیاں دا
 پردے عیباں تے پائے نی بھلا ہووے

اور!

مولا حمد تیری کوئی کیہ کر سکدا اے
 توں تے مٹی چوں نور سما دیناں این

دن سورج دے نال کریں روشن
 رات تاریاں نال سجا دیناں این!

دیویں شہنشاہیاں پھڑ کے منگتیاں نوں
 جدوں نظر کرم دی پا دیناں این

جے توں چاویں اپنے نبی تائیں
 پھڑ مصر بازار وکا دیناں این

ہیرے لعل یا قوت تے اک پاسے
 اک ائی مل پوا دیناں این

تیری ذات اگے ہے کوئی دم مارے
اوپرے والائے پٹھا ای بھا دیناں ایں

تے کتیاں نوں جنت واڑ دیناں ایں
بدل رحمتاں دے جدوں ورا دیناں ایں

کتے موسیٰ نوں جلوہ دکھاندا ای نہیں
تے کتے طور نوں ایویں جلا دیناں ایں

جدوں آپ حبیب نوں چاہویں ملنا
جبرائیل نوں فٹ پجا دیناں ایں

کائنات دے کل خزانیاں دی
کنجی ہتھ محبوب پھرا دیناں ایں

تیزے گھرنوں ہے کوئی ٹاؤن آوے

ابابیل توں ہاتھی مروا دیناں ایں

صَلَّى اللهُ عَلَى النَّبِيِّ الْأُمِّيِّ وَالْإِلهِ وَبَارِكْ وَسَلِّمْ

ارباب علم و دانش!

آؤ اس محبت بھری روحانی..... وجدانی تے ایمانی محفل دابا قاعدہ آغاز
 تلاوت کلام ربانی نال کرنے آں..... تے صحیفہ ربانی دی تلاوت کرن
 واسطے میں گزارش کرناواں عالم قرأت دابہت خوبصورت نام..... ساڈی
 مرکزی محافل دی آن و شان..... رموز قرأت توں آشنا..... پیش القراء، پنجم
 القراء فخر القراء، میری مراد جناب قاری محمد علی قادری صاحب دامت برکاتہم
 العالیہ میں..... آؤ ایک بلند آواز نعرے دے نال قبلہ قاری صاحب دا
 استقبال کریئے!

نعرہ تکبیر..... نعرہ رسالت..... نعرہ حیدری..... نعرہ غوثیہ

جناب قاری محمد علی قادری صاحب

ماشاء اللہ جزاک اللہ

جناب قبلہ قاری محمد علی قادری صاحب بڑے حسین و جمیل اور
 خوبصورت انداز نال قرآن کریم دی تلاوت فرمائے سن..... دیوانے محبت
 اور عقیدت نال جھوم جھوم کے قرآن کریم دی تلاوت سماعت فرمائے سن
 اللہ کریم سانوں ساریاں نوں قرآن پڑھن دی..... اوہنوں سمجھن دی
 تے ایدے اتے عمل کرن دی توفیق عطاء فرمائے۔

ارباب علم و دانش!

اے قرآن بڑی عزت و عظمت..... بڑی شان اور مرتبے والی کتاب

اے ایس قرآن نون عظمت میرے کریم آقا لچپال دی نسبت نال
حاصل اے کس طرح بڑی محبت نال سماعت فرماؤ:

حضور غار وچ گئے تے قرآن غار وچ نازل ہویا

حضور پہاڑ تے گئے تے قرآن پہاڑ تے نازل ہویا

حضور بازار وچ گئے تے قرآن بازار وچ نازل ہویا

حضور بدر وچ گئے تے قرآن بدر وچ نازل ہویا

حضور احد وچ گئے تے قرآن احد وچ نازل ہویا

حضور حنین وچ گئے تے قرآن حنین وچ نازل ہویا

حضور طائف وچ گئے تے قرآن طائف وچ نازل ہویا

حضور حجرہ عاکشہ وچ گئے تے قرآن حجرہ عاکشہ وچ نازل ہویا

حضور مسجد وچ گئے تے قرآن مسجد وچ نازل ہویا

حضور منبر اُتے نیں تے قرآن منبر اُتے نازل ہویا

حضور نماز وچ نیں تے قرآن نماز وچ نازل ہویا

حضور مکے وچ گئے تے قرآن مکی بن کے نازل ہویا

حضور مدینے وچ گئے تے قرآن مدنی بن کے نازل ہویا

جناب الحاج محمد علی ظہوری قصوری رحمۃ اللہ علیہ نے قلم اٹھایا تے کیہ فرمایا.....

بڑی محبت نال سنو تے اپنے ایمان نون تازہ کرو آپ فرماندے

نین کہ:

قرآن دسدا اے بڑائی حضور ﷺ دی
 کبھڑا کریگا مدح سرائی حضور ﷺ دی

کونین دے مقام نے ایہہ راز کھو لیا
 اللہ ہی جاندا اے رسائی حضور ﷺ دی

بن ویکھیاں جیدے تے کڑوراں نثار نین
 صورت خدا نے ایسی بنائی حضور ﷺ دی

جھولی وچ دو جہان دی دولت سمیٹ لئی
 کنی اوہ مالدار سی دائی حضور ﷺ دی

میرے توں روز محشر جے پچھیا فرشتیاں
 رو رو کے میں دیواں گا دہائی حضور ﷺ دی
 اوتھے تے بایزید جے وی دم نہ مار دے
 کتھے ظہوری کتھے گدائی حضور ﷺ دی!
 صَلَّى اللهُ عَلَى النَّبِيِّ الْأَمِيِّ وَالِإِهِ وَبَارِكْ وَسَلِّمْ

ارباب علم و دانش!

آؤ تہاڈی ساعماں نوں معطر کرن لئی نعت رسول مقبول ﷺ پیش کرن
دی سعادت حاصل کرن گے خوبصورت آواز دے مالک ثناخوان ضیاء نعت
اکیڈمی دے ہونہار طالب علم میری مراد جناب یاسر امجد ضیائی صاحب
نیں..... آواک بلند آواز نعرہ لگا کے استقبال کریئے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ

جناب یاسر امجد ضیائی صاحب خوبصورت آواز اور خوبصورت انداز وچ
نعت رسول مقبول ﷺ پیش فرمائے سن..... اللہ پاک آپ دی آواز وچ
گداز وچ برکتاں عطا فرماوے..... تے سانوں ساریاں نوں عشق مصطفیٰ
کریم ﷺ دی دولت نصیب فرمائے
ارباب علم و دانش!

جناب یاسر امجد ضیائی صاحب مدینہ پاک دی حاضری دی دعا اور التجا
فرمائے سن..... اللہ پاک سانوں ساریاں نوں مدینہ پاک دی باادب
حاضری نصیب فرمائے..... آپ دی ترجمانی کر دے ہوئے میں اپنے
اقتباسات وچوں کچھ جملے پیش کراں گا..... محبت نال سماعت فرماؤ..... تے
اپنے ایمان نوں تازہ کرو..... جیہڑی گل اچھی لگے سبحان اللہ و طالب
رہواں گا!

الحاج محمد علی ظہوری قصوری رحمۃ اللہ علیہ فرماتے ہیں..... کہ:

نہ نیر وگایاں بندی اے

نہ ڈکھڑے سنایاں بندی اے

اللہ دیا سوہنیا محبوبا

گل تیرے بنایاں بندی اے

محشر وچ سارے رو رو کے

محبوب خدا نون آکھن گے

اج بگڑی قسمت ساریاں وا

سرکار دے آیاں بندی اے

طیبہ دے سفر دے راہیاں نون

بھل جان نظارے دنیا دے

اکھیاں دی عید تے روضے وا

دیداز کرایاں بندی اے

شہیر رحمۃ اللہ علیہ دے خون نے کربل دی

مٹی نون ایہہ فرمایا سی

حق سچ دی عزت سجدے وچ

اج سیس کٹایا بندی اے

اس رنگ برنگی دنیا تے
 کدرے نہ ہور نظر آوے
 جیہڑی رونق کملی والے دے
 دربار تے جایاں بندی اے

جس دن دا ظہور تھی ویکھ لیا
 دربار محمد ﷺ عربی دا
 دل وچ تصویر مدینے دی
 ہن نعت سنایاں بندی اے

صَلَّى اللَّهُ عَلَى النَّبِيِّ الْأَمِيِّ وَاللَّهِ وَبَارِكْ وَسَلِّمْ

ارب علم و دانش!

نعت رسول مقبول ﷺ پیش کرن لئی بصد احترام گزارش کرناواں
 خوبصورت آواز دے مالک، ثناخوان ساڈی مرکزی محافل دی جان و شان
 جناب عثمان عبید قادری صاحب نوں..... آؤ محبت بھرا نعرہ لگا کے استقبال
 کریئے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ

جناب عثمان عبید قادری بھائی کریم آقاوے حضور گل دستہ نعت پیش فرما

رئے سن..... اللہ پاک ایناں دی آواز وچ تے گداز وچ برکتاں عطاء
فرمائے

جناب عثمان بھائی ذکر اہلبیت فرمائے سن..... اللہ پاک سارنوں
ساریاں نوں حب اہلبیت نصیب فرمائے:
ارباب علم و دانش!

کریم آقا ﷺ دا محبت بھرا فرمان سنو! تے اپنے ایمان نوں تازہ
کرو..... میرے تے تہاڈے سوہنے مدنی منٹھار نبی ﷺ نے ارشاد فرمایا:

إِنَّ الْحَسَنَ وَالْحُسَيْنَ سَيِّدَ أَشْبَابِ أَهْلِ الْجَنَّةِ
”بے شک حسن و حسین جنتی جواناں دے سردار نیں“

سارے محبت نال آکھو..... سبحان اللہ

فیر پوری توجہ نال سنو! میرے قیمتی جملے ضائع نہ کرنا..... کہ:

حسین ادیب الحقیقت اے

حسین نسبت نبوت اے

حسین ادیب سخاوت اے

حسین تاجدار ولایت اے

حسین اسلام دی شان اے

حسین مومن دی آن اے

حسین حق دا ترجمان اے

حسین صاحب ایقان اے

حسین اصل ایقان اے

حسین صاحب ایمان اے

حسین رحمت دا سائبان

حسین بخشش دا سامان اے

حسین جنت دا سلطان اے

سلطان العارفین حضرت سلطان باہو رحمۃ اللہ علیہ فرماتے ہیں:

جے کر دین وچ علم دے ہندا

تے سر نیزے کیوں چڑھدے ہو

جے کر مندے بیعت رسولی

تے تنبو خیمے کیوں سرھدے ہو

اٹھارہ ہزار جو عالم آیا

سراگے حسین رضی اللہ عنہ دے دھردے ہو

صادق دین اونان دا باہو

جیہڑے سر قربانی کردے ہو

اور!

مزرہ جو رب وی نماز وچ اے

نہ سوز وچ اے نہ ساز وچ اے

حسین رضی اللہ عنہ دسیا سی رب دی منشاء

نہ نماز وچ اے نہ نیاز وچ اے

سلام پھیرن توں بعد ناصر

نماز سب دی ہے پوری ہندی

حسین رضی اللہ عنہ سجدے چہ سر کٹایا!

حسین رضی اللہ عنہ اچ وی نماز وچ اے

صَلَّى اللَّهُ عَلَى النَّبِيِّ الْأُمِّيِّ وَالِإِلهِ وَبَارِكْ وَسَلِّمْ

ارباب علم و دانش!

نعت رسول مقبول ﷺ پیش کرن واسطے میں بصد احترام گزارش کرناواں آج دی محفل دے آخری ثنا خواں مہمان ثنا خوان الحمد للہ ساڈی مرکزی محافل دی جان تے شان خوبصورت آواز اور منفرد انداز دے مالک ثنا خواں میری مراد جناب الحاج محمد آصف چشتی برادران میں۔

آوایناں واسطے محبت بھر نعرہ لگا کے استقبال کریئے:

نعرہ تکبیر نعرہ رسالت نعرہ حیدری نعرہ غوثیہ

ماشاء اللہ جزاک اللہ

آصف چشتی بھائی آقا ﷺ دے حضور گلدستہ عقیدت پیش فرمائے سن اور اپنے معروف کلام ”من کنت مولاً“ تے آپ نے اختتام کیتا

اور الحمد للہ آخروچ مینوں ایک ایسی ہستی نوں دعوت سخن دینی اے جو الحمد للہ
 وئی کامل اور شیخ کامل نے سرزمین مخدوم پور شریف چکوال توں ساڈے
 سراں دے تاج آل نبی..... اولاد علی..... حضور سیدی و مرشدی پیر سید محمود
 الحسن شاہ صاحب خاکن المعروف پیر مستوار قلندر سرکار دامت برکاتہم العالیہ
 آپ سرکار تشریف فرمائیں اور ایک نعرہ دا جواب دیوتے میں مائیک حضور
 والا شان دی خدمت اقدس وچ پیش کراں گا:

میرے آقا ﷺ نے فرمایا

”انا مدینة العلم و علی بابها“

میں علم دا شہرواں اور علی اوہ داروازہ اے

آؤ نعرہ بلند کریے!

پنجابی و اشاعر لکھدا اے:

ساڈا سنیاں دا بندا اے حق بوتہ

یوم علی مناوناں چائیدا اے

علی رضی اللہ عنہ علی رضی اللہ عنہ دا ہووے ورد جتھے

اوتھے چل کے جاونا چائیدا اے

مولا علی رضی اللہ عنہ دے ویریاں توں ناصر

اپنا آپ بچاونا چائیدا اے

منکر علی رضی اللہ عنہ دا جتھے نظر آوے

نعرہ علی رضی اللہ عنہ دا لاونا چائیدا اے

تمام احباب ہتھوں ہتھوں بلند کر لوو..... تے اکھاں نوں بند کر لوو
..... ولاں نوں نیاز مند کر لوو

اور تساں ساریاں نے کہنا اے علی رضی اللہ عنہ علی رضی اللہ عنہ

دم مست قلندر علی علی

میرے دل دے اندر علی علی

تیرے دل دے اندر علی علی

میری نس نس بولے علی علی

میری روح پکارے علی علی

بخشش دا جوہر علی علی

زاہرہ دا شوہر علی علی

حسین دا بابا علی علی

صدیق دا نعرہ علی علی

صداقت بولے علی علی

عمر دا نعرہ علی علی

عدالت بولے علی علی

عثمان دا نعرہ علی علی

سخاوت بولے علی علی

علی دا نعرہ علی علی

شجاعت بولے علیٰ علیٰ

جنت دی چابی علیٰ علیٰ

ذرا تھام لے پیارے علیٰ علیٰ

میرے مولا علی وا علیٰ علیٰ

توں نام لے پیارے علیٰ علیٰ

اک منگتا آیا علیٰ علیٰ

او کہن رگا سی علیٰ علیٰ

مینیوں کچھ لگی اے علیٰ علیٰ

میرے مولا بولے علیٰ علیٰ

ایٹوں روٹی دے دو علیٰ علیٰ

اوہ قنبر بولا علیٰ علیٰ

اے میرے مولا علیٰ علیٰ

سب کچھ رکھیا اے علیٰ علیٰ

صندوق دے اندر علیٰ علیٰ

میرے مولا بولے علیٰ علیٰ

صندوق ہی دے دے علیٰ علیٰ

اوہ قنبر بولا علیٰ علیٰ

اے میرے مولا علیٰ علیٰ

سب کچھ رکھیا اے علیٰ علیٰ
 صندوق دے اندر علیٰ علیٰ
 صندوق پیا اے علیٰ علیٰ
 اوہ اونٹ دے اوپر علیٰ علیٰ
 میرے مولا بولے علیٰ علیٰ
 چل اونٹ ہی دے دے علیٰ علیٰ
 او قنبر بولا! علیٰ علیٰ
 اے میرے مولا علیٰ علیٰ
 سب کچھ رکھیا اے علیٰ علیٰ
 صندوق دے اندر علیٰ علیٰ
 صندوق پیا اے علیٰ علیٰ
 اوہ اونٹ دے اوپر علیٰ علیٰ
 اور اونٹ کھڑا اے علیٰ علیٰ
 قطار دے اندر علیٰ علیٰ
 میرے مولا بولے علیٰ علیٰ
 قطار ہی دے دے علیٰ علیٰ
 قطار ہی دے دے علیٰ علیٰ
 قطار ہی دے دے علیٰ علیٰ

اور بڑی توجہ نال سنو..... منگتے وی جھولی بھر گئی تے اوہنے دعا دتی.....
سب ایس دعا وچ شامل ہو جاؤ..... ہتھاں نوں بلند کرو..... منگتے نے صدا
دتی..... کہ:

جیوے جیوے..... علیٰ علیٰ

تیرا شبر رَضِيَ اللهُ عَنْهُ جیوے..... علیٰ علیٰ

شبیر رَضِيَ اللهُ عَنْهُ وی جیوے..... علیٰ علیٰ

تیرا عون رَضِيَ اللهُ عَنْهُ وی جیوے..... علیٰ علیٰ

محمد رَضِيَ اللهُ عَنْهُ جیوے..... علیٰ علیٰ

تیرا اصغر رَضِيَ اللهُ عَنْهُ جیوے..... علیٰ علیٰ

تیرا اکبر رَضِيَ اللهُ عَنْهُ جیوے..... علیٰ علیٰ

تیری زہراء جیوے..... علیٰ علیٰ

ذرا پیار سے بولو..... علیٰ علیٰ

ذرا جھوم کے بولو..... علیٰ علیٰ

لب چوم کے بولو..... علیٰ علیٰ

پنج نعرے پنجتنی..... سوا لکھ نعرہ حیدری

صَلَّى اللهُ عَلَى النَّبِيِّ الْأَمِيِّ وَاللَّهِ وَبَارِكْ وَسَلِّمْ

ارباب علم و دانش:

انتظار دیاں گھڑیاں ختم آج دی محفل دا آخری خطاب پیش کرن
 لگاواں..... بعد احترام گزارش کرناواں پیر کابل، شیخ کابل..... ولی ابن
 ولی..... آل نبی اولاد علی..... زموز معرفت و طریقت توں آشنا..... سیدی
 مرشدی..... حضور پیر سید محمود الحسن شاہ صاحب خاکی المعروف پیر مستوار
 قلندر لچپال آپ سرکاری خدمت وچ عرض کرناواں آپ اپنے ملفوظات
 نال ساڈے سینے روشن فرماؤ

آؤ محبت بھرا نعرہ لگا کے استقبال کریے

نعرہ تکبیر..... نعرہ رسالت..... نعرہ حیدری..... نعرہ غوثیہ

دما دم قلندر خاکی شاہ

پھر آیا دور قلندر کا

پھر مچ گیا شور قلندر کا

میرے دل وچ راج قلندر کا

میرے سر پہ تاج قلندر کا

میری پشت پہ ہاتھ قلندر کا

نعرہ حیدری..... یا علی رضی اللہ عنہ

صَلَّى اللهُ عَلَى النَّبِيِّ الْأُمِّيِّ وَالْإِلهِ وَبَارِكْ وَسَلِّمْ

کدوں مکے گا قسمت دا ہنیرا

کدوں مکے گا قسمت دا ہنیرا یا رسول اللہ ﷺ
 جے آ جاؤ تے ہو جاوے سویرا یا رسول اللہ ﷺ
 سناواں کس نوں غم اپنا میں تیرے باہجھ محبوبا
 ناں ہے تیرے سوا کوئی وی میرا یا رسول اللہ ﷺ
 میری ککھاں دی کلی غیرت افلاک ہو جاوے
 تساڈا اک پے جاوے جے پھیرا یا رسول اللہ ﷺ
 چمن امید دا ویران ای کدھرے نہ ہو جاوے
 خزاواں کر رہیاں نے تنگ گھیرا یا رسول اللہ ﷺ
 گدا اوہ بادشاہواں دے وی اتے راج کردا اے
 جنہوں مل جاوندا دربار تیرا یا رسول اللہ ﷺ
 تیری عظمت دے جھنڈے جھنڈے نیں لامکاناں تے
 علم تیرا اے عرشاں توں اچیرا یا رسول اللہ ﷺ
 کرم تیرے نے رکھیا اے بھرم صائم دا ہر ویلے
 میں چکیا بھار جرماں دا پتھیرا یا رسول اللہ ﷺ

نقابت نمبر ۲

بِسْمِ اللّٰهِ الرَّحْمٰنِ الرَّحِیْمِ

نَحْمَدُهُ وَنُصَلِّي وَنُسَلِّمُ عَلٰی رَسُوْلِهِ الْكَرِیْمِ

اَمَّا بَعْدُ

فَاعُوْذِبُ بِاللّٰهِ مِنَ الشَّيْطٰنِ الرَّجِیْمِ

بِسْمِ اللّٰهِ الرَّحْمٰنِ الرَّحِیْمِ

قَالَ اللّٰهُ تَعَالٰی فِی الْقُرْاٰنِ الْمَجِیْدِ وَالْفُرْقٰنِ الْحَمِیْدِ

اِنَّ اللّٰهَ وَمَلَائِكَتَهُ یُصَلُّوْنَ عَلٰی النَّبِیِّ یٰ اَیُّهَا الَّذِیْنَ

اٰمَنُوْا صَلُّوْا عَلَیْهِ وَسَلِّمُوْا تَسْلِیْمًا

الصَّلٰوَةُ وَالسَّلَامُ عَلَیْكَ یَا سَیِّدِیْ یَا رَسُوْلَ اللّٰهِ

وَعَلٰی اٰلِكَ وَاَصْحَابِكَ یَا سَیِّدِیْ یَا حَبِیْبَ اللّٰهِ

الصَّلٰوَةُ وَالسَّلَامُ عَلَیْكَ یَا سَیِّدِیْ یَا رَحِیْمَةَ الْعٰلَمِیْنَ

الصَّلٰوَةُ وَالسَّلَامُ عَلَیْكَ یَا سَیِّدِیْ یَا شَفِیْعَ الْمُنٰدِیْنَ

عزیز دوستو! نوجوان ساتھیو! بچو اور بزرگو!

پر وہ نشین میری ماؤں، بہنوتے بیٹیو!

السلام علیکم ورحمۃ اللہ وبرکاتہ!

اللہ رب کائنات واکثر وژہا احسان اسے کہ مالک کائنات نے سانوں

اپنی یاد و موقعہ عطا فرمایا..... الحمد للہ ہر سال دی طرح آج وی مدنی میلاد کمیٹی دے زیر انتظام اک عظیم الشان محفل میلاد مصطفیٰ کریم ﷺ و انعقاد کیتا گیا اے..... اور سرکار دی آمد دے حوالے نال پورا مین بازار مدینہ کالونی سجایا گیا اے..... الحمد للہ آج وی پروقارتے بابرکت محفل دے اندر 3 عمرے دے ٹکٹ دا انتظام بذریعہ قرعہ اندازی کیتا گیا اے اور بہت سارے مدنی تحائف دا انتظام اے..... اتنی خوبصورت محفل دی سجاوٹ لئی مدنی میلاد کمیٹی مین بازار مدینہ کالونی باغبانپورہ دے سبھی مصطفوی نوجواناں نوں مبارک باد پیش کرناواں..... اللہ پاک ساڈی ساریاں دی حاضری اپنی بلند و عظیم بارگاہ وچ قبول و منظور فرمائے اور کریم آقا ﷺ دی ولادت مقدسہ دی خوشی اندر ساڈے سب دے صغیرہ کبیرہ گناہ معاف فرمائے۔

ارباب علم و دانش!

حمد باری تعالیٰ نال اپنی نقابت دا آغاز کرناواں..... محبت نال سماعت فرماؤ..... جیہڑی گل اچھی لگے تے تساں ساریاں نے محبت نال کہنا اے

سبحان اللہ

قبلہ سیدنا صر شاہ صاحب فرماندے نیں:

خدا میرا نیندر تے سستی تو پاک اے

اوہ ہے وحدہ اوہ ازل توں پاک اے

نہ اکدا نہ تھکدا نہ ہندا بیمار اے
اوہ اونگن توں پاک پروردگار اے

نہ دشمنی دے کدی روگ پالے!
نہ کوئی رقیب اس دے آلے دوالے

نہ کھاوے نہ پیوے نہ محتاج بھک دا
نہ ڈیرہ اوہدے کول تنگی تے دکھ دا

اوہدے نیڑے آوے نہ سردی نہ گرمی
نہ خشکی نہ بادی نہ سختی نہ نرمی

سنے نہ ای گانے نہ اوہ شعر پڑھدا
نہ نظماں نہ غزلاں دی پوڑھی اوہ چڑھدا

نہ اوہ امتحاناں دی تیاری کردا
نہ شہراں چے جا کے خریداری کردا

نہ اوہ ڈپو کھنڈاں دے تقسیم کردا
 نہ اوہ بادشاواں دی تعظیم کردا

نہ بچہ نہ بڈھا نہ اوہ نوجوان اے
 نہ اوہ باڈی بلڈر نہ اوہ پہلوان اے

نہ کھیتی نہ باڑی نہ ڈنگراں دا رولا
 جے ہے تے اوہ ہے کل عالم دا مولا

نہ ای اوہنوں کھاون تے پیون دا شوق اے
 نہ ای اوہنوں رن مینوں دا شوق اے

نہ غور و تفکر نہ تقریر کردا
 نہ توونے نہ پوچے نہ تحریر کردا

نہ ہتھ نال کوئی کم کردی آپ کردا
 اوہدے حکم دا ہر فرشتہ اے در دا

نہ کلمہ تلاوت نمازاں او پڑھدا
نہ کسے دے ہجر وچ روندنا نہ سڑ دا

نہ اولاد شادی نہ کوئی اس دا جی اے
تے فیر مینوں دسو خدا کردا کی اے

لوکو! اوہدی سوں اس اوہنوں کوئی وی غم نہیں
سوا ایس دے ناصر کوئی ہور کم نہیں

ایہو حرف آخر ایہو اختتام اے
او سوہنے محمد ﷺ تے پڑھدا سلام اے

اور!

ہے احسان ساڈے تے رب العالی دا
جہاناں دے مالک تے خلق خدا دا

نہ ہے مثل جس دی نہ ہے جس دا بھائی
نہ ماں باپ جس دے نہ بچے زنانی

نہ ہے جس دا سانجھی نہ ہے جس دا ہمسر
اوہ اُچیاں توں اُچا اوہ برتر توں برتر

اوہ عیبوں تے نقصوں منزہ مبرہ!
بناں حکم اُسدے نہ ہن سکدا ذرہ

اوہ خالق تے مالک مکین و مکان دا
اوہ پتھر وچ کیڑے نوں روزی پچاندا

اوہدی ذات ازلی قدیم اے قدیموں
اوہدی ذات ارفع عظیم اے عظیموں

اوہ ظاہر تے باطن اوہ اول تے آخر
ہے اوسے دے نوروں زمانہ منور!

کوئی باہجھ اہن دے نہیں ہور اللہ
اوہ کلا سی پہلوں تے ہن وی اے کلا

کے نال رشتے ناں ناٹھ اے اُس دا
تے ہر شے تے کلی احاطہ اے اُس دا

اوہدی ذات اندر نشانِ خطا نہیں
اوہدی ذات اندر گمانِ خطا نہیں
صَلَّى اللهُ عَلَى النَّبِيِّ الْأُمِّيِّ وَاللَّهِ وَبَارِكْ وَسَلِّمْ
اربابِ علم و دانش!

تلاوتِ کلامِ پاک پیش کرن واسطے ایک ایسے قاری قرآن نوں
تہاڈی سماعتیں دی نظر کرن لگاواں جو الحمد للہ خوبصورت اور منفرد
انداز دے مالک..... قاری قرآن نہیں..... ساڈی مرکزی محافل دی
آن و شان..... فخر القراء، نجم القراء، شمس القراء جناب قاری اشفاق
علی قادری صاحب..... اُو سارے احبابِ محبت بھرا نعرہ لگا کے
استقبال کریے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ

تلاوتِ کلامِ پاک پیش فرما رے سن جناب قاری اشفاق علی
قادری صاحب..... اللہ پاک آپ دی آواز وچ تے گداز وچ برکتاں
عطا فرماوے..... تے سانوں ساریاں نوں قرآن دی محبت و نسبت

نصیب فرمائے۔

ارباب علم و دانش!

ایس قرآن دی عظمت و شان جو پچھنی اے تے مولا حسین
لجپال توں پچھو..... کتنی محبت اے مولا حسین لجپال نوں قرآن
دے نال

بڑی توجہ نال سماعت کرو تے اپنے ایمان نوں تازہ کرو..... مولا حسین
لجپال فاطمہ الزہراء رضی اللہ عنہا دی گود اندر پرورش پائے نہیں..... اوہ ماں کیسی
ماں اے..... بڑی محبت نال سماعت کرو

اوہ عظیم ماں صبح و شام قرآن دی تلاوت کردی اے

صبح نوں قرآن پڑھدی اے

دوپہر نوں قرآن پڑھدی اے

رات نوں قرآن پڑھدی اے

آٹا گن دی اے تے قرآن پڑھدی اے

روٹیاں پکاندی اے تے قرآن پڑھدی اے

بچیاں نوں کھلاندی اے تے قرآن پڑھدی اے

بچیاں نوں سلانندی اے تے قرآن پڑھدی اے

بچیاں نوں جگانندی اے تے قرآن پڑھدی اے

سلائی کر دی اے تے قرآن پڑھدی اے
 کٹائی کر دی اے تے قرآن پڑھدی اے
 اک دن مولا حسین لہجپال اماں جان دی بارگاہ وچ عرض کر دے نیں:
 اماں جان!

کتنی محبت اے تہانوں قرآن دے نال
 صبح و شام قرآن دی تلاوت کر دے او
 ہر پہلو..... ہر لمحہ..... ہر ساعت قرآن دی تلاوت کر دے اوہ:
 اماں جان!

اک دن ایسا آوے گا
 تہاڈے قرآن پڑھن دا حق ادا کر جاواں گا
 سیدہ فاطمہ فرماندیاں نیں
 بیٹا حسین!

میرے قرآن پڑھن دا حق تسی کیوں ادا کرو گے
 مولا حسین لہجپال عرض کر دے نیں:

اماں جان! حق ایس طرح ادا کراں گا..... کہ:

سجدہ زمیں تے کر جاواں گا
 قرآن نیزے دی نوک تے پڑھ جاواں گا
 حضور سلطان العاشقین، برہان الواصلین، امام العاشقین، سلطان

العارفین، سلطان باہو رحمۃ اللہ علیہ فرماندے ہیں

جیکر دین وچ علم دے ہندا

تے سر نیزے کیوں چڑھدے ہو

جیکر کندے بیعت رسولی

تے تنبو خیمے کیوں سر دے ہو

اٹھارہ ہزار جو عالم آیا

سراگے حسین رضی اللہ عنہ دے دھر دے ہو

صادق دین اوناں دا باہو

چیڑے سر قربانی کر دے ہو

صَلَّى اللهُ عَلَى النَّبِيِّ الْأُمِّيِّ وَالْإِبْرَاهِيمَ وَبَارَكْ وَسَلِّمْ

ارباب علم و دانش!

بارگاہ رسالت مآب صلی اللہ علیہ وسلم اندر ہدیہ نعت پیش کرن لئی انتہائی ادب و

احترام نال گزارش کرناواں جناب حافظ محمد عاصم حسین منہاس صاحب نوں

کہ آپ تشریف لیان اور نعت رسول مقبول صلی اللہ علیہ وسلم دا نذرانہ پیش فرمان!

آؤ بلند آواز نال نعرہ لگا کے استقبال کریے!

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ

جناب حافظ عاصم حسین منہاس صاحب آمد مصطفیٰ کریم صلی اللہ علیہ وسلم دا ذکر فرما

رئے سن..... اللہ پاک جناب دی آواز وچ تے گداز وچ برکتاں عطا
فرمائے..... آؤ میلادِ مصطفیٰ کریم ﷺ دا ذکر کرنا واں..... شیہری گل تہانوں
اچھی لگے سبحان اللہ واطالب رواں گا..... محبت نال سماعت فرماؤ
الحمد للہ سرکار دی آمد دا وقت قریب اے..... پوری کائنات خوشیاں
دے نغمے سنارئی اے..... اور کائنات دا ذرہ ذرہ میرے مدنی آقادی آمد دا
اعلان کر رہیا اے..... آؤ حروفِ تہجی دے نال سرکار دو جہاں ﷺ دی آمد دا
اعلان کریئے!

محبت اور توجہ نال سماعت فرماؤ!

الف کہندا اے..... امام کائنات آ گئے
ب کہندا اے..... باعثِ تخلیق کائنات آ گئے
ت کہندا اے..... تاجدار کائنات آ گئے
ث کہندا اے..... ثروت کائنات آ گئے
ج کہندا اے..... جان کائنات آ گئے
ح کہندا اے..... حسن کائنات آ گئے
خ کہندا اے..... خسرو اکائنات آ گئے
د کہندی اے..... دانائے کائنات آ گئے
ذ کہندی اے..... ذوق کائنات آ گئے
ر کہندا اے..... رحیم کائنات آ گئے

ز کہندا اے زینت کائنات آ گئے
 س کہندی اے سرور کائنات آ گئے
 ش کہندی اے شفقت کائنات آ گئے
 ص کہندا اے صدر کائنات آ گئے
 ض کہندا اے ضیائے کائنات آ گئے
 ط کہندا اے طیب کائنات آ گئے
 ظ کہندا اے ظرف کائنات آ گئے
 ع کہندا اے عین کائنات آ گئے
 غ کہندا اے غایت کائنات آ گئے
 ف کہندا اے فیاض کائنات آ گئے
 ق کہندا اے قلب کائنات آ گئے

دوستو! بڑی توجہ نال سماعت فرماؤ..... میرے جملے قیمتی نہیں..... ضائع

نہ کرنا:

ق کہندا اے قلب کائنات آ گئے
 ل کہندا اے لاریب کائنات آ گئے
 ن کہندا اے نور کائنات ہو گئے
 م کہندی اے محبوب کائنات آ گئے
 و کہندی اے وارث کائنات آ گئے

دوستو! بڑی توجہ نال سماعت فرماؤ..... جدوں آخری حرف یا ءدی واری

آئی تے یا ءداسینہ شق ہو یا..... تے آواز آئی

يَا رَسُولَ اللَّهِ اُنْظُرْ حَالَنَا
يَا حَبِيبَ اللَّهِ اِسْمِعْ قَالَنَا

اور!

یا رسول اللہ تہاڈ ور دی فضاواں نوں سلام

گنبد خضریٰ دی ٹھنڈی ٹھنڈی چھاواں نوں سلام

اور کوٹ مٹھن شریف دے تاجدار خواجہ غلام فرید فرماندے نیں:

بن دلبر شکل جہان آیا

ہر صورت عین عیان آیا

کتھے آدم تے کتھے شیث نبی

کتھے نوح کتھے طوفان آیا

کتھے ابراہیم خلیل نبی

کتھے یوسف وچ کنعان آیا

ایوبکر، عمر، عثمان کتھان

کتھے اسد اللہ ویشان آیا

کتھے حن و حسین شہید بنے

کتھے مرشد فخر جہان آیا

صَلَّى اللهُ عَلَى النَّبِيِّ الْأَمِيِّ وَالِإِهِ وَبَارِكْ وَسَلِّمْ
ارباب علم و دانش!

تہاڈی ساعتاں نوں معطر کرن واسطے شہر لاہور دی ایک
 خوبصورت آواز تہاڈی سماعت دی نظر کرناواں..... میری مراد
 خوبصورت اور منفرد انداز دے مالک ثنا خواں..... الحمد للہ ساڈی
 مرکزی محافل دی جان و شان..... میری مراد جناب محترم عظیم قادری
 صاحب نیں

آؤ بلند آواز نال نعرہ لگا کے استقبال کریئے

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ

جناب عظیم قادری صاحب خوبصورت کلام پیش فرمائے سن..... اللہ
 پاک ایناں دی آواز وچ تے گداز وچ برکتاں دا نزول فرمائے..... نسبت دا
 کلام پیش کیتا جناب عظیم قادری بھائی نیں..... اللہ پاک ساڈیاں سب
 دیاں نسبتاں سلامت رکھے!

الحمد للہ نسبت والے لوگ موجود نیں..... نسبت دا کلام پیش
 کراں گا..... جیہڑا جیہڑا منسوب اے اوہ اپنے مرشد دا تصور رکھ کے کلام
 سنے..... میں اپنے شاہادا تصور کرناواں..... جام وحدت و مائے ظہور دا ذکر
 اے..... محبت نال سماعت فرماؤ!..... کہ:

اٹھ مے کشا وکھ لے رونقاں نوں
میخانے تے گھٹا چھائی ہوئی اے

ٹھنڈی ٹھنڈی ہوا پئی لوگدی اے
رُت پین دی سجاں آئی ہوئی اے

اج ساقی دی بھر بھر لٹاوند اے
جیویں اینوں وی کسے پلائی ہوئی اے

توں وی پی کے مست است ہو جا
اینوں پی کے مست خدائی ہوئی اے

اے سک تے جوواں دی بنی ہوئی میں
نہ انگوراں دے وچوں کھچائی ہوئی اے

جیویں بنی ہوئی اے ایوی دس دیناواں
ایوی دساں گا جنھے بنائی ہوئی اے

اے پھل نچوڑ کے رحمتاں دے
کوزے بے خودی وچ پائی ہوئی اے

ذکر فکر دا جز ملا کے تے
ساقی پٹھ توحید دی لائی ہوئی اے

عرق دان لے کے ساقی وحدتاں دا
اے بوند تے بوند کھچائی ہوئی اے

مٹھی مٹھی عشق دی آگ اُتے
بڑے پیار دے نال پکائی ہوئی اے

نکے پاک دی منگائی ہوئی اے
اُتے مہر مدینے دی لائی ہوئی اے

لبہدے گنج تے گنج بغداد اندر
ہر اک نون جتھوں سپلائی ہوئی اے

ٹھیکیدار اجمیر دے وچ ریندا
جنھے دھوم زمانے وچ پائی ہوئی اے

پاکپتن دے سوہنے فرید ساقی
ہتھ زہد تے مینا اٹھائی ہوئی اے

پا کے صبر دیاں بوتلاں وچ صابر
اُتے مہر صبر دی لائی ہوئی اے

وچ گولڑے سوہنے مہر جی نے
خود پی کے خلقت رجائی ہوئی اے

ایہدے چشم خاص لاہور اندر
داتا پاک دی جلوہ نمائی ہوئی اے

علی پور والے پی کے پڑ ہو گئے
نقشبندیاں نے عید منائی ہوئی اے

جیہڑا آوندا اے پیندا جاوندا اے
 پین والیاں نے انی پائی ہوئی اے
 اوہنوں اصغرا دوزخاں دا خوف کیہ اے
 جنہوں سوہنے نے ہتھی پلائی ہوئی اے
 صَلَّى اللهُ عَلَى النَّبِيِّ الْاَمِيِّ وَالِلهِ وَبَارِكْ وَسَلِّمْ
ازباب علم و دانش!

بارگاہ رسالت مآب ﷺ دے اندر ہدیہ گزاری کرن دی سعادت حاصل
 کرن گے جناب چھوٹی عمر اے..... اور بڑا نام و شہرت حاصل کر چکے نیں
 خوبصورت اور منفرد انداز دے مالک ثنا خواں جناب محمد عرفان عارفی صاحب
 آؤ سارے احباب محبت بھرا نعرہ لگا کے استقبال کریئے:
 نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ

جناب محمد عرفان عارفی صاحب ہدیہ عقیدت پیش فرما رہے سن..... اللہ
 آپ دی آواز اور گداز اندر برکتاں پیدا فرمائے
 جناب محمد عرفان عارفی بھائی ہجر پیش فرما رہے سن..... دعا اے جتاں
 دی لگی اے اللہ اوہنوں توڑ چڑھائے..... جہاں دی نہیں لگی..... اوہناں
 نوں توفیق عطاء فرمائے

محبت نال سماعت فرماؤ..... عارفانہ کلام پیش کراں گا..... اللہ
پاک ساڈی سب دی نسبت سلامت رکھے..... تسنی سارے آکھو.....
(آمین)

کیونکہ:

پتہ لگدا میں کدوں لگ جاو
ایناں اکھیاں دا اعتبار کیہ اے
ایتھے عقل حیران نہ سمجھ سکے
ہندا عشق دا یارو خمار کیہ اے
یار دی سارتے یار جانن!
انّا کیہ جانے ہندا یار کیہ اے
دل والا دیوانیہ جاندا اے
ہندا دل کیہ اے دلدار کیہ اے

اور کوٹ مٹھن شریف دے بادشاہ خواجہ غلام فرید رحمۃ اللہ علیہ کیہ خوب
فرماندے نیں:

کوٹھے تے چڑھ ویکھ فریدا
گھر گھر لگی آگ اے
تو سمجھیا ہک میں لٹی
پر لٹیا سارا جگ اے

اور!

عشق لگا کھیڈاں کھیڈ دی نوں
 تے میں کھیڈ دے کھیڈ دے بھل گئی آں
 کجل پایا سی یار دے دیکھنے لئی
 تے میں روندیاں روندیاں ڈل گئی آں
 میری شیشی سی عطر پر ایہ والی
 تے میں ویکھدے ویکھدے کھل گئی آں
 غلام فریدا کلی میں نہ رلی
 کئی رلیدیاں رلیدیاں رل گھیاں

اور!

اکھیاں لڑیاں تے زور دیہاڑے لڑیاں
 تے جس دن دیاں لڑیاں چھڈ گھیاں سب اڑیاں
 آتے جے نہ چھڈن اڑیاں
 تے فیر سمجھ نیوں لڑیاں
 پر ایناں اکھیاں دا توں نہ مان کریں
 اتھے رہ سکیاں بڑیاں بڑیاں
 غلام فریدا اوکا دیاں اکھیاں
 جیہڑیاں لڑیاں تے طور نہ چڑھیاں

اور!

ہک واری لنگھ آتوں ساڈی جاتے
 داریاں کریاں میں سکاں لیہا تے

پھل پان وصری الاچیاں منگیساں
 عطر گلاباں تھیں مل مل دھویاں
 کنگھی کریاں تے مہندی لویاں
 کول بہیساں میں دولہا بناتے

خدمتاں کریاں چساں ادھاراں
 کدی بھکھ نہ دیاں دیاں ہزاراں
 ایویں کوڑیاں جباں کیوں پیا ماراں
 خود ویکھ گھنوں تاں آپے آتے

شملے دیاں سوٹیاں تے جے پردے چیرے
 لکھ، لعل، نیلم، تے پکھراج ہیرے!
 انج تے غریب آن پر دل تاں امیراے
 جو چیز دیاں میں دیاں رجاتے

زوری جے دیسوتے ونبھن نہ دیناں
گل پکے پلڑا میں منتاں کریاں
آپے چلیسو کدی نہ اٹھیاں!
رج رج کے ویساں میں سکاں لیہاتے

ایہو سوال فرید دا من گھن
جند جان کڈھ گھن لٹ مال ودھ گھن
مویاں دیاں خیراں آپے ای چل گھن
دل ٹھار لیاں مٹھاپیں اواتے

صَلَّى اللهُ عَلَى النَّبِيِّ الْأُمِّيِّ وَالْإِلهِ وَبَارِكْ وَسَلِّمْ

ارباب علم و دانش!

ہدیہ نعت پیش کرن واسطے انتہائی ادب و احترام دے نال گزارش کرنا
واں نعت گو شاعر بلبل چمنستان مدینہ جناب محمد ندیم عازمی نقشبندی صاحب
نوں کہ آپ تشریف لیاں اور ہدیہ نعت پیش فرماؤن..... آؤ بلند آواز نال نعرہ
لگا کے استقبال کریئے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ

محفل دے اختتام تے قرعہ اندازی دے ذریعے انشاء اللہ تین خوش

قسمت احباب مہمان مدینہ بن دی سعادت حاصل کرن گے..... اور بہت سارے احباب سرکار دو جہاں ﷺ دے میلاد دی خوشی وچ بذریعہ قرعہ اندازی بہت سارے مدنی تحائف حاصل کرن گے..... اللہ پاک سانوں سب نوں روضہ رسول ﷺ دی بار بار اور باادب حاضری نصیب فرمائے..... اور یقیناً مدنی آقا ﷺ دی بارگاہ دے اندر پہنچ جانا بہت بڑی سعادت دی بات اے..... اور یقیناً کریم آقا..... مدنی آقا..... منٹھار آقا ﷺ اس دنیا تے وی ساڈے نگہبان نہیں..... تے کل قیامت نوں حشر وچ وی نگہبان ہوں گے۔

جہد ایمان اے اوہ محبت نال آکھے..... (سبحان اللہ)

کتنا بے غیرت اے اکیسویں صدی داملاں..... جیہڑا کہندا (اے معاذ اللہ) نبی ﷺ مر کے مٹی ہو گئے
 نبی دے چاہن نال کجھ نہیں ہوندا
 آ میں تینوں کریم آقادی حدیث مبارکہ دا مفہوم سناواں..... بڑی توجہ
 نال سماعت فرماؤ..... تے اپنے ایمان نوں تازہ کرو!

کل جدوں قیامت دا دن ہووے گا
 ہر طرف نفسا نفسی دا عالم ہووے گا
 زمین تانبے دی طرح تپ رنی ہووے گی
 سورج سوا نیزے تے ہووے گا

ہر کوئی العطش ، العطش ، العطش پکارے گا

بیٹا باپ توں دور ہووے گا

بیٹی ماں توں دور ہووے گی

رشتہ دار ساتھ چھڈ جاون گے

ساری مخلوق میدان محشر وچ حاضر ہووے گی

امیر اور غریب وی ہوون گے

وزیر اور سفیر وی ہوون گے

ٹھیکیدار اور جاگیردار وی ہوون گے

پیر اور مرید وی ہوون گے

استاذ اور شاگرد وی ہوون گے

ادنی اور اعلیٰ وی ہوون گے

عالم اور جاہل وی ہوون گے

عالم اور کامل وی ہوون گے

نبی اور امتی وی ہوون گے

ساری مخلوق اکٹھی ہو کے سیدنا آدم علیہ السلام دی بارگاہ وچ حاضر

ہووے گی..... اور عرض کریگی..... ساڈی سفارش فرماؤ..... ارشاد ہووے

گا..... اِذْهَبُوا اِلٰی غَيْبِیْ جاؤ جاؤ کسے ہور دی بارگاہ وچ چلے

جاؤ..... قوم حضرت نوح علیہ السلام دی بارگاہ وچ حاضر ہووے گی..... عرض

کرے گی ساڈی سفارش فرماؤ..... ارشاد ہووے گا اِذْهَبُوا اِلٰی غَيْبِیْ

..... جاؤ جاؤ کسے ہوردی بارگاہ وچ چلے جاؤ..... قوم حضرت موسیٰ علیہ السلام
دی بارگاہ وچ حاضر ہووے گی..... عرض کرے گی ساڈی سفارش فرماؤ.....
ارشاد ہووے گا..... اِذْهَبُوا اِلَيَّ غَيْرِي جاؤ جاؤ کسے ہوردی بارگاہ
وچ چلے جاؤ

قوم حضرت عیسیٰ علیہ السلام دی بارگاہ وچ حاضر ہووے گی.....
عرض کرے گی ساڈی سفارش فرماؤ..... ارشاد ہووے گا..... اِج
سفارش دا اختیار سید الانبیاء دے کول اے..... جاؤ جاؤ..... محمد
عربی ﷺ وادریل لوو

جیدے تے آپ دی نظر ہووے گی

اوبدا بیڑا پار ہووے گا

ارباب علم و دانش!

بڑی توجہ نال سماعت فرماؤ..... میرے جملے قیمتی نیں..... ضائع نہ
کرنا..... میرے تے تہاڈے نبی ﷺ..... بے سہاریاں دے سہارے
نبی ﷺ..... ماڑیاں تے کوہیاں دے آقا نبی ﷺ نوں رب کائنات توں
انج نوازیاجا یگا..... کہ:

ذرا بول میرے حبیب

لب تے کھول میرے حبیب

پکاں تے کیوں آئے نیں اتھرو
اکھاں چہ کیوں جھلملائے نیں اتھرو

ہنے پی کے رکھدیاں اوہناں نوں دلبر
جہاں تینوں دنیا تے مارے سی پتھر

اج جان گے سارے او پھنڈے
جہاں تیری راہواں چہ کھلازے سی کنڈے

میں دوزخ چہ دیاں گا اوہناں نوں دھکے
جہاں تینوں کیتا سی تنگ پارکے

میں سن دا پیاواں کہیا جو وی اوہناں نیں
دس نواسے دا بدلہ توں اج کیویں چاہنا ایں

میرے حبیب توں پریشان کیوں ایں
میںوں علی اصغر دی ہچکی دی سوں ایں

لوان گا میں کربلا دی کہانی دا بدلہ
 تیری آل تے بند پانی دا بدلہ
 اور کریم آقا سجدے توں سزاٹھا کے رب ذوالجلال
 دی بارگاہ وچ عرض کرن گے دیوانیو سنو تے جھوم جاؤ
 کہ!

میرے آقا کہنا ایں محشر دے جج نون
 نبھاواں گا میں اپنی امت دی لج نون

ابو جہل جانے تے توں جان مولا
 انج یزیدیاں دا ربا مکا آپ رولا

نہ بدلے تے خوش نہ سزاواں تے خوش آن
 میرے مولا میں تیریاں عطاواں تے خوش آن

اور اے میرے سوہنیاں ربا!

جے خوش کرنا چاہنا ایں محشر دے قاضی
 جے توں چاہنا ایں یار تیرا انج ہو جاوے راضی

جے تون چاہنا ایں یار تیرا مسکراوے
— اینھاں گناہگاراں نوں ہتھ کوئی نہ لاوے

فیر رب کائنات ولوں ارشاد ہووے گا:

کہ!

کر کے یار نتارے لے جا

خاص الخاص پیارے لے جا

تون ایں میرا چن محبوبا

اپنے نال تون سارے لے جا

صَلَّى اللهُ عَلَى النَّبِيِّ الْأُمِّيِّ وَالْإِهِّ وَبَارِكْ وَسَلِّمْ

ارباب علم و دانش!

آپ دی سماعتاں دی نظر ارج دی محفل دا آخری خطاب کرناواں.....

خطاب تون بعد انشاء اللہ قرعہ اندازی ہووے گی:

بعد احترام گزارش کرناواں..... خوبصورت انداز اور منفرد آواز دے

مالک..... خطیب اسلام..... مقرر شعلہ بیباں..... فصیح اللسان..... شیر

اہلسنت..... سرمایہ اہلسنت..... حضرت علامہ مولانا قاری خلیل احمد نقشبندی

صاحب دامت برکاتہم العالیہ

آؤ جتنا بلند نام اے..... اتنا بلند نعرہ لگا کے استقبال کریے

نعرہ تکبیر..... نعرہ رسالت..... نعرہ حیدری..... نعرہ غوثیہ

(سرکاروی آمد..... مرحبا)..... (دلداروی آمد..... مرحبا)..... (مکی

وی آمد..... مرحبا)..... (مدنی وی آمد..... مرحبا)

(نعرہ رسالت..... نعرہ حیدری)



نقابت نمبر 3

بِسْمِ اللّٰهِ الرَّحْمٰنِ الرَّحِیْمِ

نَحْمَدُكَ وَنُصَلِّیْ وَنُسَلِّمُ عَلٰی رَسُوْلِكَ الْكَرِیْمِ

اَمَّا بَعْدُ

فَاعُوْذِبُ بِاللّٰهِ مِنَ الشَّیْطٰنِ الرَّجِیْمِ

بِسْمِ اللّٰهِ الرَّحْمٰنِ الرَّحِیْمِ

قَالَ اللّٰهُ تَعَالٰی فِی الْقُرْاٰنِ الْمَجِیْدِ وَالْفِرْقَانِ الْحَمِیْدِ

اِنَّ اللّٰهَ وَمَلَائِكَتَهُ یُصَلُّوْنَ عَلَی النَّبِیِّ یٰۤاَیُّهَا الَّذِیْنَ

اٰمَنُوْا صَلُّوْا عَلَیْهِ وَسَلِّمُوْا تَسْلِیْمًا

صَدَقَ اللّٰهُ الْعَظِیْمُ

الصَّلٰوَةُ وَالسَّلَامُ عَلَیْكَ یَا سَیِّدِیْ یَا رَسُوْلَ اللّٰهِ

وَعَلٰی اٰلِکَ وَاَصْحَابِکَ یَا سَیِّدِیْ یَا حَبِیْبَ اللّٰهِ

الصَّلٰوَةُ وَالسَّلَامُ عَلَیْكَ یَا سَیِّدِیْ یَا رَحْمَةَ الْعٰلَمِیْنَ

الصَّلٰوَةُ وَالسَّلَامُ عَلَیْكَ یَا سَیِّدِیْ یَا شَفِیْعَ الْمُنٰدِیْنَ

عزیز دوستو! نوجوان ساتھیو! بچو اور بزرگو!

پردہ نشین میری ماؤں، بہنوتے بیٹیو!

السلام علیکم ورحمۃ اللہ وبرکاتہ!

تمام حمداں تمام تعریفاں تے تمام ثناواں اللہ رب کائنات دی پاک
ذات واسطے نہیں..... تے درود اوہدے پیارے نبی، نبی مکرم، شفیع معظم،
تاجدار ارض و سما، سید الانبیاء، احمد مجتبیٰ، محمد مصطفیٰ ﷺ دی پاک ذات واسطے
نہیں

الحمد للہ! آج دی روحانی، وجدانی تے ایمانی محفل سالانہ عرس مبارک
حضور سیدی، رہبر کامل، شیخ اکمل، ولی اعظم، گنج کرم، مرکز کرم، حضور شہنشاہ
حضور سیدی شاہ عبدالغنی سرکار لچپال دے حوالے نال انعقاد پذیراے.....
اور جتنے بھی احباب آپ سرکار دی نگری وچ تشریف فرما نہیں..... یقیناً
مبارک باد دے مستحق نہیں کہہ سارے الحمد للہ آپ سرکار دی بارگاہ اور نگاہ
وچ موجود اوہ..... اللہ پاک آپ سرکار دی نظر دا فیض سانوں سب نوں
نصیب فرمائے..... اتنی خوبصورت محفل سبحان تے انجمن تاجران باغبانپورہ
دے جملہ اراکین مبارکباد دے مستحق نہیں..... خصوصاً روحانی پیشوا.....
جناب بابا جی مہر محمد طفیل الحسنی و الحسینی سرکار تشریف فرما نہیں..... اللہ پاک
آپ داروہانی سلسلہ جاری و ساری رکھے.....

آؤ ولی کامل دی بارگاہ وچ اسی سب حاضر آں تے ولی کامل دی نگاہ
لینی اے تے بڑی محبت اور توجہ نال سماعت فرماؤ..... تے سبحان اللہ
..... ماشاء اللہ..... الحمد للہ دی تسبیحات داورد زبان تے رکھو.....
انشاء اللہ کرم ہو جاوے گا..... یقیناً اگر ولی دی اک نظر ہو گئی تے سب دا بیڑا

پارہو وے گا۔

ارباب علم و دانش!

میں اپنی نقابت دا آغاز حمد باری تعالیٰ نال کران گا بڑی محبت نال

سماعت فرماؤ..... تے اپنے ایمان نون تازہ کرو!

عارف کھڑی حضرت میاں محمد بخش رحمۃ اللہ علیہ فرماندے نیں:

اول حمد ثناء الہی جو مالک ہر ہر دا

اس دا نام چتارن والا کسے میدان نیں ہر دا

رحمت دا دریا الہی ہر دم وگدا تیرا

جے اک قطرہ بخشے مینوں کم بن جاندا میرا

عدل کریں تے تھر تھر کمین اچیاں شانان والے

فضل کریں تے بخشے جاون میرے جے منہ کالے

اک گناہ میرا ناں پیو دیکھے دیوے دیس نکالا

لکھ گناہ میرا مولا دیکھے پردے پاون والا

مالی دا کم پانی لاؤنا بھرا بھر مشکاں پاوے

مالک دا کم پھل پھل لاؤنا لاوے یا نہ لاوے

تاجاں والے دور دروے فقیراں نوں تخت بٹھاوے
 عملاں والے دور ہٹاوے بے عملاں گل لاوے

لوئے لوئے بھر لے کڑیے جے دھد بانڈھا بھرنا
 شام پی بن شام محمد تے گھر جاندی میں ڈرنا
 صَلَّى اللهُ عَلَى النَّبِيِّ الْأُمِّيِّ وَالْإِلهِ وَبَارِكْ وَسَلِّمْ
ارباب علم و دانش!

آؤ تلاوت کلام پاک دے نال ایس خوبصورت بزم دا آغاز
 کریئے..... تلاوت کلام پیش کرن واسطے انتہائی ادب و احترام دے نال
 گزارش کرناواں..... عالمی شہرت یافتہ قاری قرآن..... فخر القراء..... نجم
 القراء..... شمس القراء جناب قاری محمد رفیق نقشبندی صاحب نوں کہ آپ
 تشریف لیان اور تلاوت کلام لاریب پیش فرمان..... آؤ محبت بھرا نعرہ لگا
 کے استقبال کریئے!

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب قاری رفیق نقشبندی صاحب تلاوت کلام پاک پیش فرمائے
 سن..... اللہ پاک ساناں سب نوں قرآن دی محبت نصیب فرمائے اور
 قرآن دے رموز و اسرار سمجھن دی توفیق بخشے

ارباب علم و دانش!

نسبت والے لوگ موجود نہیں..... عارفانہ کلام پیش کرنا واں..... اللہ
ساڈی سب دیاں نسبتاں سلامت رکھے..... سارے اپنے پیر کامل و تصور
رکھ کے تے بیٹھو اور میں اپنے شاہ و تصور کرنا واں محبت نال سماعت فرماؤ
..... اور اپنے ایمان نوں تازہ کرو

کہ!

لوگ بلھے نوں متاں دیون
آبے جا وچ مسیتی!
وچ مسیتاں کی کجھ ہندا
جے دل وچ رنی پلیتی!
بن مرشد کامل وے بلھیا
تیری گئی عبادت کیتی

اور!

رب رب کر دے بڈھے ہو گئے
ملاں پنڈت سارے!
رب واکھوج کھرا نہ لبھال
سجدے کر کر ہارے
رب تاں تیرے اندر وسدا!
وچ قرآن اشارے

ہاتھ شاہ رب اوہنوں لبھدا
جیہڑا یار توں تن من وارے

اورا!

اتے خار نچایا نچے
اتے دھار نچایا نچے
بھال پار نچایا نچے
سر پار نچایا نچے
تے کوئی قدم بے تار نہ ہويا
جس تار نچایا نچے
اعظم سانوں عذر نہ کوئی
جیویں یار نچایا نچے

اورا!

کے دے سر دستار امامت
اتے علم پڑھاون سکھیا
کے دے سر تاج حکومت
اتے حکم چلاون سکھیا!
کے نے پایا فقر دا جھولا!
اتے زہد کناون سکھیا!

اعظم ویکھ مقدر ساڈا
اساں یار مناون سکھیا

اور!

جتھوں ملے رنگ اوٹھوں رنگ لینا چاہیدا

زندگی دا ولیاں توں ڈھنگ لینا چاہیدا

اللہ دی عطا ہووے جہاں اتے دوستو!

اوناں دے دوارے توں وی منگ لینا چاہیدا

اور کیوں منگ لینا چاہیداے توجہ نال سنو!

مرشد دا در خانہ کعبہ حج ضروری کرے

تقویٰ رکھ محبوباں والا چل دوارا ملے

خس خس جتاں قدر نہ میرا مرشد نوں وڈھیاں

میں گلیاں واڑوڑا کوڑا مینوں محل چڑھایا سائیاں

کیونکہ!

پینڈا دور بڑا اتوں شام پے گئی

مینوں پتتاں تے ٹھیکیدار چھڈ گئے

میرے ویندیاں ملاح چھڈی بیڑی

بناں پیسوں مینوں الار چھڈ گئے

فیر کنڈے تے بیٹھ کے میں بہت رویا!
 کیہ ہویا جے میرے قرار چھڈ گئے
 اوسے ویلے میں میراں نوں آواز ماری
 میراں آئے تے مینوں وی پار چھڈ گئے

خس خس جنان قدر نہ میرا مرشد نوں وڈھیاں
 میں گلیاں دا ڈوڑا کوڑا مینوں محل چڑھایا سائیاں

میں نیواں میرا مرشد اچا تے میں اچیاں دے سنگ لائی
 صدقے جاواں ایناں اچیاں تائیں جھان نیویاں نال نبھائی

راہ دے راہ دے ہر کوئی آکھے تے میں وی آکھاں راہ دے
 بن مرشد تینوں راہ نہیں لبھنا زل مرہیں وچ راہ دے
 بے شک میرے عمل نہیں پیڑے آو کیکھ لے نسبت میری
 منگتیاں نوں سلطان بناوے میرا داتا علی ہجویری

کیونکہ!

ایویں محیں داتا دی دھم پے گئی

علے منوں فقیر جو منگدے نہیں

خواجه پیا جہاں نوں مہر لاوئی
 اوہو داتا دی نگری وچوں لنگدے نیں
 میں ویکھیا تختاں تے تاجاں والیاں نوں
 او تھووں منگدے مووؤں نہ سنگدے نیں
 اوہ دیوانیہ داتا دے ویکھ جلوئے
 داتا نبی دے رنگ وچ رنگدے نیں

منگتیاں نوں سلطان بناوے میرا داتا علی ہجویری

کیونکہ!

جے توں داتا ہجویری نوں جاندا نہیں
 کیہ سکھیا ای دس قرآن پڑھ کے
 ولی رب دی اکھ نال ویکھدا ای
 نبی پاک ﷺ دا ویکھ فرمان پڑھ کے
 پیر ناقصاں دا رہبر کمالاں دا
 میرے خواجه دا ویکھ بیان پڑھ کے
 اوہ نہ علم دیوانیہ پڑھ بیٹھیں!
 پل گیا جو علم شیطان پڑھ کے
 صَلَّى اللهُ عَلَى النَّبِيِّ الْأُمِّيِّ وَاللَّهِ وَبَارِكْ وَسَلِّمْ

ارباب علم و دانش!

نعت رسول مقبول ﷺ پیش کرن واسطے گزارش کرناواں انتہائی
خوبصورت آواز دے مالک ثنا خواں طوطی پاکستان ساڈی مرکزی
محافل دی جان و شان میری مراد جناب صوفی رفیق نقشبندی صاحب نیں
..... آؤ بلند آواز دے نال نعرہ لگا کے استقبال کریئے!

نعرہ تکبیر نعرہ رسالت نعرہ حیدری نعرہ غوثیہ

ماشاء اللہ جزاک اللہ!

جناب لالہ رفیق نقشبندی صاحب گلہائے عقیدت پیش فرمائے
سن اللہ پاک آپ دی آواز وچ تے گداز وچ برکتاں پیدا فرماوے
الحمد للہ!

تسی سارے ای نصیباں والے اوہ کیونکہ ولی اللہ دی بارگاہ وچ
حاضر اوہ

ساڈا عقیدہ اے کہ اللہ دے ولی شان تے مقام و مرتبے والے
نیں الحمد للہ ساڈا عقیدہ سچا تے پکا اے اور قرآن و سنت دے عین مطابق
اے

الحمد للہ! اسی انبیائے کرام دی عظمت دا اقرار کرنے آں:
صحابہ کرام دی عظمت دا اقرار کرنے آں
اولیائے کرام دی عظمت دا اقرار کرنے آں

لیکن بد قسمتی نال اہج کچھ ایسے لوگ وی موجود نیں..... جیہڑے
 اولیائے کرام دی شان وچ گستاخیاں کردے نیں..... اور کہندے نیں
 معاذ اللہ..... اللہ دے ولی مر گئے اور مٹی ہو گئے..... آو اسی سب اپنے
 عقیدے دا اعلان کریئے اور ساڈا عقیدہ اوہ اے..... جیہڑا ساڈے نبی
 کریم ﷺ دے فرمان دے مطابق اے..... اور اللہ دے قرآن دے
 مطابق اے..... کہ!

مر گئے جہاں دے اوہو کہن مر گئے
 ساڈا تے ہر اک تاجدار زندہ

ساڈے نبی زندہ ساڈے ولی زندہ
 ہر دربار زندہ تے صاحب مزار زندہ

او مر گئے جہاں دے اوہو کہن مر گئے
 ساڈا تے ہر اک تاجدار زندہ!
 ساڈے نبی!

اوہ زندہ اوتے بولو!

ساڈے نبی..... زندہ

ساڈے ولی..... زندہ

ہر دربار زندہ

صاحب مزار زندہ

کس طرح زندہ نہیں! بڑی توجہ نال سنو!

حضرت بابا جی بلھے شاہ سرکار رحمۃ اللہ علیہ دا جدوں وصال ہو یا تے آپ دا وصال ہو یا منگل والے دن تے چند ہندو پیدیاں مل کے کہندیاں نہیں چلو بابا جی سرکار دی زیارت کر آئیے بڑی نورانی شکل و صورت والے سن آپ سرکار آپ سرکار دا فیض و کرم اتنا وسیع و عریض سی کہ دم کر دے تے پچیاں نوں شفاء ہو جاندی سی آپ دی صورت اتنی پیاری تے حسین و جمیل سی کہ ہندو آپ دے چہرے دی زیارت کر لیندے تے مسلمان ہو جاندے سی تے جدوں ہندو عورتاں اکٹھیاں ہوئیاں تے اک عورت کہن لگی انج تے ساریاں گلاں صحیح نہیں پر مسلماناں دا سب توں چنگا تے برکت والا دن جمعے دا ہندا اے پر آپ دا وصال تے منگل والے دن ہو یا اے جے بابا جی ولی کامل ہندے تے آپ دا وصال وی جمعے والے دن ہندا جدوں آپ سرکار نے ایہہ گل سنی تے چہرے توں نقاب اتار دتا اور اٹھ کے بہہ گئے اور فرمان لگے فیر کیہڑی گل اے اسی جمعے والے دن فیر فوت ہو جاواں گے تے آپ فرماندے نہیں:

آ پئی پائیاں کنڈیاں

تے آ پئی کھچنا این ڈور

ساڈے ول مکھ موڑ
 عرش کرسی تے بانگاں ملیاں
 مکے پے گیا شور !
 یلھے شاہ اسیں مرنا ناہیں
 گور پیا کوئی ہور

تے فیر کیوں نہ کہواں:

مر گئے جہاں دے اوہو کہن مر گئے
 ساڈا تے ہر اک تاجدار زندہ

ساڈے نبی زندہ

ساڈے ولی زندہ

ہر دربار زندہ

صاحب مزار زندہ

ارباب علم و دانش!

چکوال دے قریب ایک قصبہ اے جیدا نام اے اودروال اوس
 قبرستان دی خوبی اے وے کہ او تھے تمام قبراں حفاظ کرام دیاں نیں
 تے قبلہ پیر مہر علی شاہ صاحب سرکار رحمۃ اللہ علیہ اپنے مریداں دے نال سفر تے
 نکلے تے آپ دا گزر اوس قبرستان وچوں ہویا تے جدوں پیر مہر علی
 شاہ صاحب سرکار رحمۃ اللہ علیہ قبرستان دے دروازے تے پہنچے تے آپ

میں جوتی مبارک اُتار دتی..... تے بگل وچ رکھ کے ٹپے..... جدوں
 قبرستان دی حدود توں باز نکلے تے ایک مرید صادق حاضر خدمت ہندا
 اے..... تے عرض کردا اے..... سرکار دسو معاملہ کیہ سی..... آپ سرکار نے
 فرمایا..... او چلیا جے تیرے کول مہر علی شاہ ورگی آکھ ہندی..... تے توں وی
 جتی لا دیندا..... غلام نے فیہ عرض کیتی سرکار دسوتے سہی معاملہ کیہ سی.....
 آپ سرکار نے فرمایا:

میں جدوں قبرستان دے اتے آسمان تے اپنی نظر ولایت کیتی..... تے
 کیہ ویکھیا، کہ فرشتے قبرستان دا طواف کر رہے سن..... تے جدوں نظر
 ولایت نال قبر اں دے اندر ویکھیا..... تے کیہ ویکھیا کہ ہر حافظ قرآن اپنی
 قبر وچ قرآن دی تلاوت کر رہیا سی۔
ارباب علم دانش!

سرکار مہر علی شاہ نوں گوارا نہیں سی..... کہ قبرستان وچوں جتی پاک کے
 لنگاں..... ہر حافظ قرآن دی اے شان اے کہ قبر وچ زندہ وی اے.....
 تے قرآن دی تلاوت وی کردا اے..... تے ایمان نال دسو اللہ دے ولی دا
 کیہ مقام ہووے گا:

تے فیہ کیوں نہ کوں:

مر گئے جہاں دے اوہو کہن مر گئے

ساڈا تے ہر اک تاجدار زندہ!

ساڈے نبی زندہ

ہتھاں نوں بلند کر کے سینے دا زور لا کے بولو!

ساڈے نبی زندہ

ساڈے ولی زندہ

داتا صاحب زندہ باوا صاحب زندہ

ہے بغداد وچ غوث پاک سہرکار زندہ

مولا علی زندہ، مہر علی زندہ

شمس پیر سیال دلدار زندہ

نوشو پیر زندہ، دستگیر زندہ

معین الدین زندہ، قطب الدین زندہ

صابر پیا زندہ، نظام الدین سچیا زندہ

نقشبند زندہ، مجدد پاک زندہ

علی پور داماد انوار زندہ

زندہ شیر ربانی تے لاجانی

چورے پاک دا اے مستوار زندہ
محمد علی شاہ میرا اے پیر سوہنا

صوفی شریف سخی سرور زندہ
صوفی معراج دین صاحب اسرار زندہ

اعلیٰ حضرت بریلی دا شاہ زندہ
اک اک لفظ اوہدا تابدار زندہ

اٹ اٹ دے جامعہ رضویہ دی
ہے سردار زندہ ہے سردار زندہ

میراں بھیکھ زندہ بھیک دین والا
باجھے شاہ اے حسن بہار زندہ !

صائم ولیاں دی گل تے اک پاسے
رہن ولیاں دے خدمت گزار زندہ
صَلَّى اللهُ عَلَى النَّبِيِّ الْأُمِّيِّ وَالْإِلهِ وَبَارِكْ وَسَلِّمْ

ارباب علم و دانش!

بارگاہ رسالت مآب ﷺ اندر ہدیہ نعت پیش کرن لئی انتہائی ادب و احترام نال گزارش کرناواں خوبصورت انداز دے مالک ثنا خوان الحمد للہ! ساڈی مرکزی محافل دی جان و شان جناب حاجی محمد عرفان حیدری صاحب نون گزارش کرناواں کہ آپ تشریف لیاؤن اور گلہائے عقیدت پیش فرماؤن..... آؤ بلند آواز نال نعرہ لگا کے استقبال کریئے۔

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب حاجی محمد عرفان حیدری صاحب گلدستہ نعت پیش فرما رئے سن..... اللہ پاک آپ دی آواز اور گداز اندر برکتاں پیدا فرماوے۔

ارباب علم و دانش!

حضور سیدی شیخ سعدی رحمۃ اللہ علیہ فرمادے نیں:

بلغ العالی بکمالہ

کشف النجی بجمالہ

حسنات جمیع خصالہ

صلوا علیہ وآلہ

سارے بلند آواز نال آکھو

صلوا علیہ وآلہ

جتنی محبت میرے آقا دی تیرے سینے وچ موجوداے اتنی بلند آواز نال

ہتھاں نوں بلند کر کے سینے دا زور لگا کے بولو!

صلوا علیہ وآلہ

صلوا علیہ وآلہ

صلوا علیہ وآلہ

کیونکہ!

کوئی مثل نہ ڈھونڈی

چپ کر مہر علی ایٹھے جانویں بون دی

اور تاجدار گولڑہ شریف نے سرکار دو جہاں ﷺ دی جدوں زیارت کیتی

تے کیہ فرماندے نیں:

محبت نال سماعت کرو..... آپ فرماندے نیں:

اودھے ہتھ مہار زمانی اے

اوپدی دو جگ تے سلطانی اے

اوتھے گم عقل انسانی اے

لکھ چن بدر شعثانی اے

کالی زلف تے اکھ مستانی اے

اور پھر فرمادے ہیں:

ایہوں ہستی دا عنوان آکھاں
 رب سچے دی برہان آکھاں
 یا اکھیاں دا قرآن آکھاں
 اس صورت نوں میں جان آکھاں
 جان آکھاں کہ جانِ جہان آکھاں
 جس شان توں شانناں سب بنیاں
 اور پیر سید نصیر الدین نصیر رحمۃ اللہ علیہ فرمادے ہیں:

ہو جن و بشر کہ شاہ و گدا
 ڈٹھی جس وی نصیر اوہ شانِ خدا
 اڈھے ہوش تے مونہوں بول پیا

سبحان اللہ ما اجملك ما احسنك ما اكملك

کتھے مہر علی کتھے تیری ثناء

مشاق اکھیاں کتھے جا اڑیاں

صَلَّى اللّٰهُ عَلٰى النَّبِيِّ الْاُمِّيِّ وَالِیْهِ وَبَارِكْ وَسَلِّمْ

ارباب علم و دانش!

تہاڈی سماعتان دی نظر ارج دی محفل دا آخری ثنا خواں پیش کرن دی

سعادت حاصل کراں گا..... خوبصورت آواز دے مالک ثنا خواں.....

ساڈی مرکزی محافل دی جان و شان میری مراد جناب الحاج اظہر عالم
 فاروقی صاحب نہیں..... آؤ سارے زل کے اک محبت بھرا نعرہ لگا کے
 استقبال کریئے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!



سد لکو، بن سرکار مدینے

سد لکو، بن سرکار مدینے
 آوے او گنہار مدینے
 بے رب سن لے میریاں عرضاں
 دیواں عمر گزار مدینے
 رب آکھے میں بخش دیاں گا
 آ جاون گنہگار مدینے
 ہر واری مینوں روندیاں چھڈ کے
 ٹر جاندے نے یار مدینے
 ہر ویلے قداماں وچ رہندے
 سوہنے دے دو یار مدینے
 جو جب دار سخن سیداں دا
 اوہنوں ملدا پیار مدینے



نقابت نمبر: 4

بِسْمِ اللّٰهِ الرَّحْمٰنِ الرَّحِیْمِ

نَحْمَدُهُ وَنُصَلِّیْ وَنُسَلِّمُ عَلٰی رَسُوْلِهِ الْكَرِیْمِ
اَمَّا بَعْدُ

فَاعُوْذِ بِاللّٰهِ مِنَ الشَّیْطٰنِ الرَّجِیْمِ
بِسْمِ اللّٰهِ الرَّحْمٰنِ الرَّحِیْمِ

قَالَ اللّٰهُ تَعَالٰی فِی الْقُرْاٰنِ الْمَجِیْدِ وَالْفُرْقٰنِ الْحَمِیْدِ
اِنَّ اللّٰهَ وَمَلَائِكَتَهُ یُصَلُّوْنَ عَلَی النَّبِیِّ یٰ اَیُّهَا الَّذِیْنَ
اٰمَنُوا صَلُّوْا عَلَیْهِ وَسَلِّمُوْا تَسْلِیْمًا

صَدَقَ اللّٰهُ الْعَظِیْمُ

الصَّلٰوَةُ وَالسَّلَامُ عَلَیْكَ یَا سَیِّدِیْ یَا رَسُوْلَ اللّٰهِ
وَعَلٰی اٰلِکَ وَاَصْحَابِکَ یَا سَیِّدِیْ یَا حَبِیْبَ اللّٰهِ
الصَّلٰوَةُ وَالسَّلَامُ عَلَیْكَ یَا سَیِّدِیْ یَا رَحِیْمَ الْعٰلَمِیْنَ
الصَّلٰوَةُ وَالسَّلَامُ عَلَیْكَ یَا سَیِّدِیْ یَا شَفِیْعَ الْمُنِیْنِ

عزیز دوستو! نوجوان ساتھیو! بچو اور بزرگو!

پردہ نشین میری ماؤں، بہنوتے بیٹیو!

السلام علیکم ورحمۃ اللہ وبرکاتہ!

تمام حمداں، تمام ثناواں، تمام تعریفاں اللہ رب کائنات واسطے نہیں اور
دور و پاک اودھے پیارے محبوب حبیب کبریا، تاجدارِ رحل اُتی، سید الانبیاء
شب اسری دے دولہا، احمد مجتبیٰ، محمد مصطفیٰ ﷺ دی ذات بابرکات واسطے
نیں:

ارباب علم و دانش:

اج دی عظیم الشان محفل جشن شان قلندر دے حوالے نال انعقاد پذیر
اے..... اتنی خوبصورت محفل سبحان تے انجمن تاجران باغبانپورہ دے جملہ
اراکین مبارکباد دے مستحق نہیں..... خصوصاً مبارکباد پیش کرناواں روحانی
پیشوا جناب بابا جی مہر محمد طفیل الحسنی و الحسنی سرکارنوں..... اللہ پاک آپ دی
نظراں دارو روحانی فیض جاری و ساری فرمائے۔
حمد باری تعالیٰ دے نال اپنی نقابت دا آغاز کرناواں..... انتہائی محبت و
عقیدت نال سماعت فرماؤ..... تے اپنے ایمان تازہ کرو..... عارف کھڑی
میاں محمد بخش رحمۃ اللہ علیہ فرماندے نہیں:

اول حمد ثناء الہی جو مالک ہر ہر دا
اس دا نام چٹارن والا کے میدان نہیں ہر دا

اور!

بے کر میرے گناہواں دی حد کوئی نہیں
ہو کے بے حد اوہ پروردگار بخشے

بخشش واسطے وی گنہگار چائیدا
 بندہ کرنے گناہ بخشش ہار بخشے
 ادھی رات نوں رب آواز دیوے
 منگو بخششیاں رب غفار بخشے
 اٹھ منگ دیوانیہ رب کولوں
 پیارے نبی دا رب پیار بخشے

اور!

نور نارتے شجر چوں ظاہر ہو کے
 حضرت موسیٰ نوں رب دیدار بخشے
 جلوہ انج دی طور تے نظر آوندا!
 علمی اکھ جے پروردگار بخشے
 نظر آوندا نہیں عقل دے انیاں نوں
 بناں ادب نہ رب انوار بخشے
 او دیوانیہ بخششیاں وار دیواں
 جے کر دید مدنی تاجدار بخشے

اور!

پھل پھل دے وچ خوشبو میری
 گلشن وچ سارے رنگ و بو میں آں

سب نور میرا تے ظہور میرا
 صاف ظاہر ہو کے بے نمو میں آں
 تیرا دل میں آں آرزو میں آں
 جستجو میں آں آبرو میں آں
 اوہ دیوانیہ اُتال کیہ تکنا ایں
 رو برو میں آں ہو بہو میں آں

اور!

یارا چھڈ دعوے پاکبازیاں دے
 ذات پاک اس دی توں خطا وار بن جا
 اوہدی شان کریمی جے دیکھنی اُون
 گناہگار بن جا شرمسار بن جا
 سارے یارا کہن ایاز تینوں
 محرم راز ہو کے پردہ دار بن جا
 اوہدے پیراں دی خاک نوں رکھ سرتے
 اوہ دیوانیہ توں تاجدار بن جا!

اور!

گناہگار گناہوان نوں یاد کر کے
 اپنے نفس نوں کو ہونے تے بن دی او گل

اُٹھے رات نون اللہ دا نام لے کے
 کلیاں بہہ کے رووے تے بن دی او گل
 کسے مرد فقیر دے در اُتے !
 صدق نال کھلووے تے بن دی اوہ گل
 بھاویں عمل دیوانیہ ہوں چنگے
 کرم یار دا ہووے تے بن دی اوہ گل
 صَلَّى اللهُ عَلَى النَّبِيِّ الْأُمِّيِّ وَالْإِلهِ وَبَارِكْ وَسَلِّمْ
 ارباب علم و دانش!

تلاوت کلام پاک پیش کرن واسطے انتہائی ادب و احترام نال
 گزارش کرنا واں ساڈی مرکزی جامع مسجد دے امام جناب قبلہ
 قاری غلام مرتضیٰ فریدی صاحب آپ تشریف لیان گے تے تلاوت
 کلام پاک پیش فرمان گے آؤ محبت بھر نعرہ لگا کے استقبال کرے:
 نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

قبلہ قاری غلام مرتضیٰ فریدی صاحب تلاوت کلام پاک پیش فرمائے
 سن..... اللہ پاک سانوں سب نون قرآن پڑھن دی تے اینوں سب جہن
 دی..... تے اوہدے تے عمل کرن دی توفیق عطا فرمائے.....
 (آمین ثم آمین)

ارباب علم و دانش!

قرآن اتنی عظمت..... اتنی شان اور اتنی برکت والی کتاب اے کہ جس
گھراندر قرآن دی تلاوت ہندی اے..... اوتھے اللہ کریم دیاں رحمتاں دا
نزول ہندا اے

بڑی توجہ نال سماعت فرماؤ تے اپنے ایمان نوں تازہ کرو!

راوی دا نام اے حضرت اُسید بن حنظلہؓ..... آپ فرماندے نیں
میںوں قرآن دی تلاوت دا بے حد شغف و شوق حاصل سی..... جدوں وی
طبیعت بے تاب ہندی سی قرآن دی تلاوت کر داساں..... فرماندے نیں
ایک رات زمانہ نیند دی آغوش وچ مبتلا اے..... تے میری طبیعت بے قرار
ہوئی میں قرآن دی تلاوت شروع کردتی..... پارہ نمبر سورہ بقرہ دی ابتدائی
آیات دی تلاوت شروع کیتی..... صحابی فرماندے نیں گھر دے صحن وچ میرا
گھوڑا بندھیا اے..... تے قریب میرا بیٹا سو رہیا اے..... صحابی فرماندے
نیں میں تلاوت شروع کیتی۔

الْم ۝ ذٰلِكَ الْكِتٰبُ لَا رَيْبَ فِيْهِ هُدًى لِّلْمُتَّقِيْنَ

صحابی فرماندے نیں جدوں ایہہ آیات بینات دی تلاوت کیتی تے
گھوڑے نے اُچھلنا کوونا شروع کر دتا..... میںوں خوف لاحق ہو یا کہ کتھے
گھوڑا میرے بیٹے نوں نقصان نہ پہنچا دیوے..... صحابی فرماندے نیں میں
قرآن بند کیتا..... تلاوت روک دتی..... گھر دے صحن وچ آکے دائیں

بائیں دیکھیا..... اوپر تے نیچے دیکھیا..... ماحول وی سازگار اے..... گھوڑا
وی پرسکون اے

صحابی فرماندے نیں..... تین بار ایہہ معاملہ پیش آیا..... کہ جدوں
تلاوت کلام پاک شروع کردا ساں گھوڑا اُچھلنا کوونا شروع کردیندا سی.....
تے جدوں تلاوت بند کردا ساں تے گھوڑا وی پرسکون ہو جاندا سی.....
ماحول وی سازگار ہو جاندا سی..... ایسے پریشانی دے عالم وچ صحابی
سو جاندے نیں..... صبح نماز فجر توں بعد دربار نبوی لگیا..... صحابہ کرام و احم
غفیراے..... تے موسم وی بے مثل و بے نظیراے..... کریم آقا ﷺ وی
تشریف فرمائیں

ابوبکر صدیق رضی اللہ عنہ وی موجود نیں

عمر فاروق رضی اللہ عنہ وی موجود نیں

عثمان غنی رضی اللہ عنہ وی موجود نیں

مولا علی رضی اللہ عنہ وی موجود نیں

کتنی پاکیزہ اے او محفل

جیدے وچ پیٹھن والا بلال رضی اللہ عنہ اے

تے صدارت فرمان والا آمنہ والال اے

صحابی کھڑا ہو جاندا اے

دست بستہ عرض کردا اے

فداك اُمى و أبى يا رسول الله

یا رسول اللہ ﷺ میرے ماں باپ آپ تے قربان

اک سوال عرض کرنا چاہنا واں لیکن ڈرنا واں آواز اُچی نہ ہو

جاوے بے ادبی اور گستاخی نہ ہو جاوے اعمال ضائع نہ ہو

جاون یا رسول اللہ ﷺ

اوہ سوال میرے ذہن تے سواراے اگر اجازت ہووے تے پیش

کراں میرے سوہنے تے پیارے نبی ﷺ نے فرمایا صحابی پچھو کیہ

پچھنا چاہندے او پچھنا تیرا کم اے جواب دینا میرا کم اے

میں بادشاہ واں

تو گدا این

میں داتا واں

توں بھکاری این

میں آقا واں

توں نوکر این

میں نبی واں

توں صحابی این

میں رسول واں

توں امتی این

توں سوال نہ کریں تے امتی کیسا

میں جواب نہ دیواں تے نبی کیسا

صحابی عرض کردے نیں:

یا رسول اللہ ﷺ..... رات اک عجیب معاملہ پیش آیا اے..... میں

جدوں تلاوت کلام پاک شروع کر داساں..... تے میرا گھوڑا اچھلنا کودنا

شروع کر دیندا سی جدوں تلاوت بند کر داساں..... تے گھوڑا وہی پرسکون ہو

جاندا سی..... ماحول وی سازگار ہو جاندا سی

جدوں میرے نبی ﷺ نے ایہہ بات سنی..... تے سرکار ﷺ مسکرا

اٹھے..... جدوں سرکار مسکرا اٹھے..... تے صحابہ دے چہرے جگمگا اٹھے.....

صحابی عرض کر داساں..... پیارے آقا ﷺ دسوتے سہی..... اوہ معاملہ کیہ

اے..... میرے نبی کریم ﷺ نے فرمایا

اے پیارے صحابی

فَانَّهُمْ مَلَائِكَةٌ يَسْمَعُونَ تِلَاوَتِكَ الْقُرْآنِ

اوفرشتے سن جیہڑے قرآن دی تلاوت سنن آئے سن..... رب کعبہ دی

قسم اے..... اگر توں صبح صادق تک قرآن دی تلاوت کرداریندا.....

تے فرشتے تیرے گھردا طواف کردے زیندے

اور تیرے گھرتے اللہ تعالیٰ دی رحمت برسدی زیندی

ارباب علم و دانش!

ثابت ایہہ ہو یا کہ جس گھر اندر قرآن دی تلاوت ہندی اے.....
 اوتھے ملائکہ و انزول ہندا اے..... اور اللہ دیاں رحمتاں برسدیاں نیں.....
 اللہ سانوں سب نوں قرآن پڑھن دی..... سنن دی تے اینوں سمجھن دی
 اور ایس تے عمل کرن دی توفیق دے.....

صَلَّى اللهُ عَلَى النَّبِيِّ الْأُمِّيِّ وَالْإِلهِ وَبَارِكْ وَسَلِّمْ

ارباب علم و دانش!

نعت رسول مقبول ﷺ پیش کرن دی سعادت حاصل کرن
 گے..... ضیاء نعت اکیڈمی دے ہونہار ظالبعلم..... خوبصورت آواز اور منفرد
 انداز دے مالک ثناء خواں..... میری مراد جناب محمد شکیل قادری صاحب نیں
 آو بلند آواز دے نال نعرہ لگا کے ایناں دا استقبال کریے
 نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

شکیل بھائی ہدیہ نعت پیش فرما رہے سن..... اللہ پاک ایس بھائی دی
 آواز اور گداز وچ برکتاں عطاء فرمائے..... بڑا خوبصورت کلام پیش کینا
 آپ نے..... کہ:

اپنی رحمت کے سمندر میں اتر جانے دے

بے ٹھکانہ ہوں ازل سے مجھے گھر جانے دے

ارباب علم و دانش!

میں اپنے اقتباسات پیش کران گا بڑی محبت نال سماعت فرماؤ.....تے

اپنے ایمان نون تازہ کرتے ثواب دارین حاصل کرو!

ایس عقل نمائی نون خبر کیہ اے

دل عشق اے یا دلدار عشق اے

جنہون ویکھ پہاڑاں دے دل کہہن

میرے سر امانت دا بھار عشق اے

کتے شاہ عنایت دی ویکھ صورت

پیا نچدا سر بازار عشق اے

اوہ دیوانیہ عشق دے روپ سارے

نبی ﷺ عشق اے پروردگار عشق اے

اور!

راہ عشق تے ٹرنا بڑا اوکھا اے

پر جے کوئی ٹرے تے یار ملا دیندا

لا کے تخت اتوں تاجاں والیاں نون

خاکروباں دے نال ملا دیندا!

وانشوراں توں حل نہ ہون جیہڑے
نقطے ایسے وی عشق سمجھا دیندا !

جالی روضے دی چمن نہ دین لوکی
عشق کتیاں دے پیر چما دیندا

عشق اونچ تے بیچ نوں ویکھدا نہیں
مذہباں ذاتاں دے فرق مٹا دیندا

نہ کوئی پیر ویکھے نہ مرید ویکھے
کنگرو سیداں دی پیریں پوا دیندا

آ جاوے جے اپنی آئی اُتے
زوراں وراں دی دھون پوا دیندا

وند وار دیندا اے اپنے پار اُتوں
چڑھدا سوئی تے کھل لوا دیندا

اللہ عشق نوں ایہہ توفیق بخش
نیزے اتے قرآن سنا دیندا

کدی ملدے محبوب نہیں اٹیاں توں
عشق فیر وی بولیاں لوا دیندا

اتھرو اک وی نکلے جے عاشقاں دا
اجمل رب دا عرش ہلا دیندا

اورا

کوئی جا آکھے عربی ڈھول تائیں
حالوں سوہنیاں اسی بے حال ہو گئے
کدوں خیر دیدار دا پاونا این
اکھاں روندیاں نوں کئی سال ہو گئے
اگے غیر مینوں طعنے مار دے سن
ہن تے اپنے وی غیراں دے نال ہو گئے
ہن تے کرم سردار تے چاہید اے
عرضاں کردیاں ایہڈے چٹے وال ہو گئے
صَلَّى اللهُ عَلَى النَّبِيِّ الْأَمِيِّ وَالِإِلهِ وَبَارِكْ وَسَلِّمْ

ارباب علم و دانش!

ہدیہ نعت پیش کرن دی سعادت حاصل کرن گے خوبصورت آواز دے
مالک ثناء خواں..... بلبل چمنستان مدینہ میری مراد جناب محمد طاہر منیر قادری
بھائی میں..... آؤ بلند آواز دے نال نعرہ لگا کے استقبال کریئے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب طاہر منیر بھائی خوبصورت آواز اندر عارفانہ کلام پیش فرما رہے
سن..... اللہ پاک آپ دی آواز اور گداز اندر برکتاں پیدا فرمائے..... آپ
نے پڑھیا:

تیری دید بناں میرے چن بچنا
جیہڑا ساہ آیا اوہ حرام آیا
تیرا نقش قدم مینوں کعبہ صنم
تیرا در ملیا تے آرام آیا

اور قبلہ پیر سپد ناصر حسین چشتی فرماندے نہیں:

کے نوں اپنی کبائی تے ناز اے
کے شخص نوں پارسائی تے ناز اے
ایہہ ناصر کرم مین تے فیر ہوو کیہ اے
سانوں نبی ﷺ دی گدائی تے ناز اے

اور!

کے نون مقدر دے زینے تے ناز اے
 کے نون بس خزینے تے ناز اے
 ساڈا تے ناصر ایہو آسرا اے
 سانوں نبی ﷺ دے مدینے تے ناز اے
 اور ایک پنجابی دانشاعر لکھدا اے..... کہ:

یاں تے دنیا ساری رکھ لے
 یاں سوہنے دی یازی رکھ لے

رب فرمایا سوہنے نون کول بلا کے
 ہر شے جاندی واری رکھ لے

میں جیہڑی مخلوق بنائی!
 توں اوہدی سرداری رکھ لے

دین ہووے یا دنیا ہووے
 دونواں دی مختاری رکھ لے

تیرے وارث کہلاون گے
عالم فاضل قاری رکھ لے

لوکی چڑھن جہازاں اتے
توں براق اسواری رکھ لے

موسیٰ جئے وی کہندے ٹر گئے
سانوں وی درباری رکھ لے

سارے بوہے بند کر ناصر
بس یارو لے اک باری رکھ لے

کیونکہ!

کوئی کہندا آل تے اولاد بڑی چیز اے
کوئی کہندا عملاں دا سواد بڑی چیز اے

کوئی کہندا شہرتاں دا ناز بڑی چیز اے
کوئی کہندا پیار اتحاد بڑی چیز اے

کوئی کہندا یاراں دا اعتماد بڑی چیز اے

کوئی کہندا بھاری فریاد بڑی چیز اے

کوئی کہندا محفلاں چہ داو بڑی چیز اے

کوئی کہندا سجاں دی یاد بڑی چیز اے

ناصر شاہ اسپس تے نچوڑ کڈھ چھڈے نیں

ساڈے لئی تے آقا ﷺ دا میلاد بڑی چیز اے

اور!

کوئی کہندا حسن و جمال بے مثال اے

کوئی کہندا مال تے منال بے مثال اے

کوئی کہندا سائنس دا کمال بے مثال اے

کوئی کہندا مہینے تے اے سال بے مثال اے

کوئی کہندا سوہنیاں دی چال بے مثال اے

کوئی کہندا زلفاں دا جال بے مثال اے

کوئی کہندا پونڈ تے ریاں بے مثال اے
 کوئی کہندا یاراں دا خیال بے مثال اے

کوئی کہندا بلھے دی دھمال بے مثال اے
 کوئی کہندا حبشی بلال رضی اللہ عنہ بے مثال اے

ناصر شاہ آ جا دساں نقطے دی گل میں
 ساریاں توں آمنہ دالال رضی اللہ عنہا بے مثال اے
 آؤ محبت نال ایک نعرہ بلند کریے تے پتہ لگے کہ
 سرکار دے غلام محبت و عقیدت دے نال سرکار دا ذکر کر
 رے نہیں :

کیونکہ!

بہاراں دا چہرہ نکھارے اے نعرہ
 لے جائے نبی صلی اللہ علیہ وسلم دے دوارے اے نعرہ

غریباں دی قسمت سنوار اے نعرہ
 بنادیوے طوفان کنارے اے نعرہ

حقیقت ہے پچھوتے گلاب اے اے نعرہ
مگر دشمنان لئی عذاب اے اے نعرہ

ساڈے لئی تے حج و ثواب اے اے نعرہ
میرے مصطفیٰ ﷺ و جمال اے اے نعرہ

سب نعریاں و اسیر اے اے نعرہ
لاؤندا نبی و فقیر اے اے نعرہ

صحابہ و نعرہ تے امامان و نعرہ
اے آقا دے سچیا غلامان و نعرہ

اج ناصر ہے ساڈی محبت و نعرہ
اسان تے سیں چھڈنا رسالت ﷺ و نعرہ

نعرہ تکبیر..... نعرہ رسالت..... نعرہ حیدری..... نعرہ غوثیہ

صَلَّى اللهُ عَلَى النَّبِيِّ الْأُمِّيِّ وَالْإِهِّ وَبَارِكْ وَسَلِّمْ

ارباب علم و دانش!

تہاڈی ساعتمان دی نظر اج دی محفل دا آخری ثناء خوان پیش کرن دی
 سعادت حاصل کراں گا..... الحمد للہ نعت گو شاعر..... خوبصورت آواز اور
 حسین و دلنشین انداز دے مالک ثنا خواں میری مراد محترم المقام جناب محمد
 فیاض چشتی بھائی نیں:

آؤ بلند آواز دے نال نعرہ لگا کے استقبال کریئے!

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

یار نیازی نت تیاری رکھ اپنی
 رہ گئے نے دن چار مدینے جاواں گے



ہے تاہنگ لگی دل نون سرکار بلاون گے

ہے تاہنگ لگی دل نون سرکار بلاون گے
 مینوں دید کراون لئی دربار بلاون گے
 ہر پاسیوں اے یارو دکھان نے گھیریا اے
 میرے دکھڑے مکلاں لئی غمخوار بلاون گے
 میں جالیاں نون پھڑ کے نعتاں ای سناواں گا
 جس ویلے مدینے وچ سرکار بلاون گے
 مینوں بھیک ہے دیون لئی رحمت تے شفاعت وی
 روضے تے سب جگ دے مختار بلاون گے
 اس گل تے ایمان میرا محبوب میرے یارو
 طیبہ دا دکھاون لئی بازار بلاون گے



نقابت نمبر: 5

بِسْمِ اللّٰهِ الرَّحْمٰنِ الرَّحِیْمِ

نُحَمِّدُهُ، وَنُصَلِّيُّ وَنُسَلِّمُ عَلٰی رَسُوْلِهِ الْكَرِیْمِ
اَمَّا بَعْدُ

فَاَعُوْذُ بِاللّٰهِ مِنَ الشَّيْطٰنِ الرَّجِیْمِ
بِسْمِ اللّٰهِ الرَّحْمٰنِ الرَّحِیْمِ
قَالَ اللّٰهُ تَعَالٰی فِی الْقُرْاٰنِ الْمَجِیْدِ وَالْفُرْقٰنِ الْحَمِیْدِ
اِنَّ اللّٰهَ وَمَلَائِكَتَهُ يُصَلُّوْنَ عَلٰی النَّبِیِّ یٰۤاَيُّهَا الَّذِیْنَ
اٰمَنُوْا صَلُّوْا عَلَیْهِ وَسَلِّمُوْا تَسْلِیْمًا
صَدَقَ اللّٰهُ الْعَظِیْمُ

الصَّلٰوَةُ وَالسَّلَامُ عَلَیْكَ یَا سَیِّدِیْ یَا رَسُوْلَ اللّٰهِ
وَعَلٰی اٰلِكَ وَاَصْحَابِكَ یَا سَیِّدِیْ یَا حَبِیْبَ اللّٰهِ
الصَّلٰوَةُ وَالسَّلَامُ عَلَیْكَ یَا سَیِّدِیْ یَا رَحْمَةَ الْعٰلَمِیْنَ
الصَّلٰوَةُ وَالسَّلَامُ عَلَیْكَ یَا سَیِّدِیْ یَا شَفِیْعَ الْمُنٰدِیْنَ

عزیز دوستو! نوجوان ساتھیو! بچو اور بزرگو!

پرہ نشین میری ماؤں، بہنوتے بیٹیو!

السلام علیکم ورحمۃ اللہ وبرکاتہ!

بعد از حمد و ثناء اللہ رب کائنات دا کروڑ ہاں احسان اے جس نے اپنی یاد و موقع عطا فرما کے سنانوں گناواں وی بخشش دا موقع دتا..... دعا اے اللہ رب کائنات ساڈے صغیرہ و کبیرہ گناہ معاف فرمائے..... اور سنانوں سب نوں ذکر مصطفیٰ کریم ﷺ دی لذت و چاشنی نصیب فرمائے..... اج دی محفل میلاد مصطفیٰ کریم ﷺ دے حوالے نال انعقاد پذیر اے..... میں مدینہ شادی ہال میں بازار و روضہ والا دے جملہ انتظامیہ نوں دلی مبارکباد پیش کرناواں..... خصوصاً مبارکباد دے مستحق نہیں جناب عزت مآب حاجی شفقت قادری صاحب جہاں نے ایس خوبصورت بزم دا اہتمام کیتا..... اللہ پاک آپ دے جان مال اور کاروبار و چہرکتاں پیدا فرمائے
ارباب علم و دانش!

حمد باری تعالیٰ نال اپنی حاضری دا آغاز کرناواں جیہڑی بات تہانوں اچھی لگے اور سمجھ وی آوے تے تہاں ساریاں نہیں بلند آواز نال کہنا
ایں..... سبحان اللہ

اچی آکھو..... سبحان اللہ

بڑی توجہ دے نال سماعت فرماؤ..... تے اپنے ایمان تازہ کرو!

خدایا تیرے راز انسان کیہ سمجھے

تیرے نازو انداز نادان کیہ سمجھے

توں پتھر چوں چشمے چلا جاندا ایں

توں دریاواں نوں صحرا بنا جاندا ایں

توں ڈپیاں ہزاراں ترا جاندا این
توں شاہواں نون در در پھرا جاندا این

توں کربلا دا محشر سجا جاندا این
پینمبر دی بولی لوا جاندا این

توں گونگیاں توں گلاں کرا جاندا این
توں مچھلی دے پیٹ وچ بچا جاندا این

تیری شان دی کوئی حد نہیں خدایا
تیرا حکم ہوا سکدا رو نہیں خدایا

تیری شان علی کل شیء قدیراے
کوئی نہیں جہان اتے تیری نظیراے

تیرے حکم دی بس خدائی اسیراے
بھاویں ہے رانجھاتے بھاویں کوئی ہیراے

تیرا شکوہ نہیں کروا کوئی باضمیر اے
جے تھوڑا کوئی منگے تے دیناں کثیر اے

تیری طرفوں ہووے جے کن وا اشارہ
وجود آج ہے آ جاندا کل سنسار سارا

تیری کھیڈ دا ہے یا خدا کل پیارا
کریں سرمہ پتھر جے دیویں نظارا

کیویں سمجھے ایہہ راز انساں وچارا
کہندے کان کیتائی ایہہ سارا کھلارا

اچانک ندا آئی خاموش ہو جا
نظر نیویں کرلے تے ہتھ بن کھلو جا

ایہہ سارا کھلارا میں جس کان کیتا
اونہوں میں دو جگ دا سلطان کیتا

میں پہلے محمد ﷺ دا سامان کیتا
تے مڑ اپنے ہوون دا اعلان کیتا

میں نبیاں نوں اُس دا قدر دان کیتا
جس نوں میں عرشاں دا مہمان کیتا

حبیب اپنا دنیا دا نگران کیتا
میں ایہہ مومناں اتے احسان کیتا

خضر پڑھدا رب مصطفیٰ ﷺ تے درود اے
نبی ﷺ آکے منوایا رب دا وجود اے
صَلَّى اللهُ عَلَى النَّبِيِّ الْأُمِّيِّ وَالِإِلهِ وَبَارِكْ وَسَلِّمْ
ارباب علم و دانش!

تلاوت کلام ربانی دی تلاوت کرن دی سعادت حاصل کرن گے
خوبصورت آواز..... اور منفرد انداز دے مالک، قاری قرآن..... فخر القراء،
نجم القراء..... شمس القراء جناب قاری محمد یونس مغل صاحب..... آؤ بلند آواز
دے نال نعرہ لگا کے استقبال کریئے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب قاری محمد یونس مغل صاحب تلاوت کلام لاریب پیش فرمائے
سن..... اللہ پاک آپ دی آواز گداز اور انداز اندر برکتاں پیدا فرمائے.....
اور سائوں سب نون قرآن کریم دے رموز و اسرار سمجھن دی توفیق عطا
فرمائے:

ارباب علم و دانش!

سرکار دو جہاں ﷺ دی حمد و ثناء دے وچ حصہ پیش کرن واسطے اپنے
اقتباسات وچوں چند قطععات پیش کرنا واں..... بڑی محبت اور توجہ نال
سماعت فرمانا..... تے اپنے ایمان تازہ کرنا..... تے بیہوشی گل تہانوں چنگی
لگے..... تسی محبت نال کہنا ایں..... سبحان اللہ..... ماشاء اللہ

اچی آکھو..... سبحان اللہ

نبی دے پیارتوں قربان تے نبی ﷺ دے پیارتوں صدقے
ایہہ جند سرکار ﷺ توں قربان ایہہ دل دیدارتوں صدقے

تیرا جبریل درباری تیری دنیا تے سرداری
تیرے دربار توں قربان تیرے گھر بار توں صدقے
شب معراج عرشاں تے نئے جوڑے تیرا جانا
اڈیکن ہار توں قربان تیرے دیدارتوں صدقے

جیہڑا بچپن توں صادق تے امین آہی زمانے وچ
امانت دار توں قرباں، دیانت دار توں صدقے

تیری اکھیاں زمانے تے بہاراں دے سماں وٹن
نظر مے خوار توں قرباں لب و رخسار توں صدقے

خضر اکھیاں دے اتھرو وی تیرے در دے نمازی ہن
ایہہ اکھ لچپال توں قرباں ایہہ اکھ غم خوار توں صدقے

اور!

بڑے فخر دے نال کہناواں..... کہ:

کی ہاں میں سرکار ﷺ وا

کونین دے سردار ﷺ وا

مدنی مٹھن منٹھار وا

ولہ نبی ﷺ دلدار وا

سوہنے خدا دے یار وا

پے جو ڈبے تار وا

ساتھیں اے جو سنسار دا
دارو اے جو بیمار دا

بھاگی بڑا محبوب ہے
اللہ دا مطلوب ہے

سوہنا جدوں وی بولدا
بولن توں پہلے تولدا

جد بولدا رس گھولدا
ہیرے تے موتی رولدا

جیہڑا وی مدنی ڈھولدا
کون آکھدا اوہ ڈولدا

سوہنے دے دین وی خاطر
نیزے تے چڑھ کے بولدا

باد صبا سوہنے دے لئی
صفت و ثنا سوہنے دے لئی

او آڈنی سوہنے دے لئی
قالوا بلی سوہنے دے لئی

جنت بنی سرکار لئی
دوزخ بنی غدار لئی

غدار جیہڑا یار دا!
نہ کم دا نہ کار دا

ایویں ای ٹکراں مار دا
قاتل جیہڑا کردار دا

باغی جیہڑا ڈربار دا
منکر جیہڑا سرکار دا

گستاخ جو ولد دار دا
ہر کائی اوہنوں دھتکار دا

آ جا نبی دے ول توں
سن لے میری اے گل توں

چھڈ دے سھے بے رنگیاں
چھڈ دے سھے بے ڈھنگیاں

کی حال کیتائی سنگیاں
ایناں نشنیاں بھنگیاں

توں آپ خود ہن منگیاں
تنگدستیاں تے تنگیاں

گھڑیاں جیویں وی لنگھیاں
گستاخیاں نیوں چنگیاں

صدقے خضر سرکار دے

سبھ کچھ نبی توں وار دے

اور میرے آقا..... میرے سوہنے آقا..... میرے مدنی آقا ﷺ

موسم فصللاں ہور ہو گین

رتاں وی کچھ پور ہو گین

مدنی ماہی آن بچاؤ !

دھیان مڑ در گور ہو گین

ظرف ضمیر دے سودے ہندن

سوچا مڑ کمزور ہو گین

چن عرب دا جہاں ڈٹھا

اکھیاں وانگ چکور ہو گین

عشق جدوں دا من چہ وسایا

پیڑاں آب کھود ہو گین

یاداں خضر نبی دی یاد وچ
پیلاں پاندیاں مور ہو گین

اور!

دل دی کالک دھو دیندا اے
اتھرو انج خوشبو دیندا اے

رب سوا اوہ کوئی نہ دیوے
کملی والا جو دیندا اے

کچ دیاں منکیاں تائیں سوہنا
موتیاں وچ پرو دیندا اے

اکو ہے دربار نبی ﷺ دا
منگے ہک تے سو دیندا اے

عشق نبی ﷺ دا روشن ڈیوا
قبراں وچ وی لو دیندا اے

پکا من تے لے جاندا اے
 کچا خضر ڈبو دیندا اے
 صَلَّى اللهُ عَلَى النَّبِيِّ الْأُمِّيِّ وَالِإِهِ وَبَارِكْ وَسَلِّمْ
 ارباب علم و دانش!

نعت رسول مقبول ﷺ پیش کرن دی سعادت حاصل کرن گے
 خوبصورت اور منفرد انداز دے مالک ثناء خواں..... بلبل چمنستان
 مدینہ..... میری مراد جناب محمد عرفان عارفی بھائی نہیں..... آؤ بلند
 آواز نال نعرہ لگا کے استقبال کریئے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب محمد عرفان عارفی بھائی ہدیہ کلام پیش فرمائے سن اور اپنی حاضری
 دا اختتام سیدہ زہراء پاک سلام اللہ علیہا دے قصیدے تے کیتا
 کتنا خوبصورت کلام تسی سماعت فرمایا..... کہ:

دیکھو زہراء دا بابا کمال کیتی جاندا اے
 قائم کرم دی مثال کیتی جاندا اے

کون زہراء..... سیدہ زہراء..... طیبہ زہراء

عابدہ زہراء..... ساجدہ زہراء..... طاہرہ زہراء

عالمہ زہراء..... فاضلہ زہراء..... حافظہ زہراء
 قاریہ زہراء..... ذاکرہ زہراء..... محدثہ زہراء

کون زہراء!

شیر و شیر دی امی زہراء
 نبی دے گھر وچ ہے جی زہراء

مقام تیرے نوں کون سمجھے!
 فرشتے ہین تیرے کمی زہراء

رات سجدے کرن دی خاطر
 رات منگدی ہے لمی زہراء

تیرے فاتے تے بھک دا صدقہ
 میں کھانا شامی تے دھی زہراء

رات سجدے کریندے گزری
 کدی نہ رنج کے اے سخی زہراء

پردے دھنیاں دے کجمن والی
سیدہ زینب دی امی زہراء

خضر دی عرضی قبول کرنا
ہے تیرے بچیاں دا کی زہراء

کون زہراء!

حیاء کے ماتھے کا تاج زہراء
وفا پرستی کی لاج زہراء

مقام خون حسین یہ ہے
کرے گی جنت پہ زاج زہراء

کسی کی بیٹی کو نہ ملے گا
نلا جو تجھ کو ہے داج زہراء

جو تیرے شوہر سے بغض رکھے
مریض ہے لاعلاج زہراء

جو سارے عالم میں بٹ رہا ہے
وہ تیرے گھر کا اناج زہراء

جو ہو گی تیرے قدم کی مٹی
خضر کے سر کا ہے تاج زہرا

صَلَّى اللهُ عَلَى النَّبِيِّ الْأُمِّيِّ وَالْإِلهِ وَبَارِكْ وَسَلِّمْ

اربابِ علم و دانش!

ہدیہ نعت پیش کرن دی سعادت حاصل کرن گے خوبصورت اور منفرد
انداز دے مالک ثناخوان..... الحمد للہ ساڈی مرکزی محافل دی جان و شان
میری مراد جناب صوفی رفیق نقشبندی صاحب نہیں..... آؤ بلند آواز دے
نال نعرہ لگا کے استقبال کریے

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب صوفی رفیق نقشبندی صاحب ہدیہ نعت پیش فرمائے سن.....

اللہ پاک آپ دی آواز اور گداز وچ برکتاں عطا فرمائے

اربابِ علم و دانش!

میلا و مصطفیٰ کریم ﷺ دا تذکرہ ہو ریاسی..... آؤ میں ایس

موضوع دے ضمن وچ اپنے اقتباسات پیش کرناواں..... بڑی

محبت اور توجہ اور عقیدت نال سماعت کرو..... تے اپنے ایمان وی
تازہ کرو!

شاعر بڑا خوبصورت تخیل پیش کر دالے..... کہ:

میں اک دن خیالاں دی ڈولی دے اندر
سی بیٹھا ہویا تے وچاراں وچاراں

کدی بن کے میکش میخانے دے درتے
کھڑا ہو کے ساقی نون واجا پیا ماراں

کدی صوفیاں دے میں جھر مٹ چہ بہہ کے
مسائل تصوف دے ورتے سنواراں

کدی شوق ویکھاں میں پروانیاں دا
دلیلاں چہ نقشے ہزاراں اتاراں

عمر رضی اللہ عنہ دی عدالت کدی یاد آوے
تے صدیق اکبر دا غاراں چہ جاناں

محمد ﷺ دے بستر تے حیدر دا سونا
تے مکے چوں آقا ﷺ دا طیبہ نوں جانا

میں قربان جاواں اوہ ویلا کی ہوسی
محمد ﷺ دی ڈاچی جاں طیبہ نوں آئی

مدینے دے بازاراں نوں بھاگ لگے
سلامی پئی کردی سی ساری خدائی

اوہ آیا اوہ آیا دو عالم دا والی
دیوانے سی ہر پاسے پاؤندے دوہائی

اوہ نبیاں دا مرسل تے عرشی پر وہنا
جیدی تابع ساری خدا دی خدائی

سی ڈاچی تے سوار دولہا عرش دا
جیدی شان نبیاں رسولان توں اچی

اوہ آیا اے میثرب نوں طیبہ بناون
جیدی ذات اقدس ہے سچیاں توں سچی

مدینے دیاں گلایاں مدینے دے لوکاں
فردوس وانگو سجائیاں ہوئیاں سن

بہاراں مدینے دے بازاراں اوتے
ہین فاخرہ جوڑا چھائیاں ہوئیاں سن

محمد ﷺ دی آمد محمد ﷺ دی آمد
دوہائیاں نجاراں نے پائیاں ہوئیاں سن

غریباں دے گھر ایتھے بالکل نہیں جانا
ایہہ آساں امیراں نے لائیاں ہوئیاں سن

کھڑی کر کے ڈاچی دو عالم دا والی
تے فرماون لگا کرو صاف راہواں

جیہڑے گھر ایہہ ڈاپچی خدا دے حکم تھیں
اوتھے جا کے میں اپنا ڈیرا جماواں

مدینے چہ اک گھر سی خاموش بیٹھا
غریبی نے ایسا دبایا ہویا سی

نہ جاگیر کوئی نہ دینار پلے
گھٹا بن کے فاقہ بھی چھایا ہویا سی

اؤہ رو رو کے پڑھدا سی الحمد للہ
تے ویہڑے چہ صف نوں وچھایا ہویا سی

بیوی نے پچھیا کیوں روندے او حضرت
شاد زمانہ کیہڑا یاد آیا

چلو چل کے منظر مدینے دا تکے
غریباں دا داتا کرن شاد آیا

ابو ایوب رضی اللہ عنہ رو کے پکارے اے بیوی
 غریبی نہ ہندی میں گھرنوں سجاؤندا

او نبیاں دا مرسل تے عرشی پروہنا
 خدا دے حکم تھیں میرے گھر چہ آؤندا

جے نبیاں دا مرسل میرے گھر چہ آؤندا
 میں کائنات نوں اپنی قسمت دکھاؤندا

اوہ مختار بنیا غریباں دا حامی
 جے آؤندا میں اکھیاں نوں تھلے وچھاؤندا

ابو ایوب انصاری رضی اللہ عنہ دے بوسے دے آگے
 محمد ﷺ دی ڈاچی نے گوڈا نکایا

قدمان نوں چے محمد ﷺ دا عاشق
 تے آکھے محبوبا صدقے میں جاواں

کدی سوچدا سی میرے گھرتے کچھ نہیں
کراں میزبانی میں کدھر نوں جاواں

نہ گھر وچہ کھجوراں نہ خرچہ نہ آٹا
نہ قالین کوئی جو تھلے وچھاواں

دو عالم دے والی نے فرمایا ہس کے
پھٹے پورے تے میں خود بیٹھ جاواں

شہنشاہ ڈیرا جمایا مدینے
تے ویکھن نوں حوراں بہشتاں چوں آئیاں

اے سردار چمکے مقدر مدینے دے
مستوراں رل کے دفاں وجائیاں

صَلَّى اللهُ عَلَى النَّبِيِّ الْأُمِّيِّ وَالْإِهِّ وَبَارِكْ وَسَلِّمْ

ارباب علم و دانش!

نعت رسول مقبول ﷺ پیش کرن دی سعادت حاصل کرن

کے ہر ملک پاکستان دا عظیم نام فخر پاکستان آل نبی

اولاد علی..... خوبصورت اور منفرد انداز دے مالک ثنا خوان.....
رموز نعت خوانی توں آشنا..... میری مراد الحاج سید آصف علی
ظہوری صاحب نہیں..... آؤ بلند آواز دے نال نعرہ لگا کے
استقبال کریئے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب الحاج سید آصف علی ظہوری صاحب ہدیہ نعت پیش فرمائے
سن..... اللہ پاک آپ دی آواز اور سوز و گداز اندر برکتاں پیدا فرمائے.....
حضور سیدی غوث پاک سرکار دی منقبت تے اختتام کیتا آپ نے..... آؤ
اسی موضوع دے ضمن وچ اپنے اقتباسات پیش کرنے آں..... انتہائی
خلوص و محبت دے نال آپ سرکار دا ذکر پاک سنو!

حضور سیدی شہنشاہ بغداد..... پیر پیراں..... میر میراں..... غوث پاک

سرکار دا فرمان عالی شان اے

جس نے اللہ اور رسول دی فرمانبرداری کیتی..... ماں

باپ دا ادب و احترام کیتا..... مسجد دے نمازی دی قدر

کیتی..... نماز پنجگانہ دی پابندی کیتی..... تے میرا ذکر محبت و

عقیدت نال کیتا..... کل قیامت دا دن ہووے گا..... اوہ شخص

جتنے وی ہووے گا..... میں عبدالقادر جیلانی اوہدی شفاعت

کراں گا:

سارے محبت نال آکھو..... سبحان اللہ

اُچی آواز نال آکھو..... سبحان اللہ

حضور سیدی سلطان العارفین رحمۃ اللہ علیہ فرماتے ہیں:

بغداد شہر دی کیہ اے نشانی اُچیاں لمیاں چیراں ہو

ایہہ تن میرا پرزے پرزے جیوں درزی دیاں لیراں ہو

ایناں لیراں دی گل کفنی میں پا کے رلساں سنگ فقیراں ہو

بغداد شہر دے ٹکڑے منگ ساں نالے کرہاں میراں میراں ہو

اور سردار حسین سردار رحمۃ اللہ علیہ نے بڑا خوبصورت تخیل پیش کیا اے.....

محبت نال سماعت فرماؤ..... کہ:

قلمے ورد کر صفحے تے نال نازاں بول پیر میراں دستگیر میراں

پاجھمیراں وجد دے وچ آکے دیندے رہن میں تینوں دلگیر میراں

شیئا اللہ نائب رسول سوہنے لاریب میں پیراں دے پیر میراں

میرے پیر دی شان این غوث غوثاں غوث الا عظیم تے روشن ضمیر میراں

جد سخی تے آپ وی سخی سید ولیاں وچہ نے بدر منیر میراں

نظر کرم کر کے چوروں قطب کردے دیندے کفر تے شرک نوں چیر میراں

میراں پکار دا جگ سارا دستگیر میراں دل دی ڈھیر میراں
ڈبڈیاں بیڑیاں نوں بنے لادیندے پل وچ دیوندے بدل تقدیر میراں

غوث غوث کر دے کئی ولی ہو گئے آل نبی خبر گیر میراں
منبع فیض تے شاہ بغداد جیلاں شمع پاک دے پاک سفیر میراں

ٹٹ جانڈیاں پھانسیاں ترن ڈبے جدوں مار دے نظر دا تیر میراں
غوث الوری سردار محبوب رہی علم علی امیر فقیر میراں
اور!

جان والیو شہر بغداد وئے دکھی دلاں تے رحم فرمائی جانیو
میراں کرے امداد تے توڑ پہنچو بھار میری فریاد دا چائی جانیو

لِلّٰہ قافلے والیو حال میرا دکھاں بھرے کچاوے وچہ پائی جانیو
آون وادیاں جدوں بغداد دیاں میرا تذکرہ کھول سنائی جانیو

آوے نظر دربار دا جدوں بونا کرماں والیو میرا سلام کرنا
غوث پاک سرکار دے در اندر کھڑے ہوا کے عرض تمام کرنا

زریں پاک ولی چادر نور دی نوں ادبوں نال پیشانی دے لا کے تے
غوث پاک دے پاک محل اندر کہنا اکھیوں نیروحا کے تے

نبی پاک دے دوستا شہنشاہا لج پرورا رحمتاں دور کر دے
حسنى پیر گیلانیا تاجدارا میرا پار طوفاناں چوں پور کر دے

تیرا اوہ بویا جتھے چور نوں دنیا جاندی قطب دا تاج ملدا
میرے خواجہ اجمیری وی آکھدے نیں ایٹھوں شمع حقیقت دا داں ملدا

بھاویں ہووے چرواہا کوئی سوریاں دا تیری نظر ہووے اوہنوں راج ملدا
ولی جھک جاندے تیرا نام سن کے شرق و غرب چوں اوہنوں خراج ملدا

عبدالقادر علی دا واسطہ ای میریاں منزلاں دی ظلمت دور کر دے
حسنى پیر گیلانیاں تاجدارا میرا پار طوفاناں چوں پور کر دے

میں بے زر بے پر غریب کتر صدقہ جد دا نظر اُلاز تے سہی
وارث حیدری پاک اقلیم دا توں بگڑے ہوئے مقدر سنوار تے سہی

المدد یا غوث پکار دے ہاں بے پرواہ شاہا جھاتی مارتے سہی
 پروے کج دیاں رکھدیاں انج شرماں ٹٹے دلاں نوں پھیرا سارتے سہی

تیری نسل کریم کریم ہے توں کر کے فضل بلاواں نوں چور کر دے
 حسنی پیر گیلانیاں تاجدارا میرا پار طوفاناں چوں پور کر دے

وسے ہادیا گڑھ بغداد تیرا خالی جھولیاں تائیں بھر پور کر دے
 صدقہ تجف شریف دے ٹپیاں دالاشعور ہاں میں باشعور کر دے

ظلمت کدہ ثانی بنیادل میرا جھاتی مار کے قلب توں نور کر دے
 مدت ہوئی دروازے تے سائل تائیں فیض اپنا فیض گنجر کر دے

عالی سرورا عرش دیا شہبازا دکھ درد سردار دے دور کر دے
 حسنی پیر گیلانیاں تاجدارا میرا پار طوفاناں چوں پور کر دے

اور!

پنڈا دور بڑا اتوں شام پے گئی
 مینوں پتتاں تے ٹھیکیدار چھڈ گئے

میرے ویندیاں ملاح چھڈی بیڑی
بنان پیسیوں مینوں اُلا ر چھڈ گئے

فیر کنڈے تے بیٹھ کے میں بہت رویا!
کیہ ہو یا جے میرے قرار چھڈ گئے

اوسے ویلے میں میراں نوں آواز ماری
میراں آئے تے مینوں وی پار چھڈ گئے

صَلَّى اللهُ عَلَى النَّبِيِّ الْأَمِيِّ وَالِإِلهِ وَبَارِكْ وَسَلِّمْ

ارباب علم و دانش!

تھاڈی ساعتاں دی نظر اج دی محفل دا آخری ثنا خواں کرن دی
سعادت حاصل کرناواں

خوبصورت جیدا انداز اے..... منفرد جیدی آواز اے..... بلبل

چمنستان مدینہ..... میری مراد جناب الحاج محمد سلیم ہاشمی نہیں..... آؤ بلند آواز
نان نعرہ لگا کے استقبال کریئے.....

نعرہ تکبیر..... نعرہ رسالت..... نعرہ حیدری..... نعرہ غوثیہ



میں نہ برسدا اے ویکھیا انوار دا

میں نہ برسدا اے ویکھیا انوار دا

ذکر ہووے جس جگہ سرکار دا

کون سی نی دس حلیمہ کون سی

بکریاں جو تیریاں سی چار دا

دیکھ لیندا جو میرے محبوب نوں

مال تے کی جان اپنی وار دا

ہین زلفاں سوہنیاں من موہنیاں

نور وچوں وی ہے لشکاں مار دا

ہے بڑا خوش بخت جانی نال جو

لا کے سینے تے کلیجہ ٹھار دا

وچ صحابہ بیٹھ دے سن جد حضور ﷺ

کی سماں ہوسی بھلا دربار دا

لگ پتہ جائے گا ناصرِ حشر نوں

مُل پوے گا جد تیرے اشعار دا

نقابت نمبر: 6

بِسْمِ اللّٰهِ الرَّحْمٰنِ الرَّحِیْمِ

نَحْمَدُهُ وَنُصَلِّي وَنُسَلِّمُ عَلٰی رَسُوْلِهِ الْكَرِیْمِ

اَمَّا بَعْدُ

فَاعُوْذُ بِاللّٰهِ مِنَ الشَّيْطٰنِ الرَّجِیْمِ

بِسْمِ اللّٰهِ الرَّحْمٰنِ الرَّحِیْمِ

قَالَ اللّٰهُ تَعَالٰی فِی الْقُرْاٰنِ الْمَجِیْدِ وَالْفُرْقٰنِ الْحَمِیْدِ

اِنَّ اللّٰهَ وَمَلَائِكَتَهُ يُصَلُّوْنَ عَلٰی النَّبِیِّ یٰ اَیُّهَا الَّذِیْنَ

اٰمَنُوا صَلُّوا عَلَیْهِ وَسَلِّمُوا تَسْلِیْمًا

صَدَقَ اللّٰهُ الْعَظِیْمُ

الصَّلٰوةُ وَالسَّلَامُ عَلَیْكَ یَا سَیِّدِیْ یَا رَسُوْلَ اللّٰهِ

وَعَلٰی اٰلِکَ وَاَصْحَابِکَ یَا سَیِّدِیْ یَا حَبِیْبَ اللّٰهِ

الصَّلٰوةُ وَالسَّلَامُ عَلَیْكَ یَا سَیِّدِیْ یَا رَحْمَةَ الْعٰلَمِیْنَ

الصَّلٰوةُ وَالسَّلَامُ عَلَیْكَ یَا سَیِّدِیْ یَا شَفِیْعَ الْمُنٰدِیْنَ

عزیز دوستو! نوجوان ساتھیو! بچو اور بزرگو!

پردہ نشین میری ماؤں، بہنوتے بیٹیو!

السلام علیکم ورحمۃ اللہ وبرکاتہ!

اللہ رب کائنات دا کروڑہا احسان اے..... جس نے سانوں سب نوں
 ولی کامل..... شیخ کامل، پیر طریقت..... آفتاب رشد و ہدایت..... مرکز کرم،
 گنج الغوث..... حضور سیدی و مرشدی خواجہ صوفی محمد شریف سخی سرور جپان
 سرکار دی بارگاہ وچ پیٹھن دی سعادت و توفیق بخشی..... اور یتینا ولی کامل
 دی بارگاہ وچ پہنچ جانا بہت بڑی سعادت دی گل اے..... اکرو ولی کامل دی
 بارگاہ وچ سو آدمیاں دا قاتل وی سچے دل نال توبہ کر کے آجائے تے اللہ دی
 رحمت اوہدے تے وی ہو جاندی اے..... اللہ پاک ساڈی سب دی
 حاضری اپنی پاک بارگاہ اندر قبول و منظور فرمائے..... اور سانوں سازیاں
 نوں حضور سیدی خواجہ صوفی محمد شریف سخی سرور لچپال سرکار دی نظر دا فیض
 نصیب فرمائے
 ارباب علم و دانش!

اپنی نقابت دا آغاز حمد باری تعالیٰ نال کراں گا..... بڑی محبت، بڑی توجہ
 اور بڑی عقیدت دے نال سماعت فرماؤ..... تے اپنے ایمان نوں تازہ کرو!
 اللہ پاک هو اللہ احد اللہ کرے کرم کریم تے تار دیندا
 مالک مرضیاں دا ککھوں لکھ کردا خشک وادیاں نوں کر گلزار دیندا

روزی دیوندا پتھر دے کیڑیاں نوں وگڑے خلق دے کم سنوار دیندا
 خالق کل مخلوق دارب اکبر لاء گردشاں دے سرتوں بھار دیندا

قبضے و بیچ نظام خدائی دا اے اوہدی گل نون کوئی نہیں ڈھاسکدا
 اوہدے حکم باہجوں کائنات اندراک ذرہ وی جنبش نہیں کھاسکدا

چاہوے رب تے نوری فرشتیاں توں سجدہ آدم دے تائیں کرا دیوے
 مرضی آوے تے کڈھ بہشتاں وچوں آدم نبی نون بھی وخت پا دیوے

مہربان ایسا مہربان ہو کے تے جوامیل کے کرم کما دیوے
 بیڑا نوح دا ہووے طوفان اندر فضلوں ڈول دے نون بنے لا دیوے

کرے نار دے تائیں گلزار مولا پھل سکیاں ولاں نون لاسکدا
 اوہدے حکم باہجوں کائنات اندراک ذرہ وی جنبش نہیں کھاسکدا

دنیہ بھیج کے کڈھ کے چھری پیٹھوں اسماعیل ذبیح بنا سکدا
 مائی ہاجرہ تے اسماعیل کارن آب زم زم زہد ایشان و دھاسکدا

کزن لئی زینخادی آس پوری یوسف کھوہ دے و بیچ سٹوا سکدا
 تارے، چن، سورج جنہوں کرن سجدے اوہنوں مصر بازار و کاسکدا

پر دا سمجھدا سی جنہوں مصر سارا اوہنوں مصر دا تاج پہنا سکدا
 اوہدے حکم باہجوں کائنات اندراک ذرہ وی جنبش نہیں کھاسکدا

کوئی حد نہیں بے نیازیاں دی آرا ذکر یے اتے چلا دیندا
 سلیمان تائیں کدی وخت پاوے کیڑے تن ایوٹ دے پادیندا

کدی یونس نوں مچھلی دے پیٹ اندر توبہ کرن دے ول سکھادیندا
 عیسیٰ نبی نوں چاہڑ کے فلک چوتھے دنیا چہ بھلیکھیاں پادیندا

مسئلہ صاف دلیل دی لوڑ کوئی نہیں اللہ چڑیاں توں باز مرواسکدا
 اوہدے حکم باہجوں کائنات اندراک ذرہ وی جنبش نہیں کھاسکدا

جوڑے لاه کے آویں کوہ طور اتے کدی موسیٰ نوں حکم غفار دیندا
 کدی یارنوں سدھ کے عرش تے عرش جوڑے دی نوک توں وار دیندا

سرور انبیاء مصطفیٰ پاک اگے کھول اپنے سارے اسرار دیندا
 اوہنوں بخش کے کنجیاں غیب دیاں کر سونے نوں کلی مختار دیندا

بھاویں جن توڑے سورج تائیں موڑے کلمہ پھراں تائیں پڑھا سکدا
اوپدے حکم باہجوں کائنات اندراک ذرہ وی جنبش نہیں کھا سکدا

بے پرواہ اوہ علیؑ دے بچیاں لئی جبرائیل نوں درزی بنا سکدا
سجدہ کریں دراز حسینؑ دے لئی سوہنے نبی ﷺ اُتے حکم لاسکدا

کدی اوس حسینؑ ڈیشان تائیں جلوے کربلا وچ وکھا سکدا
عزم وکھیکے نبی دے دوہترے واجنت نانویں حسینؑ رضی اللہ عنہ دے لاسکدا

کر کے فضل سردار غریب اتے اللہ پھروں لال بنا سکدا
اوپدے حکم باہجوں کائنات اندراک ذرہ وی جنبش نہیں کھا سکدا

صَلَّى اللَّهُ عَلَى النَّبِيِّ الْأَمِيِّ وَالِإِلهِ وَبَارِكْ وَسَلِّمْ

ارباب علم و دانش!

تلاوت کلام پاک پیش کرن دی سعادت حاصل کرن گے الحمد للہ!
پوری دنیا وچ گونجھن والی آواز الحمد للہ ساڈی مرکزی محافل دی جان و شان
فخر القراء نجم القراء..... شمس القراء جناب قاری محمد رفیق نقشبندی صاحب

تلاوت کلام پاک پیش کرن دی سعادت حاصل کرن گے

آؤ بلند آواز دے نال نعرہ لگا کے استقبال کریئے

نعرہ تکبیر..... نعرہ رسالت..... نعرہ حیدری..... نعرہ غوثیہ

آستانہ عالیہ صابریہ شریف..... زندہ باد

ماشاء اللہ جزاک اللہ!

جناب قاری محمد رفیق نقشبندی صاحب تلاوت کلام پاک پیش فرمائے

سن..... اللہ پاک آپ دی آواز اور گداز اندر برکتاں عطا فرمائے..... اور

سانوں سب نون قرآن پڑھن دی اور اینوں سمجھن دی توفیق عطا فرمائے۔

ارباب علم و دانش!

اپنے اقتباسات و چوں اک خوبصورت کلام پیش کرن دی سعادت

حاصل کرنا واں..... بڑی محبت و عقیدت نال سماعت کرو..... تے اپنے

ایمان نون تازہ کرو

فجرے باد نسیم نون آکھیاں میں

وائے چنے نون نال پیار چھیں

زرگس، کلی، روئل گلاب مروا

نالے موئیے دی تار تار چھیں

ہووے گزر جد عرب شریف و چوں

نال ادب دے گردو غبار چھیں

میںوں میری غربی نہیں جان دیندی
میرے ولوں توں عرب دے خار چھمیں

روضے پاک جا کے چھمیں جالیاں نون
گنبد خضریٰ دا پاک مینار چھمیں

نالے گنبد تے گنبد وا کلس چھمیں
در مصطفیٰ ﷺ نون بار بار چھمیں

کر دی جاویں احسان غریب اتے
طیبہ پاک دے درو دیوار چھمیں

قبراں جنت بقیع دیاں چم کے تے
زہراء رضی اللہ عنہا پاک دا پاک مزار چھمیں

نال عجز مدینے دیاں وا دیاں دی
رحمت نال جو کھڑی گلزار چھمیں

رکیں مکے مدینے دیاں منزلاں وچ
اسماعیل والا آبشار چمیں

صفا مروہ تے پاک غلاف چمیں
ارد گرد دی ساری بہار چمیں

پچھوں مڑیں نہ نال یقین جا کے
دانی سعدیہ دا گھر بہار چمیں

ادب کریں توں عرب دے ٹپیاں دا
نال پیار چمیں بار بار چمیں

دیس عرب ایہہ میزے سردار دا اے
ہر شے اسدی نال پیار چمیں

اور!

کمبل پوش مدینے دیا تاخدار اڈنے راتیں رہندا ایہہ خیال مینوں
بھاگاں والٹری گھڑی اوہ کدوں آوے سدے عرب دے لہچاں مینوں

عمر گزر دی جاندی ہوکیاں وچ اک وار اندینہ دکھال مینوں
پلے زر کوئی نہیں دل وچ تاہنگ ڈاڈی اگ ہجر دی سٹیا جال مینوں

بے چاریاں دا چارا بناں تیرے اللہ پاک نے ہو رکوئی سازیا نہیں
اوہنوں دوہاں جہاناں وچ ملے دھکے تیری نظر نے جنہوں نوازیان نہیں

ریندا شوق دل وچ جیکر بخت جاگن جاواں عرب ولے مستی چڑھی ہووے
چماں عرب شریف دیاں رستیاں نوں جیکر مہر نصیباں نے جڑھی ہووے

مفت نوکری کراں میں حاجیاں دی اکھاں سامنے رحمت دی جھڑی ہووے
عربی بولدے سناں میں عربیاں نوں جالی روضہ رسول دی پھڑی ہووے

چماں ہتھ مدینے دے پاسیاں دے ادب نال پھڑکے چماں جتیاں نوں
لکھاں کراں سلام عقیدتاں دے کملی والے دے پہلو چہ ستیاں نوں

اکھاں وچ مدینے دی خاک پاواں چماں روضہ حضور دیاں جالیاں نوں
سجدے کراں میں طیبہ دے ٹہیاں وچہ چماں کدی کھجوراں دیاں ڈالیاں نوں

پھر کے دیکھاں مدینے دے چمن سارے دیواں لکھ مبارکاں مالیاں نوں
ارد گرد مدینے دیاں بستیاں دا پچھاں حال میں پھرکاں پالیاں نوں

چماں پیر مدینے دے کتیاں دے طیبہ پاک دے درو دیوار چماں
چماں پاس چکی مائی پاس والی در مصطفیٰ ﷺ نوں بار بار چماں

بی بی فاطمہ دے جتھے لال کھیڈے اوہناں رکھاں دی ادب نال چھاں چماں
جتھے جتھے سرکار نے قدم رکھے کرمانوالے مقدس اوتھاں چماں

روضے سامنے پڑھاں سلام نعتاں سجدے کراں میں عشق دی لہر اندر

آگیا کون دیوانہ سردار میاں پے جائے شور مدینے دے شہر اندر

صَلَّى اللهُ عَلَى النَّبِيِّ الْأُمِّيِّ وَاللَّهِ وَبَارِكْ وَسَلِّمْ

ارباب علم و دانش!

ہدیہ نعت پیش کرن دی سعادت حاصل کرن گے..... عالمی شہرت یافتہ

ثنا، خوان..... نعت گو شاعر..... بلنبل چمنستان مدینہ..... طوسی پاکستان.....

ضیاء نعت اکیڈمی دیے بانی و پرنسپل، رموز نعت خوانی توں آشنا میری مراد

جناب الحاج رفیق ضیاء قادری صاحب نہیں:

آؤ محبت بھ انجہ لگا کے استقبال کریئے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب الحاج رفیق ضیاء قادری صاحب خوبصورت کلام پیش فرما
رئے سن..... اللہ پاک آپ دی آواز اور گداز اندر برکتاں تے وسعتاں
اور ترقیاں عطا فرمائے..... آپ نے خوبصورت کلام پیش فرمایا:
کہ:

شان رب نے حضور دی ودھائی ہوئی اے

اساں پریت حضور نال لائی ہوئی اے

ارباب علم و دانش!

ایسے ضمن اندر گرہ پیش کرناواں بڑی محبت نال سماعت کروتے اپنے

ایمان نول تازہ کرو.....

کہ:

منیا عرش اعظم اچی شان دا اے پر عرب پی خاک نول ترسدا اے

سدرہ طور سلامیاں پئے کردے مینہ رحمتاں دا او تھے برسدا اے

اللہ پاک دا کوئی شریک ناہیں پہلا سبق مدینے دے درس دا اے

جیویں فلک نول عرش داہان آیا اونویں عرب سوہنا فخر فرش دا اے

جنہوں عرب شریف و ادب ناہیں اوہ تے دوزخاں دے ول ٹر گیا اے
چند ہو ٹکڑے آیا فرش و لے خاک عرب دی چم کے جڑھ گیا اے

میں قربان جاواں اوہناں ٹہیاں توں جتھے نبی سوہنا اجڑ چاروا سی
اوہناں نمازاں دی شان عظیم آہی جتھے دو، دو نفل گزاروا سی

کیڈے بخت ہوسن اوہناں منزلاں دے جوڑا ہجیا جہاں سرکاروا سی
اوس دھوڑنوں اکھاں دے وچ پاواں کیتا اوب جس رب دے یاروا سی

جگ جاندا عرب دے دیس اندر اللہ پیار دے جال وچھا بیٹھا
ایسا یار دا وطن پسند آیا اپنا گھر وی اوتھے بنا بیٹھا

کملی والا یسین وال اللیل والا الغرض اوہ سارے قرآن والا
مکی مدنی قریشی سلطان بنیا، تے مہمان عرشی اچی شان والا

نانا حسن حسین دا ظاہر و باطن، ڈبی بیٹریاں نوں بنے لاون والا
شہسوار براق سرکار عالی تاج وراں اتے چھا جان والا

بڑے عرب شریف دے بھاگ اچے اوس شان دا جتھے ظہور ہویا
صدقہ پاک محمد ﷺ دا قسم رب دی فرش و عرش سارا نور و نور ہویا

چمن واسطے طیبہ دے ٹبیاں نوں حوراں چل فردوس چوں اوندیاں نہیں
ملک فلک توں آن درود پڑھدے حوراں بیٹھ رل مل سہرے گاندیاں نہیں

رحمت برسدی طیبہ دیاں وادیاں وچہ اوتھے ہستیاں سیس نو اندیاں نہیں
برکت سمجھ کے عرب دی خاک تا نہیں نال شوق اکھاں اکھیں پاندیاں نہیں

ہر نبی دے اسپیں سریدار قائل اسپیں امتی شاہ لولاک دے ہاں
اسپیں پاک فردوس دے نہیں طالب عاشق عرب شریف دی خاک دے ہاں
اور!

میرے عرب شریف دے چمن ورگا
پیدا صاحب جمال نہیں ہو سکدا
بلکہ سارے زمانے دے شاعراں دا
ایڈا سوہنا خیال نہیں ہو سکدا
اوپدا ثانی تے کل کائنات اندر
کوئی مائی دا لعل نہیں ہو سکدا

ناصر اوہدی مثال تے اک پاسے
پیدا دوجا بلالؓ نہیں ہو سکدا

اور!

قال تھلے تے حال تھلے
نبی دا حسن و جمال اتے
او عشقا تیری عطاء توں صدقے
کعبہ تھلے تے بلالؓ اتے

اور کیتا عشق بلالؓ نے دل لا کے
کافر کلمہ چھڈایا تلیاں چہ کل کل لا کے
بلالؓ آکھیا کلمہ نہیں چھڈنا
تسی ویکھ لوو پاویں تل تل لا کے
رب رنگ بلالؓ دا ونڈ چھڈیا
ہر حور دے متھے تے تل تل لا کے

صَلَّى اللهُ عَلَى النَّبِيِّ الْأُمِّيِّ وَالْإِبْرَاهِيمَ وَبَارِكْ وَسَلِّمْ

اے باب علم و دانش!

ہدیہ نعت پیش کرن دی سعادت حاصل کرن گے سوز و گداز دے پیکر
..... استاذ ثنا خواں شیریں اور فصیح اللسان رموز نعت خوانی توں آشنا

الحمد للہ ساڈی مرکزی محافل دی جان و شان آل نبی اولاد علی میری مراد
جناب الحاج سید آصف علی ظہور صاحب نہیں
آؤ بلند آواز نال نعرہ لگا کے استقبال کریئے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب الحاج سید آصف علی ظہوری صاحب ہدیہ کلام پیش فرما رہے
سن..... اور ذکر اہلبیت تے آپ نے اختتام کیتا..... اللہ پاک آپ دی
آواز اندر اور سوز و گداز اندر برکتاں پیدا فرمائے
ارباب علم و دانش!

ذکر اہلبیت الحمد للہ پورے پاکستان اندر فقیر و احوالہ اور پہچان
انے..... آؤ ایک خوبصورت کلام ذکر اہلبیت تہاڈی سماعتاں دی نظر
کرناواں..... بڑی محبت، توجہ اور عقیدت نال سماعت کرو..... اور اپنے
ایمان نوں تازہ کرو

میرے آقا ﷺ نے ارشاد فرمایا

انا مدینة العلم و علی بابها

میں علم و اشہر آں تے علی اودھا دروازہ اے

الحمد للہ سب و ایمان اے تے محبت نال آکھو..... سبحان اللہ

بڑی محبت نال سماعت فرماؤ!

علی اعلیٰ تے سخی ہے علی مولا
علی علم دا باب کریم حیدر

خیبر شکن تے مشکل کشا صفدر
شہنشاہاں دا شاہ عظیم حیدر

اخى مصطفیٰ مجتبیٰ مرتضیٰ اے
تاج زہراء تے کوثر قسیم حیدر

شہنشاہ ولایت تے شاہ مرواں
اول پاس امام رحیم حیدر

غالب غالبان تے حاکم خاکماں تے
جرات حیدری جگ تے چھائی ہوئی اے

سوئے مصطفیٰ توں سناری حکمرانی
علی مرتضیٰ دے حصے آئی ہوئی اے

چاہوے علی حقیر گدا گراں دے
سرتے تاج ولایت دے پا دیوے

سائل کرے سوال ہے پتراں دا
نال- خوشی دے ہتھ پھڑا دیوے

وکنناں پوے ہے آپ نوں وک جاوے
شربت قاتل دے تائیں پلا دیوے

منگے کوئی خیرات نماز اندر
مندر دین لئی ہتھ پھیلا دیوے

دیوے بخش قطاراں اک ناں بدلے
درتے آئے سوالی نوں ٹالدا نہیں

جیہڑا منگتا علی توں منگ لیندا
ذات مند او فیر سوالدا نہیں

غوث پاک اتے فیض علی دا اے
فیض پاک محمد ﷺ دا علی اتے

فیض علی دا داتا ججویر اتے
بڑا کرم اے زہراء دی کلی اتے

پاکپتن اتے اتے اجمیر شریف اتے
کلیئر ولی شریف دی گلی اتے

بناں مصطفیٰ پاک دی لہر باہجوں
ہوندا کرم نہیں کسے وی ولی اتے

جدوں علی دی ولی تے مہر لگے
ولی اُجڑے چمن وسا دیندا

منگتا علی دا آکھ کے قمہ باذنی
جگ جاندا مردے جگا دیندا

غوث قطب ابدان تے ولی سارے
منگتے پیر اسعد اللہ دی گلی دے نہیں

رنگ جیہڑے دو یاراں وچہ نظر آون
ایہہ تے دان سارے مولا علی دے نے

من کنت مولا فرمان نبوی
اچے مرتبے ولیاں دے ولی دے نہیں

مرحب عنتر نون چیر دوکھن کرنا
واہ واہ معرکے علی دی تلی دے نہیں

حب علی دی خاص نجات دا پھل
نقطہ عارفاں نے ایہو دسیا اے

اوپدی نہیں سردار شفاعت ہونی
جیہڑا علی دے پیار توں نسیا اے

اور!

مولا علی دی ہور کیہ شان پچھنا ایں
کرے کرم تے کنڈے نوں کلی کردا
مولا علی دا لگدا کجھ وی نہیں
جیہڑا غیر اگے جا کے تلی کردا
مولا علی چاہندے جسدا بھلا ناصر
اللہ پاک وی اوس دی بھلی کردا

منکر سر ڈا علی رضی اللہ عنہ دا ناں سن کے
ستی ہر ویلے علی رضی اللہ عنہ علی رضی اللہ عنہ کردا

اور!

اوہنوں تھوڑ نہ کوئی رب دیونے جیہڑا ورد پکاوے علی رضی اللہ عنہ علی رضی اللہ عنہ
ہر آئے ہوئے طوفاناں توں مینوں آن بچاوے علی رضی اللہ عنہ علی رضی اللہ عنہ

اوہنوں پاک رسول مصلیٰ اللہ علیہ وسلم دا ویر آکھو اوہنوں ہر سنی دا پیر آکھو
ٹھنڈ پیندی بلدے سینے نوں جدوں لب تے آوے علی رضی اللہ عنہ علی رضی اللہ عنہ

سب دی بلندی پستی تے ہر دل دی نازک تختی تے
میرا دل کردا اے تھاں تھاں تے ہن لکھیا جاوے علی رضی اللہ عنہ علی رضی اللہ عنہ

ہن لکھ دیو سب کتاباں وچ کرو شامل درس نصاباں وچ
میں ہر استاد نوں آکھاں گا بچیاں نوں سکھاوے علی رضی اللہ عنہ علی رضی اللہ عنہ

اوتھے دکھ دا سایہ پیندا میں اوہدے گھر وچ غم کوئی ریندا میں
جیہڑا اپنے گھر دی اٹ اٹ تے اک نام لکھاوے علی رضی اللہ عنہ علی رضی اللہ عنہ

اودھوں ٹٹیا سی در خیر دا جدوں وجیا نعرہ حیدر دا
اودھی کنڈ نہیں کوئی لاسکدا جیہڑا نعرے لاوے علی رضی اللہ عنہ علی رضی اللہ عنہ

اودھوں ناصر عاشق مندا اے جیہڑا عاشق نجف دے چن دا اے
جدوں رات ہنیری پے جاوے آچانن لاوے علی رضی اللہ عنہ علی رضی اللہ عنہ
نعرہ حیدری..... یا علی رضی اللہ عنہ

صَلَّى اللهُ عَلَى النَّبِيِّ الْأُمِّيِّ وَاللَّهِ وَبَارِكْ وَسَلِّمْ

ارباب علم و دانش!

ہدیہ نعت پیش کرن وی سعادت حاصل کرن گے اج وی محفل دے
آخری ثناء خواں بابائے نعت..... صدارتی ایوارڈ یافتہ میری مراد جناب
الحاج مرغوب احمد ہمدانی صاحب نہیں..... آؤ نعرہ لگا کے استقبال
کریئے.....

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

نقابت نمبر: 7

بِسْمِ اللّٰهِ الرَّحْمٰنِ الرَّحِیْمِ

نَحْمَدُكَ وَنُصَلِّیْ وَنُسَلِّمُ عَلٰی رَسُوْلِكَ الْكَرِیْمِ

اَمَّا بَعْدُ

فَاعُوْذِبُ بِاللّٰهِ مِنَ الشَّیْطٰنِ الرَّجِیْمِ

بِسْمِ اللّٰهِ الرَّحْمٰنِ الرَّحِیْمِ

قَالَ اللّٰهُ تَعَالٰی فِی الْقُرْآنِ الْمَجِیْدِ وَالْفِرْقَانِ الْحَمِیْدِ

اِنَّ اللّٰهَ وَمَلَائِكَتَهُ یُصَلُّوْنَ عَلَی النَّبِیِّ یٰ اَیُّهَا الَّذِیْنَ

اٰمَنُوْا صَلُّوْا عَلَیْهِ وَسَلِّمُوْا تَسْلِیْمًا

صَدَقَ اللّٰهُ الْعَظِیْمُ

الصَّلٰوَةُ وَالسَّلَامُ عَلَیْكَ یَا سَیِّدِیْ یَا رَسُوْلَ اللّٰهِ

وَعَلٰی اٰلِکَ وَاَصْحَابِکَ یَا سَیِّدِیْ یَا حَبِیْبَ اللّٰهِ

الصَّلٰوَةُ وَالسَّلَامُ عَلَیْكَ یَا سَیِّدِیْ یَا رَحْمَةَ الْعٰلَمِیْنَ

الصَّلٰوَةُ وَالسَّلَامُ عَلَیْكَ یَا سَیِّدِیْ یَا شَفِیْعَ الْمُنٰدِیْنَ

عزیز دوستو! نوجوان ساتھیو! بچو اور بزرگو!

پردہ نشین میری ماؤں، بہنوتے بیٹیو!

السلام علیکم ورحمۃ اللہ وبرکاتہ!

تمام حمد ان اللہ رب قدوس دی ذات بابرکات واسطے نہیں اور دورد
پاک..... صاحب لولاک، احمد مجتبیٰ محمد مصطفیٰ ﷺ دی ذات بابرکات
واسطے نہیں۔

ارباب علم و دانش!

الحمد للہ ثم الحمد للہ ارج اسی سارے ولی کامل دی بارگاہ اندر موجود آں اور
یقیناً ایہہ بہت بڑی سعادت دی بات اے..... اور الحمد للہ 12 واں سالانہ
عرس پاک دی تقریبات جاری و ساری نہیں..... اللہ پاک توں دعا اور التجا
اے کہ مالک کائنات سانوں سب نوں ولی کامل..... پیر طریقت، رہبر
شریعت..... گنج کرم حضور سیدی خواجہ صوفی معراج دین چشتی صابری لاج پال
سرکار دی نظر و فیض نصیب فرمائے..... اور ارج دی حسین اور دینشین محفل
پاک دی صدارت فرمائے نہیں..... پیر طریقت، رہبر شریعت، ولی ابن
ولی حضور خواجہ مخدوم پیر اصغر علی چشتی صابری دامت برکاتہم العالیہ آپ
تشریف فرمائیں..... اللہ پاک آپ دافیض گرامی جاری و ساری فرمائے
..... اور جملہ معتقدین دی عقیدت سلامت فرمائے:

ارباب علم و دانش!

میں اپنی نقابت دا آغاز حمد باری تعالیٰ نال کرن دی سعادت حاصل
کراں گا..... جیہڑی بات اچھی لگے تساں ساریاں نے آکھناں
اے..... سبحان اللہ

اُچی آکھو..... سبحان اللہ

کوئی عمل نہیں چھدا کول میرے کس گل تے میں کراں ناز مولا
تیرے کرم تھیں مالکا ٹری جاناں توں بڑا ایں کرم نواز مولا

نہ توں شرع شریعت نوں ویکھنا ایں نہ ویکھنا ایں سوز و گداز مولا
آوے موج تے بخش دینا ایں کتیاں نوں تیریاں بے نیازیاں بے نیاز مولا

کرے عمل اچھے بھاویں لکھ واری اچی بولے تے دینا ایں دھتکار مولا
کئی چوراں نوں کرنا ایں قطب مولا کئی قطباں نوں چڑھا دینا ایں دار مولا

کہیاں دا نام و نشان مٹا دینا ایں کہیاں ٹڈیاں نوں دینا ایں تار مولا
آوندی سمجھ نہیں تیریاں حکمتاں دی گہیاں عقلاں زمانے دیاں ہار مولا

کتے نائب و لقب عطاء کرنا ایں کتے جنتوں دینا ایں اتار مولا
کتے غیراں توں اقرار کر دینا ایں کتے اولاد توں کرانا ایں انکار مولا

کتے بیڑا نبی و اصاف کران بدلے کر دینا ایں مخلوق بیمار مولا
کتے مخلوق دے کھان بدلے پکے پکائے کھانے دینو ایں اتار مولا

آؤندی سمجھ نہیں تیریاں حکمتا دی گھیاں عقلاں زمانے دیاں ہار مولا
کتھے کھوہ دے وچ سٹوا دیناں ایں کتھے مصر دا بنانا ایں تاجدار مولا

کتے ویکھیا بھکھ مٹا دیناں ایں کتے ائی نال کرانا ایں حسن بیو پار مولا
کتے آدم نوں پیا حکم کرنا ایں آپ طریقے دسنا ایں استغفار مولا

کتے کیڑے تن دے وچ پا دینا ایں کرے تیرے نال جیہڑا پیا مولا
آؤندی سمجھ نہیں تیریاں حکمتا دی گھیاں عقلاں زمانے دیاں ہار مولا

باپ نوں کہنا ایں بیٹے نوں ذبح کر دے تیریاں قدرتاں پروردگار مولا
باپ بیٹے دی نیت نوں ویکھ کے تے چھری نوں وی کرن نہیں دیندا وار مولا

توں رحیم مولا توں کریم مولا بے مثل مولا بے مثال مولا
بخشش ہونی مستانے جے عاصیاں دی بس تیرے ہی کرم دے نال مولا

اور!

خلیل اللہ دی واری تے رب سائیں توں نارنمرو دونوں گلزار بنا دتا
لوڑ پانی دی پکی جے اسماعیل تائیں توں آب زم زم دا چشمہ چلا دتا

چھری چلی اسماعیل دے حلق اتے توں ذبح اللہ دا لقب فرما دتا
 دوش نبوت تے جے حسین رضی اللہ عنہ بیٹھے توں سجدہ دراز کرا دتا
 اور میرے مولا!

توں رحیم کریم تے عظیم ربا تیرے اگے ہاں اسی فریاد کرو دے
 ذکر فکر دی دے کے توفیق سانوں ساڈے دل دی نگری آباد کرو دے

ساڈیاں سوچاں نوں طہارت عطاء کر کے ساڈے سینیاں نوں مولا شاد کرو دے
 بے اولاد دے جنھے جہان اندر صدقہ نبی دا صاحب اولاد کرو دے

تینوں تیری ربوبیت دا واسطہ ای کوئی ساڈی غیبی امداد کرو دے
 جہاں جہاں چیکر زندگی مستانیاں دی تیرے نبی دارہن میلاد کرو دے
 اور!

اس محفل جئی ہور نہیں کوئی محفل جتھے ذکر رسالت مآب ہووے
 پڑھی جاوے حضور دی نعت یا پھر کسے عالم دا کوئی خطاب ہووے

اوتھے اللہ دی برس دی جو رحمت کسے حسابی کولوں نہ اوہدا حساب ہووے
 اوس جگہ تے مستانیاں سال پورا کوئی نازل نہ کدی عذاب ہووے
 صَلَّى اللهُ عَلَى النَّبِيِّ الْأَمِيِّ وَالْإِيْمَةِ وَبَارِكْ وَسَلِّمْ

ارباب علم و دانش!

تلاوت کلام پاک پیش کرن دی سعادت حاصل کرن گے
خوبصورت اور منفرد انداز دے مالک قاری قرآن عالمی شہرت
یافتہ فخر القراء نجم القراء شمس القراء جناب قاری محمد رفیق
نقشبندی صاحب

آؤ بلند آواز نال نعرہ لگا کے استقبال کریئے..... کوئی لب کوئی زبان
خاموش نہ رہوے

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب قاری محمد رفیق نقشبندی صاحب خوبصورت اور دلنشین انداز
وچ تلاوت کلام پاک پیش فرما رہے سن..... انج لگ ریاسی جیویں
باران رحمت دانزول ہو ریاسی اللہ پاک قبلہ قاری صاحب دی آواز اور
گداز اندر برکتاں اور ترقیاں عطاء فرمائے اور سانوں سب نوں قرآن
پڑھن دی اینوں سمجھن دی تے اوہدے احکامات تے عمل کرنے دی
توفیق عطاء فرمائے.....

(آمین)

ارباب علم و دانش!

سلسلہ نعت خوانی شروع کرن تو قبل چند قطعات میلاد مصطفیٰ کریم ﷺ

دے حوالے نال پیش کرنا واں بڑی محبت اور عقیدت نال سماعت فرماؤ
اور اپنے ایماناں نوں تازہ کرو

شاعر لکھدا اے

اوہدی یاد اسی اج منا رے آں
جیدے لئی کائنات سجائی گئی اے
رستہ ویکھدے رے جیدا نبی سارے
اوہ ذات تشریف لیائی ہوئی اے
ایس محفل نوں اینویں نہ سمجھ بیٹھیں
ٹولی نوریاں دی اتھے آئی ہوئی اے
ناصر شاہ اوہ محفلاں کری جاندے
ڈیوٹی آقا نے جہاں دی لائی ہوئی اے

اور!

ماہی آیا آتے آیا بہار موسم
طار گیت بہار دے گان لگے
جہاں پنچھیاں نوں خزاں دکھ دتے
اوہ دی خوش ہو کے مسکران لگے
فریدی کعبے دی چھت تے کھڑے ہو کے
جبرائیل پیغام شان لگے

مرجبا آکھو . مرجبا آکھو
کملی والے ﷺ تشریف لیان لگے

اور!

جھکدا پیا اے عرش وی فرش ولے
رکھن کون غریباں دی لج آیا
پاویں شاہ تے پاویں گدا ہے سی
کاسہ لے کے بوہے تے بھج آیا
ایسا کرم کریم کمال کیتا
گیا جو خالی رنج رنج آیا
ناصر صدیاں بعد وی انج لگدا
جیویں سوہنا زمانے تے اج آیا

اور!

ایہہ دھرتی نہ ہندی نہ آسماں ہندا
جے پیدا نہ عرشاں دا مہمان ہندا
نہ شمس و قمر کہکشاں نہ ستارے
نہ جنت نہ جنت دا سامان ہندا

ایہہ جلوے ایہہ منظر ایہہ رنگین نظارے
محمد ﷺ دے ہونے تھیں ہونے نے سارے

تے چن اوہدی انگلی تے نچ نچ دکھاوے
 جدھر کملی والے ﷺ دا فرمان ہندا
 اوہ ہر شے دا جوہر تے اصل دو عالم
 اوہ آدم بھی ہے پر ہے آدم توں اقدم
 سورج نہ ہندا نہ ہندیاں شعاعواں
 بناں نچ کیوں گلستان ہندا

ٹھکانا نہ کر جھلیا محدود اس دا
 ہے ہر ذرے وچ نور موجود اس دا
 ہے پتے دی رگ رگ چہ جوہر دا جلوہ
 توں کیوں ایویں جاندا ایں حیران ہندا

خدا کیتا مختار کل مصطفیٰ ﷺ نوں
 غلام اوہدا کامل نہ ایمان ہندا
 جو حاکم نہ منے حبیب خدا نوں
 کدی اوہدا کامل نہ ایمان ہندا

کرم جے نہ ہندا میرے مصطفیٰ ﷺ دا
 نہ لگدا پتہ ابتدا انتہاء دا

نہ یوسف نگینہ لٹاندا نگینے
 نہ مضمون ہندا نہ عنوان ہندا
 صَلَّى اللهُ عَلَى النَّبِيِّ الْأُمِّيِّ وَالْإِلهِ وَبَارِكْ وَسَلِّمْ
ارباب علم و دانش!

نعت رسول مقبول ﷺ پیش کرن دی سعادت حاصل کرنے گے
 خوبصورت انداز دے مالک ثناء خوان..... الحمد للہ ملک پاکستان دے کونے
 کونے وچ گونجھن والی آواز میری مراد الحاج محمد عرفان حیدری صاحب نیں
 آؤ بلندا آواز نعرہ لگا کے استقبال کریے
 نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب الحاج محمد عرفان حیدری صاحب گلدستہ نعت پیش فرما رہے
 سن..... اللہ پاک آپ دہی آواز اور گداز اندر برکتاں عطا فرمائے
 آپ نے کلام پیش کیا

نصیباً کھول دے میرا میں ویکھاں روضہ تیرا

بلالے مینوں وی درتے میں ویکھاں روضہ تیرا

ارباب علم و دانش!

فخر پاکستان الحاج محمد اعظم چشتی رحمۃ اللہ علیہ فرمادے نیں

سنو جے میرے دکھڑے تے سناواں یا رسول اللہ ﷺ
جے آکھوتے مدینے میں وی آواں یا رسول اللہ ﷺ

میں اپنے شوق نوں ویکھاں کہ اپنے آپ نوں ویکھاں
میں کیہڑے مان تے گھروچ بلاواں یا رسول اللہ ﷺ

بڑا چاہ اے زیارت دا بڑی حسرت ہے ویکھن دی
کدی آووتے اکھیاں تے بٹھاواں یا رسول اللہ ﷺ

کدوں صورت دکھاؤ گے کدوں حسرت مٹاؤ گے
کتے ویکھن توں پہلوں مرنہ جاواں یا رسول اللہ ﷺ

تساڈے ذکر وچ گزری اے ساری زندگی میری
تساڈے عشق وچ دنیا توں جاواں یا رسول اللہ ﷺ

میں نظراں نیویاں کر کے پھراں میدان محشر وچ
خدا دے سامنے کیہ منہ دکھانواں یا رسول اللہ ﷺ

بناں دیدار میں وارو کوئی اعظم دے درواں دا
میں کر کے ویکھیاں لکھاں دواواں یا رسول اللہ ﷺ

اورا

تیرے نام دی مالا گل پا کے تیرا نام پکاراں ساری عمر
تیرے ناں لا دیواں جندا اپنی تیرے ناں توں میں واراں ساری عمر

ہر وقت رواں میں نظراں وچ جی کر دا اے تیریاں قدماں وچ
تیرا نوکر بن کے بہہ جاواں تیرے درتے گزاراں ساری عمر

میںوں تیرے زیر دست آکھن میںوں لوکی تیرا مست آکھن
تیرے گیت الاپن بس آقا میرے دل دیاں تاراں ساری عمر

رضی اللہ سارا جگ آکھے میں راضی ہو گیا رب آکھے
میرے یارنوں راضی رکھیا اے میرے یار دے یاراں ساری عمر

تیرے شہری دی خاک چہرل جاواں جی کر دا اے ہر شے بھل جاواں
تیری آل دا ذکر اذکار کراں تیرے نعرے ماراں ساری عمر

میں آکھیا سی بس اک واری لچپلا سن میری زاری
 نہیں دتا رون فاروقی فیر مینوں سرکاراں ساری عمر
 اور عقیدہ سنوتے اپنے ایمان تازہ کرو!

نبوت دا نگینہ وی تسی او یا رسول اللہ ﷺ
 امنگاں دا سفینہ وی تسی او یا رسول اللہ ﷺ

مروت دا قرینہ وی تسی او یا رسول اللہ ﷺ
 عطاواں دا خزینہ وی تسی او یا رسول اللہ ﷺ

اے مکہ وی مدینہ وی تسی او یا رسول اللہ ﷺ
 غریباں دا سہارا وی تسی او یا رسول اللہ ﷺ

اے کشتی وی کنارہ وی تسی او یا رسول اللہ ﷺ
 بے درداں دا چارہ وی تسی او یا رسول اللہ ﷺ

مقدر دا ستارہ وی تسی او یا رسول اللہ ﷺ
 گلستان تے نظارہ وی تسی او یا رسول اللہ ﷺ

ساڈی شان و شوکت وی تسی او یا رسول اللہ ﷺ

عدالت وی شفاعت وی تسی او یا رسول اللہ ﷺ

بصیرت وی بصارت وی تسی او یا رسول اللہ ﷺ

اذان کلمے تلاوت وی تسی او یا رسول اللہ ﷺ

نسب دے وچ عالی وی تسی او یا رسول اللہ ﷺ

حسب دے وچ مثالی وی تسی او یا رسول اللہ ﷺ

غریباں دے والی وی تسی او یا رسول اللہ ﷺ

ایس چمن دے مالی وی تسی او یا رسول اللہ ﷺ

اور پیر سیدنا صر شاہ صاحب فرماندے نیں!

ہو جا بجنا سیٹ مدینے کرہاں ذرا کنٹیکٹ مدینے

آل نبی دا نوکر بن کے ہووے گی رسپیکٹ مدینے

اسی نہیں آسے پاسے جانا جاواں گے ڈائریکٹ مدینے

ساری عمر ادھورے ریندے ہو جان جیہڑے رجیکٹ مدینے

جنت کلن دے لئی آقا کر دے خود سلیکٹ مدینے

ناصر شاہ سب قسمت وچوں نکل جان گے ڈیفکٹ مدینے

صَلَّى اللهُ عَلَى النَّبِيِّ الْأُمِّيِّ وَالْإِهِّ وَبَارِكْ وَسَلِّمْ

ارباب علم و دانش!

نعت رسول مقبول ﷺ پیش کرن دی سعادت حاصل کرن گے
خوبصورت اور خوش الحان آواز دے مالک ثناخوان الحمد للہ ساڈی مرکزی
محافل دی جان و شان میری مراد جناب صوفی رفیق نقشبندی صاحب نہیں
آؤ بلند آواز نعرہ لگا کے استقبال کریئے:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

صوفی رفیق نقشبندی صاحب گلدستہ نعت پیش فرما رکے سن..... اللہ
پاک آپ دی آواز اور گداز اندر برکتاں پیدا فرمائے..... اور سانوں سب
نوں ذکر مصطفیٰ کریم ﷺ دی لذت و چاشنی عطا فرمائے:
ارباب علم و دانش:

اپنے اقتباسات و چون میلاد مصطفیٰ کریم ﷺ دا تذکرہ کرنا واں
بڑی محبت و عقیدت نال سماعت فرماؤ..... اور اپنے ایمان نوں تازہ کرو!
اک مائی مدینے دیاں وایاں وچ
گٹھڑی بنھ کے راہ تے کھڑی ہوئی سی

ڈبی ہوئی سی سوچ وچار اندر

انج جا پیدا غماں نے پھڑی ہوئی سی

غصے نال بھرپور سی نظر آوندی
شاند نال مقدران لڑی ہوئی سی

گل وچ کھڑی سی کفر دا ہار پا کے
شان حق دی دیکھ کے سڑی ہوئی سی

بختاں ماری دے جاگ پئے بخت فوراً
کھلا کرم دا باب سرکار ﷺ آ گئے

ڈبیا مدتاں دا بیڑا ترن رگا
نبیاں مرسلان دے تاجدار ﷺ آ گئے

آکے پچھیا حضور ﷺ نے نال شفقت
کیوں وچ اجاڑ دے کھڑی ہوئی این

تھر تھر کندی پئی این وچ غصے
کیڑیاں مشکلان دے اندر لڑی ہوئی این

بھارا بھارتے جان کمزور تیری
کاہنوں غماں دے بحر وچہ وڑی ہوئی این

بیابان کیوں ملیا ای دس مائیے
کیدے نال مائیے دس لڑی ہوئی این

رو کے کہن لگی جیویں حشر توڑی
غم جگر کلیجڑا کھا گیا اے

چادو گراں دا گرو اک نام احمد رضی اللہ عنہ
سنیاں شہر اساڈڑے آ گیا اے

بچہ رب جیہڑے ساڈے وڈیاں دے
اوہناں رباں نوں برا مناوئدا اے

جیہڑا اکواری اوہنوں ویکھ لیندا
تن من اپنا گھول گھماوئدا اے

سڑے ہوئے درخت اگائی جاندا
کلمہ پتھراں تائیں پڑھاوندا اے

اک رب ان دیکھیا وس دا اے
اوپدے جیڈ نہیں کوئی مناوندا اے

نکل چلی آں میں ڈر دی اوس کولوں
متاں دیکھ مینوں جادو پا دیوے

جنہوں پوجدا آپ اے دن راتیں
مینوں اوس دھیانے نہ لادیوے

پیکہ پنڈ ہے ایسھوں کچھ دور بچہ
اوتھے جا کے کراں گزران اپنا

جاواں بیچ محمد ﷺ دے جادوواں توں
رکھاں سانبھ کے دین ایمان اپنا

نہ اوہ ملے مینوں نہ میں ملاں اوہنوں
کر کے رکھاں گی بند مکان اپنا

ہن میں سوچتی آں ہووے خیر تیری
لے کے کس طرح ٹراں سامان اپنا

ہس پے حضور ﷺ تے فرمان لگے
مینوں بھار چکا میں چھوڑ آواں

وروی سمجھ مینوں مایے فکر نہ کر
پیکے پنڈ پہنچا کے توڑ آواں

بھار چکيا سرور انبیاء ﷺ نے
مائی خوش ہو کے ٹری جاوندی اے

مندے بولدی بول پی منہ آئے
کئی کئی مضمون بناوندی اے

مٹاں آوے جادو گھت جاوے
پچھاں پرت کے جھاتیاں پاوندی اے

گھر پہنچ گئی تے لگے ٹرن حضرت
بڑے پیار دے نال سمجھاوندی اے

رہوے نام روشن بچہ حشر توڑی
نیویں نظر کر کے سدھا راہ جاوین

میری آئیں نصیحت نون یاد رکھیں
توں نہ قابو محمد ﷺ دے آ جاوین

لگے کہن حضور ﷺ پر نور سرور
مائیے حل میں تیرے سوال داہاں

میرا نام محمد ﷺ ہاں میں
سچا نبی ﷺ ذوالجلال دا ہاں

جادو سمجھ جاں ایس نوں حق سمجھیں
بھار چک کے تے لجاں پالدا ہاں

سرتے جھلیاں ہوئیاں اندھیریاں نوں
لگے پلک نہ سر توں ٹالدا ہاں

میرے بعد کوئی نبی نہیں ہو ر آوناں
ضامن میں مائیے بھارے بھار وا ہاں

ڈبیاں ہوئیاں جہالت دے بحر اندر
نال نظر دے بیڑیاں تار وا ہاں

مائی کفر دے پروچوں باہر آئی
ڈگی قدماں دے آتے پکار دی اے

میں قربان جاواں سچیا مہر باناں
تیری نظر پئی بیڑیاں تار دی اے

شانان والیاں شان دا انت کوئی نہیں
اچی شانان چوں شان سرکار ﷺ دی اے

کلی والیا ﷺ معاف کرج پر دے
مجرم کھڑی پئی عرض گزار دی اے

کلمہ پڑھے مائی نالے قدم چھے
گھڑیاں آ گئیاں سدا بہار دیاں

روز حشر دا یا شافعا واسطہ ای
شرماں رکھ لئیں شاعر سرور دیاں
صَلَّى اللهُ عَلَى النَّبِيِّ الْأُمِّيِّ وَاللَّهِ وَبَارِكْ وَسَلِّمْ
ارباب علم و دانش!

آخرتے محفل سماع دا منظر پیش کرن گے عالمی شہرت یافتہ شہنشاہ قوالی
جناب قاری وحید چشتی صاحب فیصل آباد توں تشریف لیائے نہیں آؤ نعرہ لگا
کے استقبال کریے

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

نقابت نمبر: 8

بِسْمِ اللّٰهِ الرَّحْمٰنِ الرَّحِیْمِ

نَحْمَدُهُ وَنُصَلِّي وَنُسَلِّمُ عَلٰی رَسُوْلِهِ الْكَرِیْمِ

اَمَّا بَعْدُ

فَاعُوْذِبُ بِاللّٰهِ مِنَ الشَّيْطٰنِ الرَّجِیْمِ

بِسْمِ اللّٰهِ الرَّحْمٰنِ الرَّحِیْمِ

قَالَ اللّٰهُ تَعَالٰی فِی الْقُرْاٰنِ الْمَجِیْدِ وَالْفِرْقَانِ الْحَمِیْدِ

اِنَّ اللّٰهَ وَمَلَائِكَتَهُ يُصَلُّوْنَ عَلٰی النَّبِیِّ یٰ اَیُّهَا الَّذِیْنَ

اٰمَنُوا صَلُّوا عَلَیْهِ وَسَلِّمُوا تَسْلِیْمًا

صَدَقَ اللّٰهُ الْعَظِیْمُ

الصَّلٰوةُ وَالسَّلَامُ عَلَیْكَ یَا سَیِّدِیْ یَا رَسُوْلَ اللّٰهِ

وَعَلٰی اٰلِکَ وَاَصْحَابِکَ یَا سَیِّدِیْ یَا حَبِیْبَ اللّٰهِ

الصَّلٰوةُ وَالسَّلَامُ عَلَیْكَ یَا سَیِّدِیْ یَا مَرْحَمَةَ الْعٰلَمِیْنَ

الصَّلٰوةُ وَالسَّلَامُ عَلَیْكَ یَا سَیِّدِیْ یَا سَفِیْعَ الْمَلٰٓئِکِیْنَ

عزیز دوستو! نوجوان ساتھیو! بچو اور بزرگو!

پروہ نشین میری ماؤں، بہنوتے بیٹو!

السلام علیکم ورحمتہ اللہ وبرکاتہ!

تمام حمداں تمام ثناواں..... تمام تعریفاں اللہ رب کائنات دی ذات
 بابرکہ واسطے نیں اور درود اوہدے پیارے نبی مکرم..... شفیع معظم تاجدار
 ارض و سماء..... سید الانبیاء احمد مجتبیٰ..... محمد مصطفیٰ ﷺ دی ذات بابرکہ واسطے
 نیں..... اللہ رب کائنات دا کروڑہا احسان اے..... جیدے فضل و کرم دے
 نال الحمد للہ ہر سال دی طرح آج ایہہ خوبصورت بزم سجا کے بیٹھے آں.....
 میری اللہ کریم توں دعا اے کہ مالک کائنات ساڈی حاضری اپنی بلند و عظیم بار
 گاہ اندر قبول و منظور فرمائے..... میں اتنی خوبصورت محفل سجان تے مبارکباد
 پیش کرناواں..... جناب الحاج میاں محمد اکرم ناز صاحب چیئرمین ناز
 مارکیٹ ٹاؤن شب مین بازار اور مبارکباد پیش کرناواں انجمن تاجران مین
 بازار مدینہ مارکیٹ ٹاؤن شب مین جہاں نے ایس حسین و جمیل بزم دا انعقاد
 کیتا..... دعا ہے اللہ رب کائنات ساڈی سب دی حاضری قبول فرمائے اور
 ایس پوری مارکیٹ تے سارا سال رزق دی کثرت نصیب فرمائے۔
ارباب علم و دانش!

دعا یہ کلمات دے نال اپنی نقابت دا آغاز کرناواں..... محبت اور
 عقیدت نال سماعت فرماؤ اور آمین دی صدا بلند کرناں..... کیہ پتہ کیدے
 منوں ایہہ کلمات نکلن تے سب دا بیڑا پار ہو جاوے..... اللہ ساڈی
 مناجات قبول و منظور فرمائے..... (آمین ثم آمین)

اے میرے مولا توں رحیم وی ایں..... توں کریم وی ایں

مولاجن جلالہ

روے دین محمد ﷺ دا بول بالا

مولا عالی دربار دانہ واسطہ ای

جیویں لنگھ سدرہ تیرا یار ٹریا

اوس بانگی رفتار دا واسطہ ای

جھتے بیٹھ صدیق رضی اللہ عنہ نے دکھ ونڈے

اوس ڈونگی جئی غار دا واسطہ ای

عادل عمر فاروق رضی اللہ عنہ دا واسطہ ای

پاک جے دستار دا واسطہ ای

جھتے بیٹھ قرآن نوں جمع کیتا

عثمان رضی اللہ عنہ باوقار دا واسطہ ای

جیہڑا شب ہجرت ستا بستری تے

مولا حیدر قرار دا واسطہ ای

ابو ذر سلمان تے بلال حضرت

خواجہ اولین قرنی دا واسطہ ای

جیہڑی سامنے کفر دے چمکدی رئی

تینوں اوس تلوار دا واسطہ ای

کر دے کرم غریب سردار اتے

مکی مدنی سرکار ﷺ دا واسطہ ای

دعا یہ کلمات نہیں!

سارے احباب ہتھاں نوں بلند کر کے کشتکول بنا کے التجا

پیش کرو یقیناً میرے آقا ﷺ دی نظر ہووے گی اور سب دا

بیڑا پار ہووے گا کوئی لب کوئی زبان خاموش نہ رہوے مل

کر آکھو

کر دے کرم اساندے حال اے

مولاتوں رحیم این مولاتوں کریم این

کر دے کرم اساندے حال اتے

مکی مدنی سرکار ﷺ دا واسطہ ای

صَلَّى اللهُ عَلَى النَّبِيِّ الْأُمِّيِّ وَالْإِهْ وَبَارِكْ وَسَلِّمْ

ارباب علم و دانش!

تلاوت کلام پاک پیش کرن دی سعادت حاصل کرن گے..... عالمی شہرت یافتہ قاری، فخر پاکستان انٹرنیشنل ریکارڈ ہولڈر پی ٹی وی ٹیلی ویژن وی ممتاز و معروف آواز الحمد للہ عرب و امارات دی شان قاری فخر القراء نجم القراء..... شمس القراء زینت القراء امام القراء..... شان القراء میری مراد جناب الحاج قاری سید صداقت علی قادری صاحب نہیں..... آؤ جتنا بلند نام اتنا بلند آواز نعرہ بلند کرنا ایں

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب قاری سید صداقت علی قادری صاحب تلاوت کلام پاک پیش کرن دی سعادت حاصل کر رہے سن..... اللہ پاک آپ دی آواز اور گداز اندر برکتاں پیدا فرمائے..... اور سانوں سب نوں قرآن پڑھن دی اور ایسوں سمجھن دی تے اوہدے رموز و اسرار اور احکامات اتے عمل کرن دی توفیق عطا فرمائے..... (آمین ثم آمین)

ارباب علم و دانش!

سلسلہ نعت خوانی شروع کرن توں قبل میلاد مصطفیٰ کریم صلی اللہ علیہ وسلم دے حوالے نال چند اقتباسات پیش کرنا واں انتہائی محبت اور عقیدت نال سماعت کرو تے اپنے ایمان نوں وی تازہ کرو

ایہہ کون آیا جہدے آیاں بہاراں مسکرا پیاں
کھڑے نیں پھل تے کلیاں ہزاراں مسکرا پیاں

بڑی خوش بخت سی ڈاچی سواری کملی والے دی
حلیہ ہتھ جد پھڑیاں مہاراں مسکرا پیاں

کھڑے سن منتظر سارے نبی اقصیٰ دی مسجد وچ
امام الانبیاء آئے قطاراں مسکرا پیاں

پچھاں جبرئیل سدہ تے کھڑا حیران ہندا سی
اگاں لنگھیا نبی تے رہزاراں مسکرا پیاں

ظہوری بیکشاں نے شکر دے سجدے ادا کیئے
ادائے بے نوا سوچاں وچاراں مسکرا پیاں

اور!

مرحبا مرحبا آگے مصطفیٰ ﷺ جدھیاں راہواں بڑے ویکھدے رہ گئے
گووی چکيا حلیمہ نے سرکار ﷺ نوں نازاں والے کھڑے ویکھدے رہ گئے

کلی خوش بخت سی ابو ایوبؓ دی جتھے جا کے رکی ڈاچی محبوب دی
نیویاں دا پروہتا اے میرا نبی کوٹھیاں تے چڑھے ویکھدے رہ گئے

دتی نبیاں گواہی سی میثاق دی ویکھو عظمت ذرا شاہ لولاک دی
ایسی بولی سی امی نبی پاک ﷺ دی سب کتاباں پڑھے ویکھدے رہ گئے

یار پیارے جیہڑے پیار کر دے گئے عمر صدیقؓ فاروقؓ حیدرؓ جے
نیڑے بھاویں ابو جہل ورگے رہے اوہ نصیباں سڑے ویکھدے رہ گئے

عقل دے کولوں ہوئی کدوں رہبری عشق دے پچھے ٹریے تے منزل ملی
سوہنے دی گل منی تے تاں گل بنی اپنی گل تے اڑے ویکھدے رہ گئے

اللہ والے دی نسبت ظہوریؓ ملی حشر نوں لاج میری جتھے رکھ لئی
میرے ہنجواں دی جس ویلے قیمت پئی ہیرے موتی جڑے ویکھدے رہ گئے

اور!

سب توں اچی شان والا آ گیا

اچے رتبے پاؤن والا آ گیا

عاصیو سب شکر دے سجدے کرو
سب نوں سینے لان والا آ گیا

جھکیاں دے وچ وی دیوے بل گئے
روشنی ورتان والا آ گیا

بھار جہاں دا کسے نہ چکیا
اونہاں دی پنڈ چان والا آ گیا

رج رج عیدیاں منائیاں ساریاں
سبھناں دے غم کھان والا آ گیا

سب نبی معراج دی شب ویکھدے
عرشاں اتے جان والا آ گیا

کیوں ظہور کی حشر توں گھبرائیں توں
اوہ تیرا بخشان والا آ گیا

اور!

قرآن وسدا اے بڑائی حضور ﷺ دی
کیہڑا کرے گا مدح سرائی حضور ﷺ دی

قوسین دے مقام نے ایہہ راز کھولیا
اللہ ای جاندا اے رسائی حضور ﷺ دی

بن ویکھیاں جیدے تے کروڑاں شمار نیں
صورت خدا نے ایسی بنائی حضور ﷺ دی

جھولی چہ دو جہان دی دولت سمیٹ لئی
کئی اوہ مالدارسی دائی حضور ﷺ دی

اوتھے تے بایزید جے دم نہ سی مار دے
کتھے ظہوری کتھے گدائی حضور ﷺ دی

صَلَّى اللهُ عَلَى النَّبِيِّ الْأَمِيِّ وَالِإِلهِ وَبَارِكْ وَسَلِّمْ

ارباب علم و دانش!

نعت رسول مقبول ﷺ پیش کرن دی سعادت حاصل کرنے گے.....
خوبصورت آواز اور منفرد انداز دے مالک شاخوان..... الحمد للہ معروف اور

مصروف ترین آواز الحمد للہ ساڈی مرکزی محافل دی جان و شان میری مراد جناب صغیر احمد نقشبندی صاحب نہیں..... آؤ بلند آواز نال نعرہ لگا کے استقبال کریئے..... کوئی لب کوئی زبان خاموش نہ روے..... بلند آواز نال بولو:

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ

جناب صغیر احمد نقشبندی بھائی خوبصورت نعتیہ کلام پیش فرمائے سن..... اللہ پاک آپ دی آواز اور گداز اندر برکتاں پیدا فرمائے۔
ارباب علم و دانش

بہت ساری فرمائشی پرچیاں میرے کول پہنچیاں تہاڈی محبت، تہاڈا پیار، تہاڈا خلوص سرمٹھے تے..... واقعہ معراج دا فرمائشی کلام پیش کرن دی سعادت حاصل کراں گا..... جو الحمد للہ پورے پاکستان وچ فقیر دا حوالہ اور پہچان اے بڑی محبت اور عقیدت نال سنو..... انشاء اللہ سارا سال اہدی لذت تہاڈے قلوب واذہان وچ رہوے گی

اللہ نے عرش تے محبوب نون بلایا..... اور عاشق اور محبوب دے درمیان کچھ محبت دیاں گلاں ہوئیاں بڑی محبت اور عقیدت نال سماعت کرو اور اپنے ایمان نون تازہ کرو..... شاعر دا تخیل پیش کرناواں

جا کہ جبریل یار لیا میرا دید کرن نوں جی کروا
ہن یار نبی دے سو گئے نیں توں سدرہ تے بیٹھا کیہ کروا

دبے پیر توں اوتھے جانا ایں چم قدم توں یار جگانا ایں
کتے جاگ صدیق نہ فیر بیٹھے توں ادھی رات نوں کیہ کروا

جبریل نے حکم بجایا اے چٹ در اقدس تے آیا اے
پر نال جگایا سوہنے نوں بے ادبی کولوں سی ڈروا

اوتھے پیندا جلوہ نور داسی جس لکھ نہ چھڈیا طور داسی
اوتھے جانا کم حضور داسی ماہی جاندا نہ تے کیہ کروا

رب نے آکھیا عرش تے سجناں پیاروی گل کوئی کرے اج نہ
لوگ وچھان تیرے لئی سجاں میں تیرے تے رحمت پیجاں

نور دیاں نیں اچیاں چھلاں
میرے نال توں کر لے گلاں

سوہنے آکھیا پاک خدا یا مینوں این توں ولدار بنایا
جے توں کرنا مسئلہ حل اے میں تے کرنی اکو گل اے

کہ ہونا قبر وچ سخت اندھیرا اوتھے اونا خوف بھیرا
نس کے کس دے ڈر جائیگی میری امت ڈر جائیگی

نیا اے گنہگار اے مولا پر مینوں ایدھے نال پیارا اے مولا
توں بخشش دا اعلان سنا دے کوئی پکا اسٹامپ بنا دے

کہ نیڑے کوئی وی خوف نہ آوے ایناں توں کوئی ہتھ نہ لاوے
رب فرمایا سوہنیاں کانوں رونا ایں کیوں ہنجواں دے ہار پر ونا ایں

قبر دے وچ توں خود آ جاویں
سارے پرچے حل کروا ویں

تے جس دن آیا روزِ محشر میں دھو چھڈاں گا سارے دفتر
آپے ویکھ کھلو جاویں گا جو آکھیں گا ہو جاوے گا

میرے کول نہ ہاواں بھرتوں امت بارے فکر نہ کرتوں
جو ہوون گے کو بے مارے جو ہوون گے دوزخ تارے

ناصر سارے کالے بگے
توں لائیں جہاں اپنے اگے

پیار دے کر میں نقش دیاں گا !
تیرے ای صدقے بخش دیاں گا
فیر محبوب کائنات عرض کرن گے مولا:

جے ہے سن اے کملے چلے کیوں بدھے سن میرے پلے
یا ایہہ میرے نال ملا دے یا ایناں ٹوں میرے پچھے لادے

تے جے توں اج نہیں پانیاں چھلان فیر ایناں دے نال میں چلاں
تے جے گنہگاراں نہیں بچنا مولا فیر شیطان نے پچنا ایں مولا

رب فرمایا سوہنیاں کانوں رونا ایں کیوں ہنجواں دے ہار پرونا ایں
ٹولا ماہیا میریا چناں توں آکھیں تے میں نہ منان

تیرے روون دا اکو حل اے میرے آگے کیہڑی گل اے
توں لے جانال نصیباں مارے تیرے ناں توں واراں سارے

ناصر سارے کیر کے لے جا
گنہگار نہیں سجناں توں فیرو وی لے جا

سوہنے کہنا اللہ پائیں مل لو جنت وچ ٹھکانے
میرے ہندے ڈر دے کیوں او میں جاناں تے اللہ جانے

سوہنے کہنا مولا پیار نبھاون دے اے میرے نوکر سدھے جنت جاون دے
چنگے چنگے تیرے نہیں توں رکھ مولا پرانے گندے مندے میرے ولے آون دے

یاں توں یار وی یاری رکھ لے یاں فیرو دنیا ساری رکھ لے
رب فرمایا عرش تے آیاں ہر شے جانڈی واری رکھ لے

میں جیہڑی مخلوق بنائی توں اوہدی سرداری رکھ لے
ایہہ لے دنیا ایہہ لے جنت میں کیہ کرنی توں ساری رکھ لے

تے موسیٰ جے وی کہندے ٹر گئے سانوں وی درباری رکھ لے
تے سب دروازے بند کر ناصر بس پارولے اک باری رکھ لے
اور الحاج اعظم چشتی رحمۃ اللہ علیہ فرمادے نیں:

اج ماہی ساڈا عرشاں تے معراج مناون چلیا اے
اللہ نون اپنی امت دے دکھ درد سناون چلیا اے

اوہ محرم راز حقیقت دا سر پہن کے تاج شفاعت دا
اج راتوں راتیں بن ٹھن کے امت بختاؤن چلیا اے

اٹھو او خوش قسمت بیمارو سنو او خوش بخت گناہگارو
محبوب خدا بدکاراں دی بگڑی نون بناون چلیا اے

اوتھے طور دے اتے موسیٰ نون سی حکم نعلین اتارن دا
ایتھے جوڑیاں نال حبیب ساڈا اج عرش سجاون چلیا اے

جنہوں لوکی خاکی آکھدے سن جنہوں اپنے ورگا جاندے سن
اوہ خاکی ویکھو نوریاں نون اج سبق پڑھاون چلیا اے

اعظم معراج بہانہ اے دراصل اوہ والی عرشاں دا

دو نوران نون اک جا کر کے اج دوری مٹاون چلیا اے

صَلَّى اللّٰهُ عَلَي النَّبِيِّ الْاُمِّيِّ وَالِیْهِ وَبَارِكْ وَسَلِّمْ

ارباب علم و دانش!

نعت رسول مقبول پیش کرن دی سعادت حاصل کرن گے..... طوطی

پاکستان، بلبل چمنستان مدینہ الحمد للہ ساڈی مرکزی محافل دی جان و شان ہر

دل عزیز آواز..... معروف اور مصروف ترین ثنا خوان میری مراد جناب محمد

صہیب رضا قادری صاحب نیں..... آؤ بلند آواز دے نال نعرہ لگا کے

استقبال کریئے۔

نعرہ تکبیر..... نعرہ رسالت..... نعرہ حیدری..... نعرہ غوثینہ

ماشاء اللہ جزاک اللہ!

جناب محمد صہیب رضا قادری بھائی عارفانہ کلام پیش کر رہے

سن..... اللہ پاک آپ دی آواز اندر اور سوز و گداز اندر برکتاں

پیدا فرمائے

ارباب علم و دانش!

عارفانہ کلام پیش کرن دی سعادت حاصل کران گا محبت نال سماعت

فرماؤ اور اپنا ایمان تازہ کرو..... اے مکالمہ اے عقل اور عشق دے مابین.....

توجہ فرماؤ:

عقل اک دن عشق نوں کہن لگی وگڑے دیواں میں کم سنوار عشقا
ایس دنیا دے دھندے چلاو نے لئی مینوں خلقیا اے پروردگار عشقا

دامن میرے توں جیداوی ہے خالی اوہنوں آکھدے لوکی بیکار عشقاں
میرے نال مقابلہ کیہ تیرا میرے دم دے نال بہار عشقا

میرے صدقے زمانے دے سائسداناں توپاں ٹینک تے بم تیار کیتے
راہواں دسیاں میں انسان تائیں ایس انسان دے کم ہزار کیتے

میرے ویکھ کر شے جو مینوں راہبر مندا اے کدی بھلدا نہیں
میرے باہجھ زمانے وچ کوئی عقدہ کسے بے شعور توں کھلدا نہیں

میں ہاں رب دی اک انمول نعمت میرے باہج کوئی سوداوی تلدا نہیں
جگہ کوئی زمانے تے دس ایسی جھنڈا جس تھاویں میرا جھل دا نہیں

کئی مائی دے لال ایس دنیا تے میں تے ادنی توں اعلیٰ عظیم کیتے
افلاطون بقراة بو علی سینا تے لقمان جے پیدا حکیم کیتے

عالم حافظ تے لکھاں بنائے قاری تے ان گنت وزیر سلطان بن گئے
میرے ورگی چیز توں کم لے کے لوکی تاریاں دے راز دان بن گئے

رتی بھروی جہاں نوں ملی آں میں ایس دنیا وی جند جان بن گئے
طاقت بخشی اے مینوں رب سچے لوکی چن دے اج مہمان بن گئے

دامن جیدا وی میرے توں ہے خالی اوہدے دم اندر جانی دم کوئی نہیں
ناصر قدر نہیں کردا جو میری اوہدا ایس زمانے وچ کم کوئی نہیں
اور عشق جواب دیندا اے توجہ نال سماعت کرنا:

عشق آکھیا مفت توں کریں جھگڑے گلاں نال نہ بن ہشیار عقلے
فانی دھندے ایس فانی جہان دے نین میرے لافانی کاروبار عقلے

جیہڑی منزل تے اپڑیا میں جھلے تیرے کولوں او اچا بازار عقلے
میرے ہاتھ نہیں باادب بھاویں کوئی مر جائے ٹکراں مار عقلے

ایٹم بم بنا کے دنیا خوش کتنا بیٹھا ایہہ انسان ہوسی
جدوں چلیا ایہہ بم تے فیر دیکھیں تیری وجہ توں کیہ نقصان ہوسی

جے میں نہ ہندا ہونا کجھ نہیں سی ایس دنیا دی ایہہ نہ بہار ہندی
نہ ای ماردا چھال خلیل رب دا نہ ای اوناں تے اگ گلزار ہندی

میں لاہوت دیاں منزلاں طے کرنا ختم تیری اے جتھے رفتار ہندی
جتھے میں ڈیرہ لا دیواں اس تھاویں توں تے جتیاں چک فرار ہندی

تینوں مان اے فوج تے اسلحیاں تے میں تے کر قربان پر یوار دیناں
فرق تیرے تے میرے وچ بہت سارا میں تے یار لئی سب کجھ وار دیناں

تیری دوڑ اے جھلے چن تیکر تے میں عرش عظیم توں پار جاناں
راضی یار جے ہووے تے سونہر رب دی خاطر یار دے وک بازار جاناں

کربلا اندر آل وار کے تے اہل جنت وا بن سردار جاناں
توں تے ٹینکاں تے توپاں تے مان کیتا میں تے لڑبناں ہتھیار جاناں

کدی خالد تے کدی محمود بن کے جڑاں منکراں دیاں ہلا دیناں
اگے فوج تے پچھے دریا ہووے تے میں کشتیاں نوں اگ لا دیناں

رکھ سانجھ کے توں سارے توپ خانے میں تے ایس جنجال تے تھکد انہیں
باطل واسطے میں فاروق بن کے وخت پا دیناں کدی اکدا نہیں

جے میں آواں بلال دے روپ اندر لیٹاں اگ تے غیر نوں جھکد انہیں
جنھے میرے میخانے چوں گھٹ پتی نشہ عمر ساری اوہدا مکدا نہیں

تیرے ولے جے ہے نمرود جھلے ادھر آ میرے ابراہیم نوں ویکھ
جیکر ہے فرعون تے مان تینوں میرے پاسے وی موسیٰ کلیم نوں ویکھ

جنی دیر نہ گل دا پتہ ہووے ایویں جوڑ نہ جھوٹ دے جوڑیے نی
ناصر عقل نوں کہہ دے عقل کر جا عقلے عقل دیے تھوڑیے نی
اورا!

جیہڑے چمن چوں آقا ﷺ دی مہک آوے
اوس چمن چوں لگنا چاہیدا اے
جیکر سردتیاں ہووے دید اوہدی
فیر تے سولی تے سنگناں چاہیدا اے
ناصر عشق رسول ﷺ دے رنگ اندر
اپنا تن من رنگناں چاہیدا اے

سر دی کے جیڑے پچھتاؤندے نہیں
 صرف اوہناں توں منگنا چاہیدا اے
 صَلَّى اللهُ عَلَى النَّبِيِّ الْأَمِيِّ وَالِإِلهِ وَبَارِكْ وَسَلِّمْ
ارباب علم و دانش!

تہاڈی سماعتاں دی نظراج دی محفل دا آخری ثناء خوان پیش کرن دی
 سعادت حاصل کرناوان الحمد للہ عالمی شہرت یافتہ ثناء خوان
 QTV دا بہت معروف نام خوبصورت آواز اور منفرد انداز دے مالک
 ثناء خوان ہر دلعزیز میری مراد الحاج سید فرقان قادری صاحب نہیں
 آواج دی محفل دا آخری نعرہ بلند کریئے
 نعرہ تکبیر نعرہ رسالت نعرہ حیدری نعرہ غوثیہ

ماشاء اللہ جزاک اللہ!

نقابت نمبر: 9

بِسْمِ اللّٰهِ الرَّحْمٰنِ الرَّحِیْمِ

نَحْمَدُكَ وَنُصَلِّیْ وَنُسَلِّمُ عَلٰی رَسُوْلِكَ الْكَرِیْمِ

اَمَّا بَعْدُ

فَاعُوْذِ بِاللّٰهِ مِنَ الشَّیْطٰنِ الرَّجِیْمِ

بِسْمِ اللّٰهِ الرَّحْمٰنِ الرَّحِیْمِ

قَالَ اللّٰهُ تَعَالٰی فِی الْقُرْاٰنِ الْمَجِیْدِ وَالْفِرْقَانِ الْحَمِیْدِ

اِنَّ اللّٰهَ وَمَلَائِكَتَهُ یُصَلُّوْنَ عَلٰی النَّبِیِّ یٰ اَیُّهَا الَّذِیْنَ

اٰمَنُوا صَلُّوا عَلَیْهِ وَسَلِّمُوا تَسْلِیْمًا

صَدَقَ اللّٰهُ الْعَظِیْمُ

الصَّلٰوةُ وَالسَّلَامُ عَلَیْكَ یَا سَیِّدِیْ یَا رَسُوْلَ اللّٰهِ

وَعَلٰی اٰلِکَ وَاَصْحَابِکَ یَا سَیِّدِیْ یَا حَبِیْبَ اللّٰهِ

الصَّلٰوةُ وَالسَّلَامُ عَلَیْكَ یَا سَیِّدِیْ یَا رَحْمَةَ الْعٰلَمِیْنَ

الصَّلٰوةُ وَالسَّلَامُ عَلَیْكَ یَا سَیِّدِیْ یَا شَفِیْعَ الْمُنٰدِیْنَ

عزیز دوستو! نوجوان ساتھیو! بچو اور بزرگو!

پردہ نشین میری ماؤں، بہنوتے بیٹیو!

السلام علیکم ورحمۃ اللہ وبرکاتہ!

تمام حمداں، تمام تعریفاں، تمام ثناواں اللہ رب کائنات دی ذات
 بابرکہ واسطے نیں..... اور درود اوہدے پیارے نبی، نبی مکرم شفیع معظم،
 تاجدار انبیاء شب اسری دے دولہا، دو جہاں دے والی..... بے کساں دے
 آسرا..... بے بساں دے بلجاء، ماوی، شافع روز جزا..... حبیب کبیریا، احمد
 مجتبیٰ محمد مصطفیٰ ﷺ دی ذات بابرکہ واسطے نیں..... بڑی خوش بختی اے کہ
 الحمد للہ ہر سال دی طرح اج وی انجمن تاجران رنگ محل دے زیر اہتمام
 میلاد مصطفیٰ کریم ﷺ دی محفل دا انعقاد ہو یا اتنی خوبصورت محفل سجان تے
 پوری انتظامیہ انجمن تاجران رنگ محل مبارکباد وی مستحق اے..... خصوصاً
 مبارکباد پیش کرناواں..... جناب الحاج میاں محمد صدیق صابری صاحب
 نون جناں دی معرفت خاکسار تہاڈی خدمت لئی حاضری اے..... دعا اے
 کہ مالک کائنات ساڈی سب دی حاضری قبول فرمائے..... اور سہانوں
 سب نون سرکار دی آمد دی خوشی وچ رزق دی کثرت نصیب فرمائے اور
 آفات و بلیات توں سانوں سب نون محفوظ فرمائے..... (آمین ثم آمین)
ارباب علم و دانش!

حمد باری تعالیٰ نال اپنی نقابت دا آغاز کرناواں انتہائی محبت و عقیدت
 دے نال سماعت کروتے اپنے ایمان نون تازہ کرو

پہلوں سی اللہ تے اللہ ہی اللہ

نہ کوٹھا نہ بستی نہ ویرا محلہ

صفرِ دا سی کیرا اکائی نہیں سی
 خدا ہے سی ہالے خدائی نہیں سی
 خیال آیا ہونا ہون کلیاں کیہ رہنا
 شاید کہ تائیوں پیا کن کہنا
 فیر رب نے بنایا او خدائی دا گہنا
 جدا بن وضودے میں ناں نہیں جے لینا

اور!

ہر دم کرم کماؤندا اللہ

سے بخت جگاؤندا اللہ

پتھر وچ وی کیڑیاں تائیں

رزق ہمیش پچاؤندا اللہ

قدرت دے نال پانی اُتے

اپنا عرش نکاؤندا اللہ

ہر تھاں اوہدی ہر تھاں اوہ اے

نہ جاندا نہ آؤندا اللہ

اپنی قدرت تھیں گن کہہ کے
ہر اک چیز بناؤندا اللہ

تردے ڈوبے ڈبے تارے
اوہ ہندا جو چاؤندا اللہ

رب سچے نون پیار جو کروا
اوس نون ولی بناؤندا اللہ

گن گن ساریاں گنتیاں مہن
اسنھے کرم گماؤندا اللہ

اک قطرے تون ہر بندے دی
سوہنی شکل بناؤندا اللہ

جس نون دنیا دھکے دیوے
اس تے فضل گماؤندا اللہ

بلدی آگ گزار ہے کردا
چھری دے پیٹھ بچاؤندا اللہ

جیہڑا اس دا ذکر ہے کردا
اوبدا ذکر کراؤندا اللہ

جیہڑا یاد ہے اوہنوں کردا
اوہنوں کدوں بھلاؤندا اللہ

بندہ ای ظلم ہے جان تے کردا
کدی مہیں ظلم کماؤندا اللہ

ستار العیوب رب ہے
ساڈے عیب لکاؤندا اللہ

وچ زمین لے اک بی بیجو
کئی کئی پھیاں لاؤندا اللہ

کنت - کنزًا کھول خزانے
کثرت دے وچ آؤندا اللہ

جو توحید دا منکر اوہنوں
پلا کدوں پھڑاؤندا اللہ

کالی رات چوں دن نوں کڈھ کے
ہر شے نوں چکاؤندا اللہ

اسماناں توں پانی گھل کے
رزق دے ڈھیر لاؤندا اللہ

ہسڈیاں دے نال لاڈھے کردا
سب دے درد مکاؤندا اللہ

ہسڈیاں نوں اوہ روئے پاوے
روندے چپ کراؤندا اللہ

سدھی راہ دا پتہ ہے سددا
بھلے راہے پاؤندا اللہ

اوپنوں کوئی وی ڈک نہیں سکدا
سو کردا جو چاؤندا اللہ

نمبرداراں دی آکڑ بھن دا
کھلے ہے مرواؤندا اللہ

طاقت وراں نوں سٹ دیندا اے
ماڑے تخت بٹھاؤندا اللہ

جم دے بچیاں تائیں ویکھو
جین دا ول سکھاؤندا اللہ

مرضی آوے تے یوسف نوں
کھوہ دے وچ سٹھاؤندا اللہ

کھوہ دے وچ سٹوا کے مڑ کے

سٹاں کولوں بچاؤندا اللہ

آپ مصر بازار وکا کے

مڑ کے تحت بٹھاؤندا اللہ

فرعوناں نوں شوہ وچ روڑے

مومن پار لگاؤندا اللہ

اوہو ساجد ہو جاندا اے

جووی میرا چاؤندا اللہ

صَلَّى اللهُ عَلَى النَّبِيِّ الْأُمِّيِّ وَالْآلِهِ وَبَارِكْ وَسَلِّمْ

ارباب علم و دانش!

تلاوت کلام پاک پیش کرن دی سعادت حاصل کرن گے.....

خوبصورت اور منفرد انداز دے مالک قاری قرآن ساڈی مرکزی محافل دی

جان و شان..... قاری القراء فخر القراء..... نجم القراء شمس القراء جناب قاری

محمد علی قادری صاحب

آؤ بلند آواز نال نعرہ لا کے استقبال کریئے

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب قاری محمد علی قادری صاحب تلاوت کلام پاک پیش فرمائے سن
اللہ پاک آپ دی آواز اور گداز اندر برکتان پیدا فرمائے..... اور سانوں
سب نون قرآن پڑھن دی اور اینوں کجھن دی توفیق عطا فرمائے۔
ارباب علم و دانش

میلا د مصطفیٰ کریم ﷺ دے حوالے نال ایک خوبصورت روایت پیش
کرناواں..... بڑی محبت اور عقیدت نال سماعت کرو اور اپنے ایمان نون
تازہ کرو

راوی دا نام اے حضرت عبداللہ بن عباس رضی اللہ عنہما آپ فرماندے نیں
صحابہ کرام دی ایک جماعت بیٹھی مدنی آقامی ﷺ دا انتظار کر رہی اے..... کہ
کدوں کملی والے آقامی ﷺ دی آمد ہووے..... تے سب نون کریم آقامی ﷺ
دی زیارت نصیب ہووے کریم آقامی ﷺ تشریف لیائے تے تھوڑا پیچھے
اوپے ہو کے کھلو گئے..... اک صحابی کہن لگے

کتنی بلند شان اے حضرت ابراہیم علیہ السلام دی

جہاں نون اللہ نے اپنا خلیل بنایا

دوسرے صحابی کہن لگے کتنی بلند شان اے حضرت موسیٰ علیہ السلام دی

جہاں نون اللہ نے اپنا کلیم بنایا

تیسرے صحابی کہن لگے کتنی بلند شان اے حضرت عیسیٰ علیہ السلام دی

جہاں نون اللہ نے کلمہ اور روح دا مرتبہ عطا کیتا

اک ہور صحابی کہن لگے کتنا بلند مرتبہ اے حضرت آدم علیہ السلام دا

جہاں نون اللہ نے ابوالبشر اور صفی اللہ دا مرتبہ عطاء کیتا

ارباب علم و دانش!

ایہہ گلاں سن کے سرکارِ دو جہاں ﷺ اوہے چوں سامنے تشریف لے

آئے..... آپ سرکارِ ﷺ نے اپنے غلاماں نون سلام فرمایا تے ارشاد فرمان

لگے..... اے میرے غلاموں میں تہاڈیاں گلاں سنیاں نین..... تسی انبیاء

کرام دے بلند مراتب تے حیران ہوئے او

بے شک اللہ نے ابراہیم علیہ السلام نون اپنا خلیل بنایا

اے اونہاں دی عظمت و شان اے

حضرت موسیٰ علیہ السلام نون اپنا کلیم بنایا

اے اونہاں دی عظمت و شان اے

حضرت عیسیٰ علیہ السلام نون روح اللہ بنایا اے

اے اونہاں دی عظمت و شان اے

حضرت آدم علیہ السلام نون خلیفۃ اللہ بنایا

اے اونہاں دی عظمت و شان اے

پر صحابہ بڑی محبت نال سن کے تے جھوم جاؤ

میں اودہ ہستی آں کہ اللہ نے مینوں حبیب اللہ بنایا اے

میرے یارو میرے وفادارو آسمان رشد و ہدایت دے

ستاروں میں صاحب لواء الحمد آں

جنت دار و ازہ سب توں پہلے میں کھڑکاواں گا اللہ جنت میرے

لئی کھولے گا میں اکرم الاولین آں میں اکرم الآخرین

آں پر مینوں ایہناں فضیلتاں تے فخر نہیں ایں

اے میرے رب دا فضل اے

ارباب علم و دانش

تسی سماعت کیتا کہ صحابہ انبیاء کرام دا تذکرہ فرما رہے سن تے

سرکار دو جہاں ﷺ نے خود اپنی فضیلت و شان بیان فرمائی الحمد للہ ساڈا

عقیدہ پکا اور سچا اے اور قرآن کریم دے عین مطابق اے اسی

سرکار ﷺ دا میلاد منا کے سرکار دو جہاں ﷺ دی عظمت و شان بیان کرنے

آں اک خوبصورت کلام سماعت کرو اور اپنے ایمان تازہ کرو

توں ایں میرا مان تے تران سوہنیا

تیرے نال وسدا جہان سوہنیا

اچی تیری ساریاں توں شان سوہنیا

ساریاں بہاراں دی توں جان سوہنیا

تیری ہر گل اے قرآن سوہنیا
پھل پھل تیرا مدح خوان سوہنیا

تیرے ای کھڈونے چن تے ستارے نہیں
سوہنیا اے سارے تیرے نور دے نظارے نہیں

واضحیٰ یسین طحا تیریاں ای شانناں نہیں
دنی اے سلامی تینوں ساریاں جہانناں نہیں

صائم جئے غریباں تے بے چاریاں دا چارا ایں
آقا توں یتیمان تے غریباں دا سہارا ایں

توں ایں میرا دین تے ایمان سوہنیا
تیرے نال وسدا جہان سوہنیا

اور!

بنی الف حبیب میرے دی میم مڑوڑیاں زلفاں
ادھر مڑ گیا کعبہ جدھر یار نے موڑیاں زلفاں

وچ قرآن بنا کے سطران رب نے جوڑیاں زلفاں
مینہ رحمت دا ورھیا سوہنے جدوں جوڑیاں زلفاں

کنگھی نال حبیب میرے نے جدوں سجائیاں زلفاں
اُسدے پیراں دے وچ حوراں آن وچھائیاں زلفاں

مینہ خوشبو دا ورھیا سوہنے جد لہرائیاں زلفاں
چر گئے دل مشتاق دے صائم جد کترائیاں زلفاں

نور و نور جبین سخن دی نور و نور نے زلفاں
رب واللیل کہیا جد دتیاں کھول حضور ﷺ نے زلفاں

اُسدی زلف دا صدقہ پائیاں ہراک حور نے زلفاں
صائم اک اک سطر قرآنی وچ مستور نہیں زلفاں

واہ سبحان حبیب میرے دیاں چھلے دار نہیں زلفاں
کدی کدائیں گلشن مہکن سدا بہار نہیں زلفاں

مہکیا عالم چھنڈیاں صائم جد سرکار نہیں زلفاں
جگ شکار ہو یا جد واہیاں میر شکار نہیں زلفاں

سب جگ ولیا یار میرے دیاں مچھلیاں والیاں زلفاں
خیمے رات قدر دی آکے کالیاں کالیاں زلفاں

قسمائ کھا دیاں رب نے اس دیاں ویکھ نرالیاں زلفاں
ہجر اوہدے وچ بھلیاں بھلیاں گل وچ پالیاں زلفاں

یار میرے دیاں سوہنیاں سوہنیاں پیاریاں پیاریاں زلفاں
یار میرے دی زلف توں سارے جگ دیاں واریاں زلفاں

رات پئی جد رخ دے اُتے اوس کھلاریاں زلفاں
ہو گئی فجر حبیب نے صائم جدوں سنواریاں زلفاں
صَلَّى اللّٰهُ عَلَي النَّبِيِّ الْأُمِّيِّ وَاللَّهِ وَبَارِكْ وَسَلِّمْ

از باب علم و دانش!

اوہناں پیاریاں تے دلاریاں اور حسین و جمیل شانان
والیاں زلفاں دا تذکرہ کرن واسطے گزارش کرنا واں خوبصورت

اور منفرد انداز دے مالک ثناء خواں عالمی شہرت یافتہ چھوٹی
 عمر اور بڑا نام بلبل چمنستان مدینہ ساڈی مرکزی محافل
 دی جان و شان میری مراد جناب احمد رضا قادری صاحب نہیں آؤ
 بلند آواز نال نعرہ لگا کے استقبال کریئے کوئی لب کوئی زبان
 چپ نہ روئے

نعرہ تکبیر نعرہ رسالت نعرہ حیدری نعرہ غوثیہ

ہاشاء اللہ جزاک اللہ!

جناب احمد رضا قادری بھائی خوبصورت ہدیہ کلام پیش فرمائے
 سن اللہ پاک آپ دی آواز اور گداز اندر برکتاں پیدا
 فرمائے۔

ارباب علم و دانش!

میں اپنے اقتباسات وچوں جناب سردار حسین سردار و اشکوہ اور جواب
 شکوہ پیش کرناواں انتہائی محبت اور احترام نال سماعت کرو اور اپنے ایمان
 نوں وی تازہ کرو

کہ.....

لکھاں کارنامے ایس فلک ڈٹھے

نجی اللہ دا ایس طوفان ڈٹھا

رلدی دیکھی زینجا اُجاڑ اندر
وکدا مصروح ماہ کنعان ڈٹھا

کیڑے دیکھے ایوٹ دے تن اندر
بیٹھا بھنہ اگے سلیمان ڈٹھا

سید سخی لچپال حسین رضی اللہ عنہ سوہنا
پڑھدا نیزے دے اتے قرآن ڈٹھا

ڈٹھی چھال نمرود وی اگ اندر
ڈٹھا نوح دا جدوں طوفان آیا

اسماعیل دے حلق تے چھری ڈٹھی
ڈٹھا موسیٰ نوں دید جدیان آیا

ڈٹھا فلکاں توں شاہ لولاک تائیں
کلی والے صلی اللہ علیہ وسلم دے ٹال دیوانیاں نوں

نعرے سنے توں عشق بلاں والے
دندوار دے ڈٹھا پروانیاں نوں

وگدے ظلم دے فرش تے بحر ڈٹھے
ڈٹھا عادلان منصفان تے دانیاں نوں

گن گن کچھ دساں تینوں میں فلکا
توں تے ویکھیا سارے زمانیاں نوں

اک گل دا بڑا افسوس - مینوں
تیری ایس خاموشی دی حد ہو گئی

تیرے سائے تھلے کربلا اندر !
امین علی رضی اللہ عنہ تے ظلم دی حد ہو گئی

تینوں بے در دا آیا رحم کوئی نہ
جدوں اصغر رضی اللہ عنہ دے حلق تے تیر ڈٹھا

کیوں نہ تاریاں سنے توں غرق ہویا
جدوں تو فدا زینبؓ دا ویر ڈٹھا

بازو قلم عباسؓ دے نہر اُتے
ہتھاں اُتے توں اصغرؓ صغیرؓ ڈٹھا

ڈٹھا منظر توں زینبؓ دے پہریاں دا
عابد جکڑیا وچ زنجیر ڈٹھا

دیکھی صغراں توں ویراں دے گیت گاؤندی
پھر بھی ذرا نہ تینوں خیال آیا

تینوں جنبش نہ آئی پھر اوس ویلے
خنجر تھلے جد زہراءؓ دا لال آیا

اوہ حسینؓ جیڑا بچپن دیکھیا توں
ڈوری پینگھ دی ملک ہلاؤندے رے

اوہ حسین رضی اللہ عنہ جنہوں آپ نبی سرور
بوسے دے کے سینے نال لاوندے رئے

جہدے جوڑے دی ڈھوڑ نوں عرش چھے
اوہ حسین رضی اللہ عنہ نوں کندھے تے چاہوندے رئے

میرے وچوں حسین رضی اللہ عنہ میں حسین رضی اللہ عنہ وچوں
آقا خطبیاں وچ فرماندے رئے

اوپدیاں اوون دیاں تیدیاں ٹبیاں وچ
زینب ویر تاکیں واجاں مار دی سی

بڑا حوصلہ اے کیوں نہ چاک ہو یوں
قوم اشقیاء جدوں لکار دی سی

قیدن دوہتی رسول صلی اللہ علیہ وسلم دی جدوں ہوئی
مینوں خیال آؤندا کیوں تکیا توں

دھیاں جدوں بتول دیاں اوندیاں سن
کیویں اوہ صدمہ جھل سکیا تون

کہندی جدوں سکینہ سی ہائے بابا
کیوں نہ صبر والا پردہ چکيا تون

پیندی مار سی جدوں بیمار تائیں
چن تاریاں نوں کیویں ڈکيا تون

کتھے شہر مدینہ تے شام کتھے
شان زینبہ رضی اللہ عنہا دا کتھے بازار کتھے

کتھے پر جبریل دے ستون والا
دشت کربلا دی گرم خار کتھے

ارباب علم و دانش!

میرے دل دھیان کرو..... جواب شکوہ سماعت کرو..... اور اپنے ایمان

تازہ کرو!

میری گئی آواز جد فلک اتے
ہنجو ڈگ پئے فلک دے تاریاں دے

ہاسے بھل گئے کہکشاں زون لگی
ہونیان کھیتیاں وانگ انگیا ریاں دے

نپ چون ستارے نوں آئی جنبش
رویہا چن بھی نال اشاریاں دے

زہرہ مشتری نے لے وین گھتے
لے کنگرے قطب مناریاں دے

فلک ترفیا ترف کے کہن لگا
شکوہ کرن والے داستان سن لے

قلم بند کر صفحہ قرطاس اتوں
دکھی فلک دے ذرا بیان سن لے

تینوں تیرے جذباتاں دی داد دیواں
مینوں تیرے جذبات ہلا دتا

اج توں تیرہ سو سال دے واقع دا
نقشہ کھچ کے فیر وکھا دتا

اک گل دا بڑا افسوس میںوں
بے درویاں وانگ رلا دتا

بے درد نہیں میں بہت درد میںوں
درد والے نے میںوں اساریا اے

کل شیء قدید ہے ذات اوہدی
اوہدے امر نے میںوں کھلیاریا اے

دتا حکم سی اوس کریم میںوں
فلکا پچھ لے میرے حسین رضی اللہ عنہ کولوں

دیوے حکم تے فرشتے آن ڈگاں
 پچھ فاطمہ رضی اللہ عنہا دے نور عین کولوں

ہو جاویں نہ مجرم توں حشر دے دن
 ہو جا بری اج حیدر دے چین کولوں

ادب نال جد عرض گزار ہو یا
 آئی ایہو آواز حسین رضی اللہ عنہ کولوں

انا ابن رسول محتاج نہیں میں
 سب کچھ نانے دے دین اتوں وار دتا

حشر تیک توحید دیاں رستیاں نون
 اطہر خون دے نال سنوار دتا

اک میں کیہ ملک بھی ہو گئے کٹھے
 کربلا دے بیابان ولے

چڑھی قوم جنات دی مار مارن
آئیاں نیریاں بھی ریگستان ولے

حوراں جنتوں نکلیاں لے سہرے
جدوں ویکھیا اکبر رضی اللہ عنہ جوان ولے

ہلے لب تے ہس کے کہن لگے
آئیاں عرضیاں دون جوان ولے

بڑا شکریہ اے تسین جاؤ سارے
ابراہیم دا قرض اتار دیواں

انا ابن رسول محتاج نہیں میں
سب کچھ نانے دے دین توں وار دیواں

ایس گل دیوچہ تے شک کوئی نہیں
سدھے خیمے نوں آوندے تیر ویکھے

لکھاں برچھیاں نیزیاں وچہ تے
صغرا رضی اللہ عنہا وچھڑی دے کھدے ویر دیکھے

گھوڑ دوڑ ویکھی کربلا اندر
رلدے ٹہیاں وچ ونگیر دیکھے

میں کیہ سی عرش نہ جھل سکیا
اہلیت دے جدوں زنجیر دیکھے

قوم اشقیاء دے تکھے نیزیاں تے
منظر ڈٹھا جو اللہ دے پیاریاں دا

سردار ٹکڑاں ماریاں تاریاں نے
رنگ سرخ سی میرے کناریاں دا
صَلَّى اللهُ عَلَى النَّبِيِّ الْأُمِّيِّ وَالِإِهِ وَبَارِكْ وَسَلِّمْ

ارباب علم و دانش!

بارگاہ رسالت مآب صلی اللہ علیہ وسلم اندر ہدیہ نعت پیش کرن دی سعادت حاصل
کرن گے عالمی شہرت یافتہ ثناء خوان..... الحمد للہ خوبصورت آواز اور منفرد

انداز دے مالک ثناء خوان..... نکھری نکھری آواز کوثر و تسنیم اندر دھلی ہوئی
 آواز میری مراد جناب الحاج شہباز قمر فریدی صاحب نہیں
 آؤ بلند آواز نال نعرہ لگا کے استقبال کریے
 نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب شہباز قمر فریدی صاحب ہدیہ نعت پیش فرمائے سن..... اللہ
 پاک آپ دی آواز اور گداز اندر برکتاں پیدا فرمائے
 ارباب علم و دانش

محفل دے اختتام تے میں ذکر اہلبیت کرن دی سعادت حاصل کراں
 گا..... الحمد للہ ذکر اہلبیت پورے پاکستان وچ اس فقیر دا حوالہ اور پہچان
 اے..... تسی پوری محبت اور توجہ نال سماعت فرماؤ..... اور اپنے ایمان نوں
 تازہ کرو..... کریم آقا ﷺ نے ارشاد فرمایا:

إِنَّ الْحَسَنَ وَالْحُسَيْنَ سَيِّدَ أَشْبَابِ أَهْلِ الْجَنَّةِ

بے شک حسن و حسین جنتی جواناں دے سردار نہیں

الحمد للہ سب دا عقیدہ و ایمان اے محبت نال آکھو..... سبحان اللہ!

بڑی محبت نال سماعت فرماؤ اور اپنے ایمان نوں تازہ کرو

حسن رضی اللہ عنہ وی پیارا حسین رضی اللہ عنہ پیارا

حسن رضی اللہ عنہ ہے اعلیٰ حسین رضی اللہ عنہ بالا

حسن رضی اللہ عنہ کرم این حسین رضی اللہ عنہ رحمت

حسن رضی اللہ عنہ نرم این حسین رضی اللہ عنہ فرحت

حسن رضی اللہ عنہ نبی دی اے اک صورت

حسین رضی اللہ عنہ مولا علی دی سیرت

حسن رضی اللہ عنہ ہے سردار جنتاں دا

حسین رضی اللہ عنہ قاسم اے برکتاں دا

حسن رضی اللہ عنہ ہے مصدر بلندیاں دا

حسین رضی اللہ عنہ مرکز ہے رفعتاں دا

حسن رضی اللہ عنہ دا حسین کمال سوہنا

حسین رضی اللہ عنہ ورگا نہ کوئی ہونا

حسن رضی اللہ عنہ وی مولا اے مومناں دا

حسین رضی اللہ عنہ آقا اے مومناں ا

حسن رضی اللہ عنہ نبی دی اے اکھ دا تارا
حسین رضی اللہ عنہ رحمت دا اے اشارہ

حسن رضی اللہ عنہ دے ورگا جمیل کوئی نہیں
حسین رضی اللہ عنہ ورگا شکیل کوئی نہیں

حسن رضی اللہ عنہ ہے محبوب مصطفیٰ صلی اللہ علیہ وسلم دا
حسین رضی اللہ عنہ مطلوب مصطفیٰ صلی اللہ علیہ وسلم دا

حسن رضی اللہ عنہ وی ناز اے حسین ناز اے
حسین رضی اللہ عنہ کیسی پڑھی نماز اے

حسن رضی اللہ عنہ پیارا علی رضی اللہ عنہ ولی دا
حسین رضی اللہ عنہ تارا علی رضی اللہ عنہ ولی دا

حسن رضی اللہ عنہ شہیداں دا پاک سرور
حسین رضی اللہ عنہ آقا وی پاک سرور

نبی ﷺ دے گلشن دے پیارے گل نہیں
اے دونویں سوہنے نبی دے پھل نہیں

پیار کر کے دوہاں تئیں دیکھو!
ملن گے حیدر انعام لکھاں

حسن دے اُتے درود لکھاں
حسین رضی اللہ عنہ اُتے سلام لکھاں

اور بڑی توجہ نال سماعت فرماؤ!

کہ.....!

حسین رضی اللہ عنہ صبح ازل دا نور اے
یزید باطل اے مستور اے

حسین رضی اللہ عنہ قرآن دا سپارہ!
یزید ظلمت اے خسارہ

حسین رضی اللہ عنہ سوہنے نبی دا جانی
یزید ابلیس دا ہے ثانی

حسین صبر و رضا دا پیکر
یزید کمتر یزید بدتر

حسین رضی اللہ عنہ ہر اے دے دل دی فرحت
یزید فتنہ یزید ظلمت !

حسین رضی اللہ عنہ حیدر رضی اللہ عنہ دا ماہ پارہ !
یزید روٹی دا کچرا سارا

حسین سردار جنتاں دا
یزید راہی اے دوزخاں دا

حسین رضی اللہ عنہ محبوب مصطفیٰ صلی اللہ علیہ وسلم اے
یزید بے درد اے بے حیا اے

حسین رضی اللہ عنہ ہیرا حسین رضی اللہ عنہ سچ اے
یزید پتھر یزید سچ اے

حسین رضی اللہ عنہ دولہا شہادتوں دا

یزید پیکر خباثیاں دا

حسین رضی اللہ عنہ جنت دے پاس ونڈے

یزید لئی جہنمی ڈنڈے

حسین رضی اللہ عنہ کوثر دا پیارا ساتی

یزید سوئے خدا دا شاکی

حسین رضی اللہ عنہ راحت حسین رضی اللہ عنہ رحمت

یزید لعنت یزید زحمت

حسین رضی اللہ عنہ اسلام دا سپاہی

یزید ایمان دی تباہی

حسین رضی اللہ عنہ لطف و عطاء دا مرکز

حسین رضی اللہ عنہ نورو ضیاء دا مرکز

ایہہ گل میری بٹھا لو دل وچ

حسین ساجد وسا لو دل وچ

ارباب علم و دانش!

عین میدان کربلا اندر

اک پاسے نور اے اک پاسے ظلمت اے
اک پاسے رحمان اے اک پاسے شیطان اے

نبی دا بدر منیر ایدھر

معاویہ دا شریہ اُدھر

علیؑ ولی دا اے لال ایدھر

یزید پورا زوال اودھر

نبی ﷺ دی اکھدا اے نور ایدھر

یزید ہے پرفتور اودھر

خدا دے پیارے دی جان ایدھر

تے پورا پورا شیطان اودھرا

نبی دے دل دی بہار ایدھر

جفا دا اے خار زار اودھر

حسین رضی اللہ عنہ جگ و امام ایدھر
 یزید بے ننگ و نام اودھر

سلامتی دا پیام ایدھر
 کدورتاں دا نظام اودھر

نبی ﷺ دے گھر دا وقار ایدھر
 خباثتاں دا شعار اودھر

ہے پورا حق دا شعور ایدھر
 شقاوتوں تے فتور اودھر

خدا دا اعلیٰ سپاہی ایدھر
 تے ہے جہنم دا راہی اودھر

جناب زہراء رضی اللہ عنہا دا پیارا ایدھر
 جہنماں دا شرارا اودھر

نظام حق و جمال ایدھر
کفر دی ساجد ہے ڈھال اودھر

اور!

میرے نبی دی دعا حسین رضی اللہ عنہ اے
علی دے گھر دی ضیاء حسین رضی اللہ عنہ اے

کرم حسین اے عطاء حسین رضی اللہ عنہ اے
سخی حسین اے سخا حسین رضی اللہ عنہ اے

یوفا دی سوہنی اداء حسین رضی اللہ عنہ اے
مریضاں دے لئی شفا حسین رضی اللہ عنہ اے

ہر اک دے غم دی دوا حسین رضی اللہ عنہ اے
قضانوں تکدا رہیا حسین رضی اللہ عنہ اے

مکین دشت بلا حسین رضی اللہ عنہ اے
شہید دین خدا حسین رضی اللہ عنہ اے

قتل تیغ جفا حسین رضی اللہ عنہ اے
 امین صبر و رضا حسین رضی اللہ عنہ اے

غماں توں کردا رہا حسین رضی اللہ عنہ اے
 بہادریاں چوں بڑا حسین رضی اللہ عنہ اے

کمال حسن و لا حسین رضی اللہ عنہ اے
 جہان دا راہنما حسین رضی اللہ عنہ اے

امامتاں دا صلہ حسین رضی اللہ عنہ اے
 خداتے ہو یا فدا حسین رضی اللہ عنہ اے

ہمیشہ زندہ رو یگا ساجد
 فنا یزید اے بقا حسین رضی اللہ عنہ اے

اور!

حسین رضی اللہ عنہ راہ وفا دا راہی
 حسین رضی اللہ عنہ کول اے جنان شاہی

حسین رضی اللہ عنہ وا نام حسن والا

حسین رضی اللہ عنہ ارفع حسین رضی اللہ عنہ اعلیٰ

حسین رضی اللہ عنہ سوئے نبی صلی اللہ علیہ وسلم وا مظہر

حسین رضی اللہ عنہ پیارے علی رضی اللہ عنہ وا ولبر

حسین رضی اللہ عنہ خلدو جنان وا دولہا

حسین رضی اللہ عنہ سارے جہاں وا واما

حسین رضی اللہ عنہ رحمت وا نامہ بر اے

حسین رضی اللہ عنہ رب دے قریب تر اے

حسین رضی اللہ عنہ پیار اے نبی وا پیارا

حسین رضی اللہ عنہ دکھیاں وا ہے سہارا

حسین رضی اللہ عنہ دین اتوں جان وارے

حسین رضی اللہ عنہ دین وا سفینہ تارے

حسین رضی اللہ عنہ اسلام دا اے غازی

حسین رضی اللہ عنہ اے ساجد حسین رضی اللہ عنہ نمازی

حسین رضی اللہ عنہ ولبر اے مصطفیٰ صلی اللہ علیہ وسلم دا

حسین رضی اللہ عنہ راہبر راہ ہدیٰ دا

حسین رضی اللہ عنہ ساجد نبی دا پھل اے

حسین رضی اللہ عنہ دا بابا دین گل اے

صَلَّى اللهُ عَلَى النَّبِيِّ الْأُمِّيِّ وَالِإِلهِ وَبَارِكْ وَسَلِّمْ

ارباب علم و دانش!

آج دی محفل دا آخری ثناء خوان تہاڈی سماعتان دی نظر کرناواں.....

عالمی شہرت یافتہ ثناء خوان..... خوبصورت آواز اے اور منفرد انداز اے.....

الحمد للہ ساڈی مرکزی محافل دی جان اور شان میری مراد جناب الحاج شہزاد

حنیف مدنی صاحب نیں

آؤ بلند آواز نعرہ لگا کے استقبال کریے

آج دی محفل دا آخر نعرہ اے کوئی لب کوئی زبان چپ نہ کروے

نعرہ تکبیر..... نعرہ رسالت..... نعرہ حیدری..... نعرہ غوثیہ

صَلَّى اللهُ عَلَى النَّبِيِّ الْأُمِّيِّ وَالِإِلهِ وَبَارِكْ وَسَلِّمْ

نقابت نمبر 10

بِسْمِ اللّٰهِ الرَّحْمٰنِ الرَّحِیْمِ

نُحْمَدُهُ وَنُصَلِّي وَنُسَلِّمُ عَلٰی رَسُوْلِهِ الْكَرِیْمِ

اَمَّا بَعْدُ

فَاعُوْذِبُ بِاللّٰهِ مِنَ الشَّيْطٰنِ الرَّجِیْمِ

بِسْمِ اللّٰهِ الرَّحْمٰنِ الرَّحِیْمِ

قَالَ اللّٰهُ تَعَالٰی فِی الْقُرْاٰنِ الْمَجِیْدِ وَالْفُرْقٰنِ الْحَمِیْدِ

اِنَّ اللّٰهَ وَمَلَائِكَتَهُ يُصَلُّوْنَ عَلٰی النَّبِیِّ یٰ اَیُّهَا الَّذِیْنَ

اٰمَنُوْا صَلُّوْا عَلَیْهِ وَسَلِّمُوْا وَسَلِّمْنَا

صَدَقَ اللّٰهُ الْعَظِیْمُ

الصَّلٰوةُ وَالسَّلَامُ عَلَیْكَ یَا سَیِّدِیْ یَا رَسُوْلَ اللّٰهِ

وَعَلٰی اٰلِکَ وَاَصْحَابِکَ یَا سَیِّدِیْ یَا حَبِیْبَ اللّٰهِ

الصَّلٰوةُ وَالسَّلَامُ عَلَیْكَ یَا سَیِّدِیْ یَا رَحْمَةَ الْعٰلَمِیْنَ

الصَّلٰوةُ وَالسَّلَامُ عَلَیْكَ یَا سَیِّدِیْ یَا شَفِیْعَ الْمُنٰدِیْنَ

عزیز دوستو! نوجوان ساتھیو! بچو اور بزرگو!

پردہ نشین میری ماؤں، بہنوں تے بیٹیو!

السلام علیکم ورحمۃ اللہ وبرکاتہ!

تمام حمداں تمام تعریفاں تے تمام ثناواں اللہ رب کائنات دی ذات
 بابرکہ واسطے نہیں اور درود اوہدھے پیارے نبی، نبی مکرم، شفیع معظم، تاجدار
 انبیاء، حبیب کبریا، احمد مجتبیٰ، محمد مصطفیٰ ﷺ واسطے نہیں
 عزیز دوستو اور بزرگو!

اج دی ایہہ خوبصورت روحانی و جدانی اور ایمانی محفل میلاد مصطفیٰ
 کریم ﷺ دے حوالے نال انعقاد پذیراے..... اور ہر سال دی طرح
 الحمد للہ تم الحمد للہ سکھیکی منڈی اندر چراغان اور جشن بہاراں و سماں
 اے..... اور اتنی خوبصورت محفل سبحان تے دی مبارکباد پیش کرنا و روحانی
 پیشوا، پیر طریقت، رہبر شریعت، جناب بابا جی افضل سہروردی صاحب نوں
 جتاں نے ایس خوبصورت محفل و انعقاد کیتا..... اللہ پاک ساڈی سب دی
 حاضری اپنی بلند و عظیم بارگاہ اندر قبول و منظور فرمائے اور ایس پاک محفل
 دے صدقے ساڈے سب دے صغیرہ کبیرہ گناہ معاف فرمائے
 (آمین ثم آمین)

ارباب علم و دانش:

حمد باری تعالیٰ نال اپنی حاضری دا آغاز کرنا وں جیہڑی گل تہانوں چنگی
 لگے تے تہاں محبت نال کہنا اے..... (سبحان اللہ)
 بلند آواز نال آکھو..... (سبحان اللہ)

لکھاں برکتاں رب کریم دیاں
کیہڑی کیہڑی میں کراں بیان برکت

لوح قلم برکت تے فردوس برکت
سارے فلک تے حور و غلمان برکت

ایہہ زمین برکت آسمان برکت
لامکاں تے عرش یزداں برکت

برکت علی شاہ علی دی خاص برکت
دولہا خلچیاں دا عالیشان برکت

میرا پیر برکت نسل غوث میراں
میرا مان تران نشان برکت

آوے غیر خیال تے کیوں آوے
آل مصطفیٰ ہیں ذیشان برکت

بسی والی سرکار دا فیض اعلیٰ
ونڈن والا سردار فیضان برکت

اوس گلی نون جنت دی گلی جاناں
جتنے اک واری پھیرا پان برکت

شکر گنج سرکار دا دان سارا!
جاری فیض جودان عرفان برکت

دیندے بدل تقدیر نہ دیر کردے
جنہوں اپنے پاس بٹھان برکت

جیہڑا نال یقین دے پیر پکڑے
اوتھوں میل دے نال رحمان برکت

سردار علی شاہ دے سوئے روپ اندر
مڑ کے آ گیا کریم کمان برکت

تاجور برکت بختاور برکت
میرا شاہ برکت شاہ زمان برکت

رکھے لاج سردار اوہ لکیاں دی
لجپال اے میرا سلطان برکت

اور!

ربا کرم رکھیں تیرے آسرے تے
 ٹلی وانگ وچ میدان دے کھڑک جاناں
 منگے تیزیاں برق ادھار میتھوں
 چڑھ کے دشمنان دے سرتے کڑک جاناں
 لا ریب سنیع بصیر این توں
 تیری دید خاطر کدی بھڑک جاناں
 رب ادنی جد کہن نوں جی کردا
 سن کے طور وی داستاں دھڑک جاناں

غیبوں آئی آواز خیال نہ رکھ
 موسیٰ نبیؑ تجلی نہیں جھل سکدا!
 میرے دہدے رعب جلال تائیں
 طور جیا پہاڑ نہیں ٹھل سکدا

میں محدود نہیں لامحدود ہاں میں
 مینوں زمین آسمان نہیں ول سکدا
 لال آمنہ علیہ السلام دے ہاجوں ہور کوئی
 میرے سامنے ٹھہر نہیں پل سکدا

جیہڑا شوق تینوں میرے دیکھنے دا
 تینوں بخیا شرف طبیب نوں دیکھ
 میرا جلوہ سردار نظر آوے
 جتھے مینوں دیکھنا میرے حبیب نوں دیکھ
 صَلَّى اللهُ عَلَى النَّبِيِّ الْأُمِّيِّ وَالْإِلهِ وَبَارِكْ وَسَلِّمْ
ارباب علم و دانش!

تلاوت کلام پاک دے نال اج دی بابرکت روحانی، ایمانی اور وجدانی
 محفل دا آغاز کرنے آں..... تے صحیفہ ربانی دی تلاوت کرن دی سعادت
 حاصل کرن گے جناب قاری شفیق قادری صاحب..... آؤ بلند آواز نعرہ لگا
 کے استقبال کریئے۔

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب قاری شفیق قادری صاحب تلاوت کلام پاک پیش فرمائے
 سن..... اللہ پاک آپ دی آواز اندر اور سوز و گداز اندر برکتاں پیدا فرمائے
ارباب علم و دانش:

معرفت والے لوگ موجود نہیں..... تے عارفانہ کلام پیش کرناواں.....
 سب احباب اپنے اپنے پیردا تصور کرو..... میں اپنے شاہ دا تصور
 کرناواں..... اللہ پاک ساڈیاں نسبتاں نوں سلامت رکھے۔

حضرت بابا جی بلھے شاہ قصوری رحمۃ اللہ علیہ فرماتے ہیں:

ایس عشق دی الٹی چال
ایس عشق دی الٹی چال

صابر تائیں جدیوں لایا!
دیکھو پیانے کی دکھلایا!
رگ رگ اندر کرم چلایا!
ایس عشق دی الٹی چال

ذکر پیانے جد پیانہ تمہارا
جسدم وجیا عشق نقارا
دھریا سرتے تکھا آرا
کیتا ایڈا دیکھ زوال
ایس عشق دی الٹی چال

جدوں یچی نے پائی جھاتی
رمز عشق دی لائی کاتی
جلوہ دتا اپنا فر ذاتی
ایس عشق دی الٹی چال

آپ اشارہ اکھ دا کیا
 تان مدھوا منصور نے پیتا
 سولی چڑھ کے درشن کیا
 ہویا فیر سی عشق کمال
 ایس عشق دی الٹی چال

بلھے شاہ ہن چپ چنگیری
 کرناں اتھے ایڈ دلیری
 گل مہیں رہ گئی تیری میری
 چھڈ دے سارے وہم خیال
 ایس عشق دی الٹی چال

اور!

عشق دی توویوں نویں بہار
 عشق دی توویوں نوں بہار

جاں میں سبق عشق دا پڑھیا
 مسجد کولوں جیورا ڈریا

جاں میں رمز عشق دی پائی
اندر باہر ہوئی صفائی

عمر گوائی وچ مسیتی
اندر بھریا نال پلیتی

کدے نماز توحید نہ نیتی
ہن کی کرناں شور پکار

عشق دی نویوں نویں بہار
عشق دی نویوں نویں بہار

ہن کیوں ایویں پاویں جھیرا
بلیا ہندا جید بٹھیرا

عشق کردیندا مارو مارا
عشق دی نویوں نویں بہارا

اور کوٹ مٹھن دے تاجدار خواجہ غلام فرید رحمۃ اللہ علیہ فرماندے نیں:

عشق اساڈا دین ایمان

عشق اساڈا دین ایمان

کنت کنزاً عشق گواہی

دییہوں جب خود ذات کوں آہی

عشق ہے ہادی ہر دم نگر وا

عشق ہے رہبر راہ فقر وا

عشق اساڈا دین ایمان

عشق اساڈا دین ایمان

اور!

کل نبیاں وا سلطان وی توں

نالے عرشاں وا مہمان وی توں

میں مکذی گل مکا دیواں

ساڈا دین وی توں تے ایمان وی توں

ساڈے روزے حج نماز زکوٰتاں

مصحف تے قرآن وی توں

یار فریدا بے قبول کریں

سرور وی توں سلطان وی توں

اور!

ہر صورت وچ دیدار وٹھم
کل یار اغیار کوں یار وٹھم

کتے جوہر تے کتے عرض وٹھم
کتے سنت نقل تے فرض وٹھم

کتے صحت تے کتے مرض وٹھم
کتے چست کتے بیمار وٹھم

کتے ملاں تے منصور وٹھم
کتے پھل گل باغ بہار وٹھم

سب اعلیٰ اعلیٰ شان وٹھم
حسین تے شاہ مردان وٹھم

ابوبکرؓ عمرؓ عثمانؓ وٹھم
کتے پاک نبی مختار ﷺ وٹھم

کتے شاہ نظام الدین ڈھم
کتے فرد فرید الدین ڈھم

اور سلطان العارفين، برہان الواصلين، امام العاشقين، سلطان باہو
رحمتہ اللہ علیہ فرماندے ہیں:

عاشق این تے عشق کما دل رکھیں وانگ پہاڑاں ہو

سے سے بدیاں لکھ لاکھ جانی باغ بہاراں ہو

چاہڑ سولی منصور نوں دتا جو واقف کل اسراراں ہو

سجدیوں سرناں چاہیے باہو بھاویں کافر کہن ہزاراں ہو

صَلَّى اللهُ عَلَى النَّبِيِّ الْأَمِيِّ وَالِإِلَهِ وَبَارِكْ وَسَلِّمْ

ارباب علم و دانش:

نعت رسول مقبول ﷺ پیش کرن دی سعادت حاصل کرن گے

خوبصورت آواز اور منفرد انداز دے مالک ثناء خوان میری مراد جناب

کاشف قادری صدیقی صاحب نہیں آؤ بلند آواز نعرہ لگا کے استقبال کریے

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب محمد کاشف قادری صدیقی بھائی خوبصورت اور منفرد انداز انداز

ہدیہ گزاری دی سعادت حاصل کر رہے سن..... اللہ پاک میرے ایس بھائی

دی آواز اندر اور سوز و گداز اندر برکتاں پیدا فرمائے..... آپ نے خوبصورت کلام پیش کیا..... کہ:

مکاں توں لامکاں تیکر
حکومت مصطفیٰ ﷺ دی اے

اور بے شک کریم آقا ﷺ دی حکومت پوری کائنات اندر اے.....
آپ سرکار ہر مومن، ہر عاشق دے دل اندر موجود نہیں..... اور عشاق ہر دم
مدنی آقا ﷺ دا ذکر کر کے اپنے ایمان نوں تازہ کر دے نیں..... آؤ ایک
عاشق دا ذکر کرنا واں..... انتہائی محبت عقیدت و احترام نال سماعت کرو اور
اپنا ایمان تازہ کرو..... جدوں حضرت بلال حبشی رضی اللہ عنہ نے سرکار دو جہاں علیہ
الصلوة والتسلیم دی زیارت کیتی تے بے ساختہ پکارا ٹھے

لَا إِلَهَ إِلَّا اللَّهُ مُحَمَّدٌ رَسُولُ اللَّهِ

حضرت بلال رضی اللہ عنہ اک حبشی غلام سن تے امیہ بن خلف نامی کافر آپ دا
مالک سی..... جدوں حضرت بلال رضی اللہ عنہ نوں ایمان دی دولت اور کریم
آقا ﷺ دی زیارت و محبت نصیب ہو گئی تے آپ نے اَحَدٌ اَحَدٌ دے
نعرے لگانے شروع کر دتے..... عاشق مصطفیٰ ﷺ حضرت بلال رضی اللہ عنہ نوں
امیہ نے پکڑ کے لوہے دی زرہ پہنا کے تے گلے وچ رسی پا کے لڑکیاں دے
سپر دکر دتا..... تا کہ آپ رضی اللہ عنہ نوں دُھپ وچ پھرایا جائے اور اونہاں ظالماں
نیں آپ نوں اپنی تکلیف دتی کہ آپ دی گردن مبارک زخمی ہو

گئی..... فیر ظالماں نیں آپ نوں گرم ریت تے ننگے بدن لٹا دتا..... اور
 سینے تے بھاری پتھر رکھ دتا..... تے کوڑے لگانے شروع کر دتے..... (امیہ
 آکھے اے بلال!) (چھڈ دے محمد عربی ﷺ دا دین.....)

بلال نے آکھیا! ظالم امیہ!

توں بھاویں میری جان کڈ لے..... میرے سینے چوں ایمان نہیں کڈ سکدا
 شاعر دی روح تڑپی..... تے قلم نوں وجد آیا تے کیہ خوب لکھیا..... کہ:

کیتا عشق بلال نے دل لا کے
 کافر کلمہ چھڈایا تلیاں چہ کل لا کے
 بلال آکھیا کلمہ نہیں چھڈنا
 تسی دیکھ لوو بھاویں تل لا کے
 رب رنگ بلال ﷺ دا ونڈ چھڈیا
 ہر خور دے متھے تے تل لا کے

ارباب علم و دانش

توجہ فرماؤ! جدوں حضرت ابو بکر صدیق رضی اللہ عنہ نے سیدنا بلال حبشی رضی اللہ عنہ دی
 ایہہ حالت دیکھنی..... تے امیہ بن خلف کولوں خرید کے کریم آقا ﷺ دی
 بارگاہ وچ پیش کر دتا..... اور عرض کیتی یا رسول اللہ ﷺ میں آپ دی رضادی
 خاطر بلال نوں خرید کے آزاد کرنا واں..... کریم آقا ﷺ بے انتہا خوشی اور
 مسرت نال اپنے غلام نوں سینے لا کے اللہ دی بارگاہ وچ عرض کر دے

نیں..... مولا صدیق اکبر دا تحفہ قبول فرما.....
 میں صدیق اکبر توں راضی ہاں..... مولا صدیق اکبر توں راضی ہو جا
 پنجابی دا شاعر بڑی خوبصورت ترجمانی کر دا اے
 توجہ نال سنو تے اپنے ایمان تازہ کرو..... کہ:

بوہے بوہے توں منگنا بری گل اے
 بری چیز نہیں کوئی سوال ورگی
 ہستی نہیں کوئی دیکھی کریم ایسی
 بی بی آمنہ پاک ﷺ دے لال ورگی
 دھیاں پیناں والیو ایہہ دسو!
 ہے کوئی آل حضور ﷺ دی آل ورگی
 ناصر شاہ کئی صدیاں بیت گھیاں
 سنی نہیں آذان بلال ﷺ ورگی

اور!

قال تھلے تے حال تھلے
 نبی دا حسن و جمال اُتے
 او عشقا تیری عطاء توں صدقے
 کعبہ تھلے بلال اُتے
 صَلَّى اللهُ عَلَى النَّبِيِّ الْأُمِّيِّ وَآلِهِ وَبَارِكْ وَسَلِّمْ

ارباب علم و دانش:

نعت رسول مقبول ﷺ پیش کرن دی سعادت حاصل کرن گے..... ہر
 و لعزیز ثناء خواں..... الحمد للہ ساڈی مرکزی محافل دی جان و شان ،
 خوبصورت آواز اور منفرد انداز دے مالک ثناء خواں انتہائی معروف اور
 انتہائی مصروف آواز طوطی پاکستان میری مراد جناب حافظ چمن اعجاز نقشبندی
 صاحب نیں..... آؤ بلند آواز نال نعرہ لگا کے استقبال کریئے
 نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب حافظ چمن اعجاز نقشبندی بھائی خوبصورت انداز و سچ ہدیہ کلام
 پیش فرمائے سن اللہ پاک آپ دی آواز اندر اور سوز و گداز اندر برکتاں
 عطاء فرمائے

آپ نیں مشہور زمانہ کلام پیش کیتا کہ:

بن کے جو گن مدینے نوں جاواں گی میں

آپ دی ترجمانی کچھ اس طرح کراں گا بڑی محبت نال سماعت فرماؤ

اور اپنے ایمان نوں تازہ کرو

الحاج محمد علی ظہوری قصوری رحمۃ اللہ علیہ فرماتے نیں

نہ نیر وگایاں بندی اے

نہ درو سنایا بندی اے

اللہ دیا سوہنیا محبوبا!
گل تیرے بنایا بندی اے

محشر وچ سارے رو رو کے
محبوب خدا نون آکھن گے
اج بگڑی قسمت ساریاں دی
سرکار ﷺ دے آیاں بن دی اے

طیبہ دے سفر دیاں راہیاں نون
بھل جان نظارے دنیا دے
اکھیاں دی عید تے روضے دا
دیندار کرایا بن دی اے

شبیرؓ دے خون نے کرہن دی
مٹی نون ایہہ فرمایا سی
حق سچ دی عزت سجدے وچ
اج سیس کٹایا بن دی اے

اس رنگ برنگی دنیا تے
 کدھرنے نہ ہور نظر آوے
 جیہڑی رونق کملی والے دے
 دربار تے جایاں بن دی اے

جس دن دا ظہوری دیکھ لیا
 دربار محمد عربی ﷺ دا
 دل وچ تصویر مدینے دی
 ہن نعت سنایا بن دی اے

اور!

اکھیاں دے نیر جدائی وچ
 دن رات دگائے جاندے نہیں
 خوش بختاں نوں محبوباں دے
 دیدار کرائے جاندے نہیں

اک وار فرشتے روئے تے
 جو آوندے فیر نہ آوندے نہیں
 سرکار ﷺ دے امتی نہیں جیہڑے
 مڑ مڑ کے بلائے جاندے نہیں

کعبے دا دوارا کیہ آکھاں
 روضے دا نظارہ کیہ آکھاں
 اتھے درد سنائے جاندے نہیں
 اوٹھے درد وٹھائے جاندے نہیں

اک جھلک پئی جد یوسفؑ دی
 ہتھ کٹ لئے عورتاں مصر دیاں
 بن ڈٹھیاں اوہدے نام اتوں
 کئی سپس کٹائے جاندے نہیں

کئی جاگدیاں دی عمر گئی
 رکھ رکھ کے اڈیکاں یار دیاں
 سفنے وچ آکے کئیاں نوں
 دیدار کرائے جاندے نہیں

ایہہ عشق ظہوری کئی واری
 مرنے توں پہلا مار دا اے
 دکھ سہہ کے وی محبوباں دے
 سوناز اٹھائے جاندے نہیں

اور!

یاد وچ روندیاں نہیں اکھیاں نمائیاں
سد لو مدینے آقا ﷺ کرو مہربانیاں

ساری کائنات دا خزانہ مل گیا اے
اللہ دی سونہہ جنہاں نوں مدینہ مل گیا اے
جالیاں دے کول بہہ کے اوہناں موجاں مانیاں
سد لو مدینے آقا کرو مہربانیاں

سارے جگ نالوں اوہ فضاواں نہیں نرالیاں
دسدیاں جدوں سوہنے روخے دیاں جالیاں
شالا کدے فیر آون رتاں اوہ سہانیاں
سد لو مدینے آقا کرو مہربانیاں

ور دے سوالیاں نوں خیر جھولی پاؤنا
عاجزاں غریباں تائیں سینے نال لاؤنا
ایہو لچ پالان دیاں عادتاں پرانیاں
سد لو مدینے آقا کرو مہربانیاں

غیراں اگے کدی دکھ اپنا نہ پھول دے
 چپ چپ رہندے مونہوں اچی وی نہ بولدے
 آقا دے غلاماں دیاں ایہونیں نشانیاں
 سد لو مدینے آقا کرو مہربانیاں

ساڈا تے ظہوری ایہو دین تے ایمان ایں
 پیار کملی والے دا عبادتاں دی جان ایں
 پیار بناں سمجھے گلاں قصے تے کہانیاں
 سد لو مدینے آقا کرو مہربانیاں

اور!

جس راہ توں سوہنا ننگھ جاوے
 اوہدی خاک اٹھا کے چم لیناں
 جد ہجر ستاوے ناں تیرا !
 اکھیاں نوں لا کے چم لیناں

اک دن اوہ وی دن آوے گا
 جد در تے یار بلاوے گا
 رکھ رکھ کے تصور روئے دا
 اک نقشہ بنا کے چم لیناں

زاہد بے کچھے دس تیرے
 محبوب دا چہرہ کیسا اے
 میں ہور تے کچھ نہیں کہہ سکدا
 قرآن اٹھا کے چم لیناں

ہتھ مرشد دے ہتھ تیرے نہیں
 رب آکھے ایہہ ہتھ میرے نہیں
 ایسے لئی مرشد کامل دے
 ہتھاں نوں جا کے چم لیناں

مرشد توں تیرا در ملدا
 اس در توں رب دا گھر ملدا
 میں ایسے خاطر ولیاں دی
 چوکھٹ نوں جا کے چم لیناں

میرا مان ظہوری سوہنے تے
 میں کوہجا کیہ تعریف کراں
 جو قلم لکھے ناں سوہنے دا
 اوہ قلم اٹھا کے چم لیناں

صَلَّى اللّٰهُ عَلٰى النَّبِيِّ الْاُمِّيِّ وَاللّٰهِ وَبَارِكْ وَسَلِّمْ

ارباب علم و دانش

نعت رسول مقبول ﷺ پیش کرن دی سعادت حاصل کرن گے انتہائی خوبصورت و دلنشین و ماہ جبیں آواز..... سوز و گداز دے پیکر نعت گو شاعر

میری مراد جناب محمد اشفاق شیرازی صاحب نہیں

آؤ بلند آواز نال نعرے لگا کے استقبال کریئے

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب اشفاق شیرازی بھائی ہدیہ نعت پیش فرمائے سن اللہ پاک آپ

دی آواز اندر اور سوز و گداز اندر برکتاں پیدا فرمائے..... اور سانوں سب

نوں ذکر مصطفیٰ کریم ﷺ دی لذت و چاشنی عطا فرمائے

سرکار دی آمد و آمد ذکرہ ہو ریاسی..... اللہ پاک سانوں سب

نوں سرکار ﷺ دی آمد دی خوشی کرن دی سعادت و توفیق عطاء

فرمائے۔

ارباب علم و دانش!

رب کائنات نہیں اپنے محبوب کریم ﷺ دے صدقے پوری کائنات

نوں سجایا..... بڑی توجہ نال سماعت فرماؤ اور اپنے ایمان نوں تازہ کرو.....

سوہنے رب نے سوہنی تخلیق دے نال جہان نوں سجایا:

تاریاں دے نال آسمان سجایا

چاننی نال چن سجایا

دھپ دے نال سورج سجایا

بدلاں دے نال موسم سجائے

پھاڑاں دے نال زمین سجائی

بہاراں دے نال باغ سجائے

خوشبو دے نال پھل سجائے

پھلاں دے نال درخت سجائے

حسن دے نال حسین سجائے

یوسف دے نال حسن سجایا

آدم دے نال علم سجایا

نوح دے نال علم سجایا

مولا علی رضی اللہ عنہ دے نال نجف سجایا

امام حسین رضی اللہ عنہ دے نال کربلا سجایا

غوث پاک دے نال بغداد سجایا

بابا فرید دے نال پاکپتن سجایا

داتا صاحب دے نال لاہور سجایا

خواجہ صاحب دے نال اجمیر سجایا

شاہ رکن عالم دے نال ملتان سجایا

شیرزبانی دے نال شرقپور شریف سجایا

محبوب الہی دے نال دہلی سجایا

ابن عربی دے نال تصوف سجایا

ولیاں دے نال طریقت سجائی

علمائے حق دے نال شریعت سجائی

اہل بیت دے نال طہارت سجائی
آقا ﷺ دی شفاعت نال رحمت سجائی

میلا د مصطفیٰ ﷺ دے نال دن سجایا
معراج مصطفیٰ ﷺ دے نال رات سجائی

سوہنے نبی ﷺ دے ذکر نال قرآن سجایا
سوہنے نبی دے نور نال پورا جہان سجایا

اور!

الحاج محمد علی ظہوری رضوی رحمۃ اللہ علیہ کیہ خوب فرماندے میں
کے چار چوہیرے پکار پے گئی
والی دو جہان دا آیا اے
واضحی چہرہ تے وایل زلفاں
کے ماں کرماں والی نے جایا اے

اوپدے حسن دی جہاں نہ جائے جھلی
حسن والیاں مکھ لکایا اے
جدوں ٹردا تے کردی زمین سجدے
شجر و حجر نے سیس نوایا اے

نال انگلی دے چن توڑ دیندا
 آپے توڑ کے جوڑ دکھایا اے
 جدوں چاہندا اے سورج موڑ دیندا
 رب اوہنوں مختار بنایا اے

رب اوہدی زبان چوں بولدا اے
 بولے جو قرآن فرمایا اے
 اوہنوں دیکھ کلمہ پڑھیا کنکراں نہیں
 حکم اوس نہیں جدوں سنایا اے

جتنے کئی خدا سن جھوٹھیاں دے
 جھنڈا اوٹھے توحید دا لایا اے
 دشمن دین گاہلاں اوہ دعا منگے
 اوہدے خلق دا انت نہ پایا اے

حامی اوہ غریباں تے بیکساں دا
 جتنے سب دا درد وندایا اے
 کیوں نہ خوشیاں ظہوری مناؤن سارے
 کملی والا ﷺ تشریف لیا اے

اور!

نور ازلی چمکیا غائب ہنیرا ہو گیا
کملی والا آ گیا تھاں تھاں سویرا ہو گیا

حشر تک اوہ پاک راہواں سجدہ گاہواں بن گھیاں
جہاں راہواں تے میرے آقا ﷺ دا پھیرا ہو گیا

رب نون وی ہو گئی دھرتی بڑی محبوب اوہ
جیہڑی تھاں تے احمد مرسل دا ڈیرا ہو گیا

فخر سارے نہیں بجا مدینے پاک دے
عرش اعظم توں اوہدا رتبہ اچیرا ہو گیا

یا رسول اللہ ﷺ اونھے بخت وانے لوگ سن
جہاں دی قسمت دے وچ دیدار تیرا ہو گیا

ہو گئی مینوں ظہوری درد دی دولت نصیب
مل گیا اے چین جد دا غم ودھیرا ہو گیا

اور!

ہر پاسے نورانی جلوے لائی موج بہاراں نہیں
دو جگ دے وچ دھماں پیاں آگیاں سرکاراں نہیں

صورت سوہنی روپ انوکھا اچیاں شانناں والے دا
دیکھ کے منہ وچ انگلاں پائیاں حسن دیاں سرداراں نہیں

جہاں دے وچ بہہ کے سوہنا امت واسطے رویا سی
دنیا نوں روشنائی بخشی دیں عرب دیاں غاراں نہیں

صدیق عمر عثمان رضی اللہ عنہم دے ہتھاں دیوچ ہتھ نبی صلی اللہ علیہ وسلم دے
یاری خوب نبھائی یارو پاک نبی دے یاراں نہیں

بے شک دور مدینہ میتھوں میں نہیں دور مدینے توں
ہراک ساہ نال میرے دل دیاں اوتھے ای وجدیاں تاراں نہیں

سوہنے ورگا ہور ظہوری نہ ہو یا نہ ہووے گا
دنیا آتے میرے جیہیاں پھر دیاں لکھ ہزاراں نہیں

صَلَّى اللّٰهُ عَلَى النَّبِيِّ الْأُمِّيِّ وَاللَّهِ وَبَارِكْ وَسَلِّمْ
ارباب علم و دانش!

میں تہاڑی سماعتاں دی نظراج دی محفل دے آخری اور مرکزی اور مہمان
 ثناء خواں پیش کرن دی سعادت حاصل کراں گا..... ہر و عزیز ثنا خواں.....
 تہاڑی جانی تے پہچانی آواز..... ساڑی مرکزی محافل دی جان و شان
 آسمان نعت تے چمکن والا روشن ستارہ میری مراد جناب فیض محمد
 قادری برادران میں

آؤ محبت بھرا نعرہ لا کے استقبال کریئے

نعرہ تکبیر..... نعرہ رسالت..... نعرہ حیدری..... نعرہ غوثیہ

صَلَّى اللّٰهُ عَلَى النَّبِيِّ الْأُمِّيِّ وَاللَّهِ وَبَارِكْ وَسَلِّمْ



نقابت نمبر: 11

بِسْمِ اللّٰهِ الرَّحْمٰنِ الرَّحِیْمِ

نَحْمَدُهُ وَنُصَلِّیْ وَنُسَلِّمُ عَلٰی رَسُوْلِهِ الْكَرِیْمِ
اَمَّا بَعْدُ

فَاعُوْذِبُ بِاللّٰهِ مِنَ الشَّیْطٰنِ الرَّجِیْمِ
بِسْمِ اللّٰهِ الرَّحْمٰنِ الرَّحِیْمِ
قَالَ اللّٰهُ تَعَالٰی فِی الْقُرْاٰنِ الْمَجِیْدِ وَالْفِرْقَانِ الْحَمِیْدِ
اِنَّ اللّٰهَ وَمَلَائِكَتَهُ یُصَلُّوْنَ عَلَی النَّبِیِّ یٰۤاَیُّهَا الَّذِیْنَ
اٰمَنُوا صَلُّوا عَلَیْهِ وَسَلِّمُوا تَسْلِیْمًا
صَدَقَ اللّٰهُ الْعَظِیْمُ

الصَّلٰوةُ وَالسَّلَامُ عَلَیْكَ یَا سَیِّدِیْ یَا رَسُوْلَ اللّٰهِ
وَعَلٰی اٰلِكَ وَاَصْحَابِكَ یَا سَیِّدِیْ یَا حَبِیْبَ اللّٰهِ
الصَّلٰوةُ وَالسَّلَامُ عَلَیْكَ یَا سَیِّدِیْ یَا رَحْمَةَ الْعٰلَمِیْنَ
الصَّلٰوةُ وَالسَّلَامُ عَلَیْكَ یَا سَیِّدِیْ یَا شَفِیْعَ الْمُنِیْنِ

عزیز دوستو! نوجوان ساتھیو! چواور بزرگو!

پردہ نشین میری ماؤں، بہنوتے بیٹیو!

السلام علیکم ورحمۃ اللہ وبرکاتہ!

تمام حمداں، تمام تعریفاں، تمام صفتاں تے تمام ثناواں اللہ رب کائنات دی ذات مقدسہ واسطے نیں..... اور درود اوہدے پیارے نبی، نبی مکرم، شفیع معظم، تاجدار ارض و سما، والی کبریا، دو جہاں دے بادشاہ، سید الرسل، ختم رسل، مولائے کل، ماویٰ و ملجائے کل، احمد مجتبیٰ، محمد مصطفیٰ ﷺ نیں اللہ رب کائنات دا کڑوڑا احسان اے..... جس نے سانوں اپنی یاد دا موقعہ عطا فرما کے اپنے گناواں دی تلافی کرنے دا موقعہ عطا فرمایا..... دعا اے کہ مالک کائنات ساڈی سب دی حاضری قبول فرما کے ساڈے سب دے صغیر ہ کبیرہ گناہ معاف فرمائے۔

ارباب علم و دانش:

رسول اکرم ﷺ دی ولادت مقدسہ ہوئی تے حضرت آمنہ رضی اللہ عنہا

فرماندیاں نیں

خرج منی نوراً

میرے بطن اطہر دے اندروں نور نکلیا اور میں اوس نور دی روشنی وچ

مکے چہ بیٹھ کے کسری دے محلات دیکھ لئے

ارباب علم و دانش:

جیہڑا نبی اپنی ماں نون مکے چہ بیٹھ کے کسری دے محلات دکھا سکد اے

اوہو نبی ارج مدینے وچ بیٹھ کے ساڈی محفل داوی مشاہدہ فرما

سکدے اے

ارباب علم و دانش:

میرے نبی ﷺ نے ارشاد فرمایا

أَوَّلُ مَا خَلَقَ اللَّهُ نُورِي

اللہ نے ساری کائنات بناؤں توں پہلاں میرا نور پیدا فرمایا

فیر میرے نبی دے نورناں پوری کائنات دا نور تخلیق فرمایا:

ارباب علم و دانش:

جدوں کائنات دے نور مکمل ہو گئے

چن دا وی نور بن گیا

سورج دا وی نور بن گیا

ستاریاں دی وی نور بن گیا

عرش اعظم دا وی نور بن گیا

لوح و کرسی دا وی نور بن گیا

حور و غلاماں دا وی نور بن گیا

تمام نبیاں دا وی نور بن گیا

ارواح دا وی نور بن گیا

رب کائنات نہیں نور محمدی ﷺ نوں فرمایا اے نور محمدی ﷺ

جلوہ فرماؤ!

پوری کائنات دے نور

نور محمدی ﷺ دا طواف کرن لگ پئے
 اور ایسا طواف جیسا حاجی خانے کعبے دا طواف کر دے نیں
 اللہ نے فرمایا!

اے کائنات دے انوار..... میرے محبوب دا طواف کرو..... میرے
 محبوب ﷺ دی زیارت کرو..... میں ایسے نور دی زیارت دا صدقہ.....
 تہانوں انعام بخشاؤں گا..... تہانوں عزتاں بخشاؤں گا..... تہانوں عظمتاں دے
 تاج بخشاؤں گا
 ارباب علم و دانش:

اللہ نے اوس نور دی زیارت دا صدقہ انوار بخشے..... عظمتاں قربان
 کیتیاں..... نعمتاں دی بارش فرمائی..... آؤ میں دساں کیہ انوار بخشے
 حوالہ نوٹ فرماؤ تفسیر روح البیان دا حوالہ پیش کر ریاواں..... اور ایہہ
 تفسیر علامہ اسماعیل حقی رحمۃ اللہ علیہ دی تحریر اے
 ستر ہواں پارہ اے جیدے اندر اے واقعہ منقول اے اور ایہہ تفسیر تین
 سو چالیس سال پرانی اے ہر مکتبہ فکر ایسے تفسیر دا قائل اے..... اور ایہہ واقعہ
 جامع المعجزات اندر وی موجود اے..... اور ایہہ تصنیف وی تقریباً تین سو
 سال پرانی اے۔
 ارباب علم و دانش:

بڑی توجہ نال سماعت فرماؤ!

اگر میں مجھے وچ ایک آدمی کھڑا کران تے سب نون کہوان کہ ایس
 شخص نون دیکھوتے یقیناً اوہ شخص ہر آدمی نون کامل طور تے نظر نہیں آئیگا
 بلکہ.....

کے نون چہرہ نظر آوے گا
 کے نون بازو نظر آوے گا
 کے نون سر نظر آوے گا
 کے نون پیٹ نظر آوے گا
 کے نون پیر نظر آوے گا
 کے نون اکھ نظر آوے گی

ارباب علم و دانش!

نبی دانور درمیان وچ موجود اے..... اور خدائی دے تمام نور طواف
 کررے نیں..... جدوں طواف مکمل کر چکے..... تے اللہ نے ارشاد
 فرمایا..... اے تمام انوار کچھے ہٹ جاؤ..... اور انساناں نون حکم فرمایا اے
 عالم ارواح تسی آگے آ جاؤ اور میرے محبوب دا طواف کرو!..... ارواح نے
 طواف کیتا..... اللہ نے فرمایا میرے نبی دے نور دا طواف کرو..... نبی دانور
 درمیان وچ موجود اے:

کے نون محبوب ﷺ دا سر انور نظر آیا
 کے نون محبوب دی ما زاغ البصر دی اکھ نظر آئی

کے نون محبوب دیاں والیل زلفاں نظر آئیاں
 کے نون محبوب دا ما زاغ وا کا جل نظر آیا
 کے نون محبوب دے طہ دے دند نظر آئے
 کے نون محبوب دے پدا اللہ والے ہتھ نظر آئے
 کے نون محبوب دے قد میں شریف نظر آئے

اللہ نے فرمایا..... اے ارواح طیبات!

تہانوں محبوب دے نور دی زیارت دا انعام دیواں گا..... ارواح نے
 محبوب اطہر دے نور انور دی زیارت کیتی جہاں نے امام الانبیاء دے سر انور
 دی زیارت کیتی.....

جدوں اوہ دنیا وچ آئے تے سب دے سب بادشاہ بن گئے
 جہاں نے سرکار دی پیشانی مبارک دی زیارت کیتی او سب دے سب امیر بن گئے
 جہاں نے ما زاغ دے کا جل والی اکھ دا مشاہدہ کیتا اوہ سب دے سب
 قرآن دے حافظ وقاری بن گئے

جہاں نے سرکار دے ما ی نطق والے لب مبارک دی زیارت کیتی اوہ سب
 دے سب مملکت دے وزیر بن گئے

جہاں نے سرکار ﷺ دے دندان مبارک دی زیارت کیتی اوہ سب دے
 سب حسین و جمیل بن گئے

جہاں نے سرکار دی زبان اقدس دی زیارت کیتی اوہ سب دے سب سفیر

بن گئے

جہاں نے سرکارِ دے حلق مبارک دی زیارت کیتی اوہ سب دے سب اذان
دین والے موذن بن گئے

جہاں نے سرکارِ دے سینے مبارک دی زیارت کیتی اوہ سب دے سب عالم
دین اور مجتہد بن گئے

جہاں نے سرکارِ دے ید اللہ والے ہتھاں دی زیارت کیتی اوہ سب دے
سب سخی بن گئے

ارباب علم و دانش!

جہاں ارواح نے سرکارِ دو جہاں ﷺ دے چہرہ انور دی زیارت نہیں
کیتی اوہ دنیا تے آکے کافر بن گئے

کوئی ابو جہل بن گیا

کوئی ابولہب بن گیا

کوئی عتیبہ بن گیا

کوئی شبیہ بن گیا

جہاں نون محبوب عالم ارواح اندر نظر نہیں آئے..... اوہناں نون کلمہ ہی

نصیب نہیں ہويا..... اللہ پاک سانوں سب نون نور مصطفیٰ کریم ﷺ واقرب

نصیب فرمائے۔

صَلَّى اللهُ عَلَى النَّبِيِّ الْأُمِّيِّ وَاللَّهِ وَبَارِكْ وَسَلِّمْ

ارباب علم و دانش!

تلاوت کلام پاک پیش کرن دی سعادت حاصل کرن گے خوبصورت
 اور منفرد انداز دے مالک قاری قرآن، فخر القراء، نجم القراء، شمس القراء جناب
 قاری محمد رفیق نقشبندی صاحب..... آؤ بلند آواز نال نعرے لگا کے استقبال
 کریے

کوئی لب، کوئی زبان خاموش نہ روے

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

تلاوت کلام پاک پیش کرن دی سعادت حاصل کر رہے سن جناب
 قاری محمد رفیق نقشبندی صاحب اللہ پاک سانوں سب نوں قرآن پڑھن دی
 اور اینوں سمجھ کے ایدے تے عمل کرن دی توفیق عطاء فرمائے
 یقیناً یقیناً قرآن ایسی معتبر اور لازوال کتاب اے کہ ایس نوں پڑھنا
 بھی ثواب اے..... اور سننا بھی ثواب اے

جتنا ثواب ایس قرآن نوں پڑھن دا اے اتنا ای ثواب سننے دا بھی اے

اللہ پاک سانوں سب نوں قرآن دے رموز و اسرار سمجھن دی توفیق

عطاء فرمائے..... آمین ثم آمین

ارباب علم و دانش

از شاد و ربانی ہے

مَنْ يُطِيعِ الرَّسُولَ فَقَدْ أَطَاعَ اللَّهَ

جنھے رسول اللہ کی اطاعت کیتی

تحقیق اویئے اللہ کی اطاعت کیتی

اور یقیناً رسول اللہ کی اطاعت ایمان دی جان اے..... ایمان وامرکز
و محور اے یا در کھو کوئی بندہ اڈوں تک کامل مومن نہیں جدوں تک اودے سینے
اندر رسول اللہ کی محبت و اطاعت موجود نہیں
ارباب علم و دانش!

اوپدوں تک کوئی نماز نہیں

جدوں تک مَنْ يُطِيعِ الرَّسُولَ فَقَدْ أَطَاعَ اللَّهَ نون نان منے
اوپدوں تک کوئی روزہ قبول نہیں

جدوں تک مَنْ يُطِيعِ الرَّسُولَ فَقَدْ أَطَاعَ اللَّهَ نون نان منے
اوپدوں تک کوئی زکوٰۃ قبول نہیں

جدوں تک مَنْ يُطِيعِ الرَّسُولَ فَقَدْ أَطَاعَ اللَّهَ نون نان منے
اوپدوں تک کوئی حج قبول نہیں

جدوں تک مَنْ يُطِيعِ الرَّسُولَ فَقَدْ أَطَاعَ اللَّهَ نون نان منے
اوپدوں تک کوئی جہاد قبول نہیں

جدوں تک مَنْ يُطِيعِ الرَّسُولَ فَقَدْ أَطَاعَ اللَّهَ نون نان منے
(جدوں تک حکم خداوندی زندہ اے)

اوپر تک اطاعت مصطفیٰ ﷺ کی زندہ ہے
 میرے کریم آقا علیہ الصلوٰۃ والسلام نے ارشاد فرمایا
 إِنَّ اللَّهَ حَرَّمَ عَلَيَّ الْأَرْضَ أَنْ تَأْكُلَ أَجْسَادَ الْأَنْبِيَاءِ
 اللہ نے ایسے زمین اُتے انبیائے کرام دے
 جساموں کو کھانا حرام کر دیا ہے

ارباب علم و دانش!

تمام انبیائے کرام دی شان ایسے ہے کہ اوہ تمام نفوس اپنی قبروں اندر
 زندہ ہیں..... تے فیر امام الانبیاء و اکیہ مقام ہوویگا
 کلمہ طیبہ پڑھو

لَا إِلَهَ إِلَّا اللَّهُ

میں کوئی معبود ماسوا اللہ دے

مُحَمَّدٌ رَسُولُ اللَّهِ

محمد ﷺ اللہ دے رسول ہیں

ترجمہ ایسے ثابت کر رہیا ہے کہ محمد ﷺ اللہ دے رسول ہیں.....

فیر مننا پویگا جیدا کلمہ زندہ ہے

اوہ کلمے والا وی زندہ ہے

جیدی رسالت زندہ ہے

اوہ رسالت والا وی زندہ ہے

جیدی اطاعت زندہ اے

اوہ اطاعت والا وی زندہ اے

جیدا اسلام زندہ اے

اوہ اسلام والا وی زندہ اے

جیدا کلام زندہ اے

اوہ کلام والا وی زندہ اے

فیر کیوں نہ کوواں

مرگئے جہاں دے اوہو کین مرگئے

ساڈا نبی تاجدار زندہ اے

ساڈے نبی زندہ ساڈے ولی زندہ

ہر دربار زندہ تے صاحب مزار زندہ

ساڈے نبی!

اوہ زندہ اوہ..... تے بولو

ساڈے نبی زندہ

ساڈے ولی زندہ

ہر دربار زندہ

صاحب مزار زندہ

ارباب علم و دانش

ساڈے سوہنے نبی دی تے شان بلند و بالا اے آؤ میں تہانوں ولی کامل
دی شان سنانا واں..... فقیر اوہ وی دا نگی اے زندگی حاصل کر دا اے۔ بڑی
توجہ، محبت اور عقیدت نال سماعت کرو اور اپنے ایمان تازہ کرو

قصور دی سر زمین اُتے جدوں حضرت بابا جی بلھے شاہ سرکار رحمۃ اللہ علیہ دا
وصال ہو یا تے آپ دا وصال ہو یا منگل والے دن..... تے چند ہندو پیبیاں
مل کے کہندیاں نیں چلو بابا جی سرکار دی زیارت کر آئیے..... بڑی نورانی
شکل و صورت سی آپ سرکار دی..... آپ سرکار دا فیض گرامی اتنا وسیع و
عریض سی..... کہ دم کر دے تے بچیاں نوں شفاء ہو جاندی سی..... آپ
سرکار دی صورت اتنی پیاری اور اتنی حسین و جمیل سی کہ ہندو آپ دے چہرے
دی زیارت کر لیندے تے مسلمان ہو جاندے سن..... تے جدوں ہندو
عورتاں اکٹھیاں ہونیاں تے اک عورت کہن لگی..... انج تے ساریاں گلاں
درست نیں..... پر مسلماناں دا سب توں چنگا تے برکت والا دن جمعے دا ہندا
اے..... پر آپ دا وصال تے منگل والے دن ہو یا اے..... جے بابا جی ولی
کامل ہندے تے آپ دا وصال وی جمعے والے دن ہندا

جدوں آپ سرکار نے ایہہ بات سنی چہرے توں نقاب اتار دتا..... اور
اٹھ کے بہہ گئے اور فرمان لگے: فیر کیہڑی گل اے..... اسی جمعے دے دن فیر
فوت ہو جاواں گے

تے آپ سرکار فرماندے نیں

آپنی پائیاں کنڈیاں !

تے آپنی کھچنا ایں ڈور !

ساڈے ون مکھ موڑ !

عرش کرسی تے بانگاں ملیاں

مکے پے گیا شور

بلھے شاہ اسان مرنا ناہیں

گور پیا کوئی ہور

تے فیر کیوں نہ کہواں

مرگے جہاں دے اوہو کین مرگے

ساڈا نبی تاجدار زندہ اے

ساڈے نبی زندہ ساڈے ولی زندہ

ہر دربار زندہ تے صاحب مزار زندہ

ساڈے نبی!

اوہ زندہ..... اوہ تے بولو

ساڈے نبی زندہ

ساڈے ولی زندہ

ہر دربار زندہ

صاحب مزار زندہ

ارباب علم و دانش

چکوال دے قریب ایک قصبہ اے..... جیدانام اے اور وال..... اوس
 قبرستان دی خاصیت اے کہ اوتھے تمام قبریں حفاظ کرام دیاں نیں..... تے
 قبلہ پیر مہر علی شاہ صاحب سرکار اپنے مریداں دے نال سفر تے نکلے تے
 آپ سرکار واگزر اوس قبرستان چوں ہو یا..... تے جدوں قبلہ پیر مہر علی
 شاہ صاحب سرکار قبرستان دے دروازے تے پہنچے..... تے آپ نے جوتی
 مبارک اتار دتی..... تے بگل وچ رکھ کے ٹرے..... جدوں قبرستان دی
 حدود توں باہر نکلے تے..... اک مرید حاضر خدمت ہندا اے تے عرض کردا
 اے..... سرکار دسوتے سہی..... معاملہ کیہ سی..... آپ سرکار نے فرمایا او چلیا
 بے تیرے کول مہر علی شاہ ورگی اکھ ہندی تے توں وی جتی لا دیندا..... غلام
 نے فی عرض کیتی سرکار دسوتے سہی معاملہ کیہ سی آپ سرکار نے فرمایا..... میں
 جدوں قبرستان دے اُتے آسمان تے اپنی نظر ولایت کیتی تے کیہ دیکھیا.....
 کہ فرشتے قبرستان دا طواف کر رہے سن..... تے جدوں نگاہ ولایت قبریں
 دے اندر ماری تے کیہ دیکھیا کہ ہر حافظ قرآن اپنی قبر وچ قرآن دی
 تلاوت کر یاسی مہر علی نوں گوارا نہیں سی کہ قبرستان چوں جتی پا کے لنگھے.....
 کیونکہ ہر حافظ قرآن دی تلاوت کر یاسی..... او جدوں حافظ قرآن زندہ
 اے تے ولی اللہوا کیہ مقام ہوویگا

تے فیہ کیوں نہ کہواں

مرگئے جہاں دے اوہو کین مرگئے

ساڈا نبی تاجدار زندہ اے

ساڈے نبی زندہ ساڈے ولی زندہ

ہر دربار زندہ تے صاحب مزار زندہ

ساڈے نبی!

اوہ زندہ..... اوہ تے بولو

ساڈے نبی زندہ

ساڈے ولی زندہ

ہر دربار زندہ

صاحب مزار زندہ

داتا صاحب زندہ باوا صاحب زندہ

ہے بغداد وچ غوث سرکار زندہ

مولا علی زندہ مہر علی زندہ

شمس پیر سیال ولددار زندہ

نوشا پیر زندہ دستگیر زندہ

باہو پیراے عالی وقار زندہ

معین الدین زندہ قطب الدین زندہ
صابر پیا زندہ نظام الدین سچیا زندہ

نقشبند زندہ مجدد پاک زندہ
علی پور داماد انوار زندہ

زندہ شیر ربانی تے شاہ لاثانی
مخدوم پور دا اے مستوار زندہ

خاکی شاہ میرا اے پیر سوہنا
چشتی صابری گل و گلزار زندہ

صوفی شریف سخی سرور زندہ
معراج الدین اے صاحب اسرار زندہ

اعلیٰ حضرت بریلی دا شاہ زندہ
اک اک لفظ اوہدا تابدار زندہ

اٹ اٹ سے جامعہ رضویہ دی
ہے سردار زندہ ہے سردار زندہ

میراں بھیکھ زندہ بھیک دین والا
بلھے شاہ اے حسن بہار زندہ!

صائم ولیاں دی گل تے اک پاسے
رہن ولیاں دے خدمت گزار زندہ

صَلَّى اللهُ عَلَى النَّبِيِّ الْأُمِّيِّ ذَالِهِ وَيَبَارِكُ وَسَلِّمْ
ارباب علم و دانش!

نعت رسول مقبول ﷺ پیش کرن دی سعادت حاصل کرن گے ہر
دل عزیز ثنا خواں عالمی شہرت یافتہ ثناء خوان QTV اور پاکستان ٹی وی چینلز
تے بارہا نظر آن والا ثنا خوان تہاڑی جانی پچپانی آواز..... سوز و گداز دے
پیکر..... ساڈی مرکزی محافل دی جان و شان میری مراد جناب قاری شاہد
محمود قادری صاحب نیں آؤ بلند آواز نال نعرہ لگا کے استقبال کریئے
نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب قاری شاہد محمود قاری صاحب ہدیہ عقیدت پیش فرمائے سن اللہ

پاک میرے ایس بھائی دی آواز اندر اور سوز و گداز اندر برکتاں پیدا
فرمائے..... (آمین ثم آمین)

ارباب علم و دانش!

رسول کائنات ﷺ دی محبت ایمان دی جان اے..... ایمان دامرکز
اے..... اور بخشش و نجات دا ذریعہ اے

حدیث مبارکہ سماعت کرو اور اپنے ایمان تازہ کرو..... ارابی دا نام
اے حضرت سیدنا انس رضی اللہ تعالیٰ عنہ..... حوالہ نوٹ فرماؤ..... بخاری
شریف ج نمبر ۱ حدیث نمبر ۳۷ مسلم شریف ج نمبر ۱ حدیث نمبر ۷۷

عن انس رضی اللہ عنہ قال قال رسول اللہ ﷺ لا
یؤمن احدکم حتی اکون أحب الیہ من والدہ وولدہ
والناس اجمعین

حضرت انس رضی اللہ تعالیٰ عنہ فرماتے ہیں کہ نبی اکرم ﷺ نے
ارشاد فرمایا

کوئی شخص اوہدوں تک مومن نہیں ہو سکتا..... چدوں تک میں
اوہدے دل و بیچ اوہدے ماں باپ اور اوہدی آل اولاد اور تمام لوگان توں
ودھ کے محبوب نہ ہو جاواں

دوسرے مقام تے ارشاد نبوی اے

لا یؤمن احدکم حتی تکون هواہ تبعاً لہا بحث

تھا ڈے وچوں کوئی شخص مومن نہیں ہو سکتا حتیٰ کہ اوہدی خواہشات میری شریعت و طریقت دے تابع ہو جاوے
ارباب علم و دانش:

تسی سماعت فرمایا کہ مقام مصطفیٰ ﷺ کیہ اے جدوں تک بندہ مومن
 دی خواہشات رسول اللہ ﷺ دے تابع نہ ہو جان بندے دا ایمان مکمل نہیں
 ہندا..... اللہ سانوں سب نوں رسول اللہ ﷺ دی تابع فرمانی نصیب
 فرمائے (آمین ثم آمین)
ارباب علم و دانش!

میرے سوئے نبی مکرم ﷺ دی عظمت و شان اور مقام قرآن بیان کردا
 اے..... حضرت عائشہ صدیقہ عقیقہ طیبہ طاہرہ رضی اللہ تعالیٰ عنہا نوں آپ
 سرکار ﷺ دے خلق دے بارے پچھیا گیتے اماں جی فرماندیاں نین
 ”کان خلقه القرآن“

قرآن میرے نبی ﷺ دا اخلاق اے

اور یقیناً یقیناً قرآن میرے نبی دا دائماً اور قائماً معجزہ اے بڑی محبت
 نال سماعت فرماؤ اور اپنے ایمان تازہ کرو

☆ قرآن کریم اندر چھ ہزار چھ سو چھیاسٹھ (6666) آیات نین اور

ہر آیت میرے نبی ﷺ دا معجزہ اے

☆ قرآن کریم اندر تین لکھ بائیس ہزار چھ سو ستر (322670)

حروف میں اور ہر حرف میری نبی ﷺ دا معجزہ اے

بڑی توجہ نال سماعت کرو

میرے جملے قیمتی نہیں ضائع نہ کرنا!

انشاء اللہ آئندہ سال تک ایہدی لذت و چاشنی تہاڈے دلاں اندر

موجود روگی.....کہ:

حرف ملا کے لفظ معجزہ اے

لفظ ملا کے کلمہ معجزہ اے

کلمہ ملا کے کلام معجزہ اے

کلام ملا کے آیتاں معجزہ نہیں

آیتاں ملا کے رکوع معجزہ نہیں

رکوع ملا کے ربع معجزہ اے

ربع ملا کے نصف معجزہ اے

نصف ملا کے پارے معجزہ نہیں

اور تیس پارے ملا کے پورہ قرآن معجزہ اے

اور قبلہ پیر سید ناصر حسین چشتی دا قلم اٹھیاتے کیہ خوب فرماندے نہیں:

کدی پھول کے ویکھ قرآن اندر

کیویں پار نے یار دی گل کیتی

کتے آکھیا زلف دی سونہہ مینوں

کتے زلف دے بال دی گل کیتی

کتے کہیا ید اللہ نیں ہتھ تیرے
 کتے پاک رخسار وی گل کیتی
 کتے اوہدی سواری وی شان وی
 کتے خود اسوار وی گل کیتی

کتے امن دا شہر پکار کے تے
 اوہدے پاک دربار وی گل کیتی
 کدی اپنے کول بٹھا کے تے!
 اللہ عرش توں پار وی گل کیتی

کدی اپنے کول بٹھا کے تے
 اللہ قاب قوسین وی گل کیتی
 کتے سینے نوں کہیا الم نشرح!
 کتے حسن حسین وی گل کیتی

کیتی جدوں محبوب وی گل کیتی
 بالکل میں طرفین وی گل کیتی
 کتے کہیا سراج منیر اوہوں
 کتے پاک نعلین وی گل کیتی

صدقے جاواں بے نیاز دے پیارا توں
 تھان تھان دلدار دی گل کیتی
 پے گئی جدوں وی گل وی لوڑ ناصر
 سوہنے نال پیار دی گل کیتی
 صَلَّى اللهُ عَلَى النَّبِيِّ وَالْآلِهِ وَبَارِكْ وَسَلِّمْ

ارباب علم و دانش!

نعت رسول مقبول ﷺ پیش کرن دی سعادت حاصل کرن گے
 خوبصورت اور منفرد انداز دے مالک ثناخوان عالمی شہرت یافتہ پاکستان ٹیلی
 ویژن دے بے شمار چینلز تے بارہا نظر آن والا ثناخوان..... ہر دلعزیز انتہائی
 معروف انتہائی مصروف، ساڈی مرکزی محافل دی جان و شان بابا صاحب
 سرکار دی نگری توں فیضیاب میری مراد الحاج شہباز قمر فریدی صاحب نہیں
 آؤ بلندا آواز نعرہ لگا کے استقبال کریئے!

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب الحاج شہباز قمر فریدی بھائی گلدستہ نعت پیش فرما رہے سن اللہ
 پاک آپ دی آواز اور سوز و گداز اندر برکتاں پیدا فرمائے
 آپ نے اپنا معروف کلام پیش فرمایا

آقا میریاں اکھیاں مدینے وچ رہ گئیاں
 مک گیا ویزہ تے جدایاں فیر پے گئیاں

دعا اے کہ اللہ رب کائنات سانوں ساریاں نوں کریم آقا ﷺ دے
روضہ اطہر دی زیارت نصیب فرمائے

اُچی آکھو..... آمین

میرے کریم آقا ﷺ نے ارشاد فرمایا:

من زار علی قبری وجبت له شفاعتی

جس نے میرے روضہ اطہر دی زیارت کیتی اوہدے لئی میری شفاعت

واجب ہوگی

ایسے لئی تے:

مدینہ ساڈی جان اے

مدینہ ساڈی آن اے

مدینہ ساڈی شان اے

اور حیدر چشتی دے قلم واقرطاس پیش کرناواں بڑی محبت و عقیدت نال

سماعت فرماؤ..... تے اپنے ایمان تازہ کرو!

سب نوں دیوے نور مدینہ

عاشقاں لئی اے طور مدینہ

دکھ ہے کروا دور مدینہ

دیوے کیف و سرور مدینہ

نور تھیں ہے معمور مدینہ

خیر دیوے بھرپور مدینہ

دنیا وچ مشہور مدینہ

حوراں لئی اے حور مدینہ

قلب کرے مخمور مدینہ

کردا اے مغفور مدینہ

جنت والیو جنت رکھو

سانوں ہے منظور مدینہ

برکت رحمت راحت ونڈے

رب ولوں نامور مدینہ

مومنناں لئی اے دل توں نیڑے

خوکان لئی اے دور مدینہ

حیدر وا دل کھول کے تک لے

- ایتھوں نہیں اے دور مدینہ

اور!

خدا دی رحمت مدینے وچ اے

نبی دی برکت مدینے وچ اے

کرم وا دھارا مدینے وچ اے

میرا سہارا مدینے وچ اے

جہاں وا مولا مدینے وچ اے

نبی وا جلوہ مدینے وچ اے

حسین فضا دی مدینے وچ اے

عطا ای عطاوی مدینے وچ اے

فضل کمالی مدینے وچ اے

سنہری جالی مدینے وچ اے

نبی دا در وی مدینے وچ اے
 علی دا گھر وی مدینے وچ اے

نبی دا روضہ مدینے وچ اے
 بقیع پیارا مدینے وچ اے

عرش دا تارا مدینے وچ اے
 تے نور سارا مدینے وچ اے

خدا دا منظر مدینے وچ اے
 رسول سرور مدینے وچ اے

اور!

کرم دا خزانہ مدینے دے وچ اے
 خدا دا گلینہ مدینے دے وچ اے

کوئی اچی ساہ وی نہیں لے سکدا اوٹھے
 ادب دا قرینہ مدینے دے وچ اے

حسن پاک اوتھے تے زہرا بتول اے
تے نوحی سفینہ مدینے دے وچ اے

جے مرناں تے مرناں مدینے دے وچ اے
جے جیناں تے جیناں مدینے دے وچ اے

ہے جنت وی جس دا طواف آکے کر دی
اوہ جنت دا زینہ مدینے دے وچ اے

اے خشبوواں طیبه دیاں سدیاں نیں
نبی دا پسینہ مدینے دے وچ اے
اور عاشقاں دے امام علامہ صائم چشتی رحمۃ اللہ علیہ فرمادے نیں:

ہر ویلے عرضاں کردا ہاں سرکار مدینہ ویکھ لوواں
لگ دا اے جتھے اللہ دا دربار مدینہ ویکھ لوواں

ناں عیش بہاراں منگدا ہاں ناں لسیاں عمراں منگدا ہاں
فیر کڈھ لسیں جان میرے مولا اک وار مدینہ ویکھ لوواں

ودھ سب توں او گنہارا ہاں مجرم تے پاپی بھاراں ہاں
کملی دے تھلے لگ جاساں جے یار مدینہ ویکھ لوواں

اللہ جے کرم فرما دیوے جے تے لیکھ جگا دیوے!
میں وار کے مدنی ماہی توں گھر بار مدینہ ویکھ لوواں

میں جھلاں ہاں دل جھلا اے عملاں توں خالی پلہ اے
ہو جان قبول جے نعتاں دے اشعار مدینہ ویکھ لوواں

آساں دا گلشن کھل جاوے سب صائم مقصد مل جاوے
جے مرن توں پہلاں رحمت دی گلزار مدینہ ویکھ لوواں

اور فیصل آباد دی دھرتی توں ایک مزدقلند زوی آواز سنو..... حضرت

علامہ مولانا صائم چشتی رحمۃ اللہ علیہ فرماندے نیں:

میں پا کے کفنی مدینے جاواں نہ فیر آواں کرو دعاواں

جھکا کے گردن نبی دے درتے نہ فیر اٹھاواں کرو دعاواں

جے درتے سداں حبیب میرے تے جاگ اٹھن نصیب میرے

جان ہووے روضہ قریب میرے میں سر جھکاواں کرو دعاواں

کی راز دل دے کسے تے کھولاں میں اتھر وڈو ہلاں تے کچھ نہ بولاں
طیب اپنے نون زخم دل دے میں جا دکھاواں کرو دعاواں

ملے جے پیغام تا جور دا میں جاواں راہواں چہ سجدے کردا
غبار لے کے نبی دے در دا اکھاں چہ پاواں کرو دعاواں

میں لیندا سوئے دا نام جاواں تے پڑھدا صائم سلام جاواں
جتھے سی پھر دا حبیب رب دا اوہ ویکھاں تھاواں کرو دعاواں

صَلَّى اللّٰهُ عَلَى النَّبِيِّ الْاُمِّيِّ وَالِاهِ وَبَارِكْ وَسَلِّمْ

اللہ پاک سانوں سب نون در مصطفیٰ کریم ﷺ دی زیارت دی

سعادت و توفیق عطا فرمائے۔

ارباب علم و دانش!

گلهائے عقیدت پیش کرن دی سعادت حاصل کرن گے الحمد للہ ثم الحمد

للہ عالمی شہرت یافتہ ثناء خوان پاکستان ٹی وی دے بے شمار چینلز تے بارہا

نظر آن والے ثنا خوان سب دی جانی پہچانی آواز ساڈی مرکزی محافل

دی جان و شان رموز نعت خوانی توں آشنا انتہائی معروف اور انتہائی

مصروف میری مراد بلبل چمنستان مدینہ الحاج ظاہر حسین گوچرہ صاحب میں

آؤ بلند آواز نعرہ لگا کے استقبال کریئے!

نعرہ تکبیر..... نعرہ رسالت..... نعرہ حیدری..... نعرہ غوثیہ

ماشاء اللہ جزاک اللہ!

جناب الحاج طاہر حسین گوجرہ خوبصورت انداز اندر گلدستہ نعت پیش فرما

رے سن

اللہ پاک آپ دی آواز اندر اور سوز و گداز اندر برکتاں پیدا

فرمائے..... عظمت و شان والدین تے آپ نے اختتام کیتا

دعاے کہ اللہ سب دے والدین نوں صحت و تندرستی عطا فرمائے.....

جہاں دے والدین فوت ہو گئے نیں اللہ پاک اونہاں دی بخشش و مغفرت

فرمائے!

عارف کھڑی میاں محمد بخش رحمۃ اللہ علیہ فرماندے نیں:

میرے آقا نے فرمایا

کر لو خدمت ماں دی

جس نے کعبہ تکنا ہووے

تک لے صورت ماں دی

ماواں باہجوں کیہڑا سجنو

دل دے درد وٹاندا

کنڈا جے پتران نوں چھدا

درد ماواں نوں آوندا

ماں دا سایہ برکتاں والا
 ماں جے رحمت رب دی
 ہر شے بازاروں مل جاندی اے
 ماں نہیں کدرے لبھدی

ماں مرے تے پیکے مکدے
 باپ مرے گھر ویلا
 شالا مرن نہ ویر کسے دے
 نہیں تے اُجڑ جاندا جے میلہ

ماں ورگی کوئی شے میں جگ تے
 ساری دُنیا پھولی
 جیہڑی ٹھنڈ دلاں نوں پاوے
 مٹھی ماں دی بولی

باپ جاوے سر ننگا ہووے
 ویر مرن کنڈ خالی !
 مانواں باجھ محمد بخشنا
 کون کرے رکھوالی

ویر ویراں دے دلبر ہندے
 ویر ویراں دیاں بانہواں
 باپ ہے سر دا تاج محمد
 ماواں ٹھنڈیاں چھاواں

ایہو دعا ہے میری یا مولا
 نہ مرن کے دیاں مانواں
 ماں دے پیراں تھلے جنت
 مانواں ٹھنڈیاں چھاواں

اور!

رب قادر کریم رحیم ایسا
 کوئی کریم نہیں اللہ پاک ورگا
 باہجھ رب دے ساری کائنات اندر
 دوجا کوئی نہیں شاہ لولاک ورگا

دنیا داری دے سارے رشتیاں وچ
 کوئی ساک نہیں ماں دے ساک ورگا
 پتر پاویں زمانے دا غوث ہووے
 مکیو ماں دے پیراں دی خاک ورگا

اچا بول نہ ماں نوں بول بیٹھیں
 ماں سامنے لبیاں نوں سی لیا کر
 چدوں تینوں سکون دی لوڑ ہووے
 پیر ماں دے دھو کے پی لیا کر

گود ماں دی اے درسگاہ پہلی
 ایتھوں زندگی دا نصب العین بندا
 ایتھوں داتا خواجہ اجمیری بن کے
 دکھی دلاں دے واسطے چین بندا

پتر پاویں زمانے دا ہووے عیبی
 صفتاں کر کر ماں نہ رچدی اے
 عجب میں ماں دا پیار ڈٹھا
 کھاندا پتر تے ماں پئی رچدی اے

اور الحاج رفیق ضیا قادری صاحب ماں دی عظمت و شان اس طرح

بیان کر دے نہیں

محبت نال سنوتے اپنے ایمان تازہ کرو!

آپ لکھ دے نہیں کہ!

ماں دا رتبہ وکھرا وکھری شان میاں
ماں نہیں لبھدی ویلے نوں پہچان میاں

ماں رتے تے رسدی کل خدائی اے
رلدے جہاں ماں دی قدر نہ پائی اے
بعد خدا دے ماں ہی رکھدی ماں میاں

ماں ٹر گئی تے اپنا آپ لکاوں گا
دل دے دکھڑے کس نوں کھول سناووں گا
سب کجھ جان کے نہ بن توں انجان میاں

جیہڑے سجنو ماں دیاں قدراں جان دے نہیں
ماں دی عظمت نوں جیہڑے پہچاندے نہیں
اونہاں لئی تے ہر مشکل آسان میاں

ماں دے ورگا کوئی مینوں لبھدا نہیں
ماں دے باہجوں ویڑا یارو سجدا نہیں
ماں نوں سمجھو اپنی جند تے جان میاں

میرے لئی کر دی اے ماں ہر روز دعا
 شعر ضیاء ماں دی خدمت نال ضیاء
 ماں جی نعمت اللہ وا احسان میاں
 صَلَّى اللَّهُ عَلَى النَّبِيِّ الْأَمِيِّ وَالْإِلَهِ وَبَارِكْ وَسَلِّمْ
ارباب علم و دانش!

اج دی محفل دا آخری ثنا خوان تہاڈی سماعتاں دی نظر کرن دی
 سعادت حاصل کرناواں..... انتہائی ادب و احترام نال گزارش کرناواں.....
 عالمی شہرت یافتہ ثناء خوان..... انتہائی معروف و انتہائی مصروف رموز نعت
 خوانی توں آشنا سوز و گداز دے پیکر..... جناب الحاج نور سلطان صدیقی
 صاحب

آؤ بلند آواز نعرہ لگا کے استقبال کرے

نعرہ تکبیر..... نعرہ رسالت..... نعرہ حیدری..... نعرہ غوثیہ




کلام نقابت

نبی ﷺ دی شان دے چھنڈے

گل سیاپے چھڈے ہوئے نہیں
 پیار دے رشتے کڈھے ہوئے نہیں
 میرے نبی دی شان دے چھنڈے
 اتھے اتھے گڈے ہوئے نہیں
 تیرے ناں تے وچ طوفاناں
 آساں تے بیڑے چھڈے ہوئے نہیں
 ڈھاسن وچ بوجھل دے وانگوں
 جہاں ٹوئے کڈھے ہوئے نہیں
 اوہناں ٹھٹھے خربوزے کھانے
 جہاں تے گڈے ہوئے نہیں
 ونکھ کے پاک نبی دیاں شانناں
 کناں دے آنے تڈے ہوئے نہیں
 ساڈے تے ایہہ بال وی سارے
 لنگر کھا کے وڈے ہوئے نہیں
 بھونکن ساڈے ولیاں تائیں
 ایہہ کنھاں کتے چھڈے ہوئے نہیں
 ناصر اوہناں شرم کی کرنی
 مک جہاں دے وڈھے ہوئے نہیں

سوہنے نال پیار دی گل کیتی

کدی پھول کے دیکھ قرآن اندر کویں یار نے یار دی گل کیتی
 کتے آکھیا زلف دی سوہنہ مینوں کتے پاک رُخسار دی گل کیتی
 کتے کہیا ید اللہ نے ہتھ تیرے کتے اوہدی گفتار دی گل کیتی
 کتے اوہدی اسوار دی شان دی کتے خود اسوار دی گل کیتی
 کتے امن دا شہر پکار کے تے اُہدے پاک دربار دی گل کیتی
 کدی اپنے کول بلا کے تے اللہ عرش توں پار دی گل کیتی
 کتے اپنے کول بٹھا کے تے اللہ قاب قوسین دی گل کیتی
 کتے سینے نوں کہیا الم نشرح کتے حسن حسین دی گل کیتی
 کیتی جدوں محبوب دی گل کیتی بالکل نہیں طرفین دی گل کیتی
 کتے کہیا سراج منیر اوہنوں کتے پاک نعلین دی گل کیتی
 صدقے جاواں بے نیاز دے پیارا توں تھاں تھاں دلدار دی گل کیتی
 پئے گئی جدوں وی گل دی لوڑ ناصر
 سوہنے نال پیار دی گل کیتی



محفل سجدی پئی اے

کنیں نوبت وجدی پئی اے
 آپ دی محفل سجدی پئی اے
 ساڈے پلے کی اے دسو
 رحمت پردے کجدی پئی اے
 آج سوہنے دی محفل اندر
 گھڑی وسیندی حج دی پئی اے
 جو سوہنے دے ناں تے منگی
 اوہو بارش چجدی پئی اے
 جیہڑا عیب حضور چوں کڈھے
 اوہنوں سمجھو وجدی پئی اے
 ناصر دی ہن لاج نبھاویں
 لچ تینوں بے لچ دی پئی اے



ترے ناں توں وارے سارے

سوہنیاں چن ستارے سارے، گلشن پھل نظارے سارے
 دریا اُتے کنارے سارے، کپہ جتے کپہ ہارے سارے
 کپہ تارے متارے سارے، ہیرے موتی بھارے سارے
 اُچے محل منارے سارے، تیرے ناں توں وارے سارے

سارا جسن، حسین تمامی، گل مکان مکین تمامی
 روس، انگلینڈ تے چین تمامی، اگلے مذہب تے دین تمامی
 ملکاں دے آئین تمامی، سجدے تے مسکین تمامی
 سوہنے سوہنے سین تمامی، جلوے رنگ لشکارے سارے
 جلوے رنگ لشکارے سارے

ترے ناں توں وارے سارے

سی سوہنی ہیر وی آقا، ہر اک پیر فقیر وی آقا
 راجہ ستاہم وزیر وی آقا، لوح و قلم تحریر وی آقا

ہر صورت تصویر وی آقا، زلف دی ہر زنجیر وی آقا
 اکھ تے اکھ دے نیر وی آقا، ہر اعلیٰ جاگیر وی آقا
 مہر و ماہ مہ پارے سارے
 ترے ناں توں وارے سارے

عہدے رُتبے افسر سارے، اسود ورگے پتھر سارے
 چمکن سوہنے دلبر سارے، سب سلطان سکندر سارے
 بہتر توں وی بہتر سارے، صحرا ذرے ساگر سارے
 زم زم آب کوثر سارے، مکتب اتے ادارے سارے
 مکتب اتے ادارے سارے
 ترے ناں توں وارے سارے

پائل پاؤندے مور کبوتر، کہکشاں تے جھلمل اختر
 کلیاں، بنگلے محل تے دفتر، عرش فرش تے سارے انبر
 نیلیم رُکن یمانی مر مر، ولی اوتاد ابدال قلندر
 سب کلیسے، گرجے مندر، سارے واعظ علم تے منبر
 لے کے رنگ نیارے سارے
 ترے ناں توں وارے سارے

ظاہر باطن، اوّل آخر پاک پوتر صاف تے ظاہر
 ادب ادیب تے غزلاں شاعر، حکمت دولت سحر تے ساحر
 سائنس طب جراح دے ماہر، جنگل شہر پہاڑ تے طائر
 جو پوشیدہ جو کچھ ظاہر، ناصر ورگے لکھاں ناصر
 صومے، جھرنے، چشمے سارے
 ترے ناں توں وارے سارے



آقا سید محمد علیؒ جدوں لحد وچہ آئے

جو دوزخ دی زد وچہ آئے
 گستاخی دی مد وچہ آئے
 ہر اک حد دی حد ہندی اے
 تیری شان نہ حد وچہ آئے
 جس تے نظر حضور دی ہوئی
 اوہ ناں نظر بد وچہ آئے

رب نے سب نوں پاک بنایا
 جو سوہنے دی جد وچہ آئے
 بن گئے اوہ سلطان جہاں دے
 جو نظر احمد وچہ آئے
 صرف حضور نے آن بچایا
 جو مشکل دی زد وچہ آئے
 ناصر تے خیراں ہوئیاں
 آقا ﷺ جدوں لحد وچہ آئے



پیار دا زمانہ ایں

ٹینکاں دا نہ توپ تلوار دا زمانہ ایں
 پیار تقسیم کرو پیار دا زمانہ ایں
 اللہ دے حبیب دا مقام دسو کھل کے
 پھل وٹڈو سجنوں بہار دا زمانہ ایں
 گلاں نال بھلا کون تسلیم کردا
 پردھو گے درود تے سکون سدا پاؤ گے
 آج کل ایں ہتھیار دا زمانہ ایں


کلمے دا دیکھو ذرا ترجمہ کر کے
 بالکل ایہہ وی سرکار دا زمانہ ایں
 ہنجواں دے نال ذرا اکھیاں نوں پونج لو
 محفل اچ آؤ دیدار دا زمانہ ایں
 ناصر ہر دور وچ سنو کن لاکے
 اللہ فرماؤندا میرے پار دا زمانہ ایں



آپ دا ابو ہامل مدینے

ریا مینوں گھل مدینے
 بن جاندی اے گل مدینے
 پل اچ پیار دے بوئے تائیں
 لگ جانا اے پھل مدینے
 رہن نہیں دیندے عیب کسے دے
 آوندی اے اک چھل مدینے
 کاسے بھرن تے کیہ پچھنا ایں
 لگدا نہیں اک پل مدینے
 کیہ منگنا تے کیوں منگناں
 آ جانا اے ول مدینے

انشاء اللہ ٹر جاواں گے
 اج میں تے کل مدینے
 ہر اک مرض دا دارو لبھدا
 ہر مشکل دا حل مدینے
 جے ملناں ای رب نوں ناصر
 آپ دا یوہا مل مدینے



شعلہ جیویں آگ دا

شعلہ جیویں آگ دا تندور وچوں بولدا
 عشق حقیقی منصور وچوں بولدا
 موسیٰ دا پیار کوہ طور وچوں بولدا
 زکھ جدوں بولدا تے پور وچوں بولدا
 ذائقہ مٹھائیاں دا کھجور وچوں بولدا
 فیض بابے بلھے دا قصور وچوں بولدا
 سدا ای شیطان تے فتور وچوں بولدا
 پیہ ای تے بندے مغرور وچوں بولدا
 نور دا نظام سارا نور وچوں بولدا









ولیاں دا حال تے قبور وچوں بولدا
 دلاں دا جو ذوق اے سرور وچوں بولدا
 پر ناصر اے محدثاں مفسراں دا فیصلہ
 رب جدوں بولدا حضور وچوں بولدا



صَلَّى اللهُ عَلَى النَّبِيِّ الْأُمِّيِّ وَالْإِلهِ وَبَارِكْ وَسَلِّمْ



شاکر پبلی کیشنز کی معیاری کتابیں



اُردو بازار لاہور
042-37240084

شاکر پبلی کیشنز